







A



S. HILARI  
 PICTAVORUM EPISCOPI  
 DE PIORUM STATU  
 IN SINU ABRAHÆ  
 ANTE CHRISTI MORTEM

SENTENTIA

*Nunc primum illustrata*

A B

ANGELO MARIA FELTRI

A S. ANTONIO

CLERIC. REGUL. SCHOLARUM PIARUM.



NEAPOLI MDCCLXII.

Excudebat Joseph Raymundi

---

SUPERIORUM FACULTATE.

Ego proinde fateor, me ex eorum numero esse conari, qui proficendo scribunt, & scribendo proficiunt. Unde si aliquid vel incautius, vel indoctius a me positum est, quod non solum ab aliis, qui videre id possunt, merito reprehendatur, verum etiam a me ipso; quia & ego saltem postea videre debeo, si proficio; nec mirandum est, nec dolendum; sed potius ignoscendum, atque gratulandum, non quia erratum est, sed quia improbatum. Nam nimis perverse seipsum amat, qui & alios vult errare, ut error suus lateat. Quanto enim melius, & utilius, ut ubi ipse erravit, alii non errent, quorum admonitu errore careat: Quod si noluerit, saltem comites erroris non habeat. S. Augustinus Epist. 143. aliis 7. ad Marcellinum num. 2.



*Post Scripturas Sanctas Doctorum hominum, Tractatus lege, sapientissime aiebit Hjeronymus Epist. 10. Hisce ego peropportune monitus, ex tot Sanctissimis Ecclesiæ Patribus unum maxime delegi, & in deliciis habui, Hilarium scilicet Pictavorum in Gallia Episcopum, quem ab ipso*

Hieronymo summis noveram exceptum laudibus, eumque sedulo, quoad possem, studio versandum mihi proposui. Quod autem primo loco eruendum ex Hilario putavi, dogma fuit Catholice Reipublice firmissimum de Beatitudine, seu visione, ut dicunt, beatifica statim a morte reddita justorum animis, quos nulla sedat culpa, quibusque luendum nihil superest. At difficilimum mihi ad expediendum negotium animadverti susceptum, tantumque absuit, ut iis in subsidium accitis, qui de Hilarii sententia suis interpretationibus, Commentariisque optime meriti circumsferuntur, difficultates evanescerent, quinimum anceps magis factus de Hilarii locutionum germano sensu, novis, iisque gravioribus retardatus fui, ne proficerem, impedimentis.

2 Observabatur enim primo loco ante oculos egregium sane, aureumque opus Cl. Ludovici Antonii Muratorii, cui titulus: *De Paradiso Regni que celestis gloria non expectata corporum resurrectione iusti a Deo conlata: deprehendebamque, Virum illum doctissimum non alienum fuisse prorsus a suspitione, quod Pictavorum Antistes aliquandiu opinionem approbaverit de Millenario Regno, mitiori licet in sensu, quam vel Cerinthus deliraverit, vel Papias fuerit inscite nugatus. En Muratorii verba ibid. cap. 11. Edit. Venet. an. 1755. pag. 143. Cui (Thomæ scilicet Burneto) responsum primo velim, Seculo Christi IV. nondum excidisse penas opinioni, de Millenario Regno, eamque in paucorum adhuc*



cerebro locum pacificum invenisse, inter quos S. Hilarius forsitan recensere licet. Aliquam ille hac de re suspicionem ingerit *Tract. in psal. 62. num. 7., atque in psal. 143. num. 8. . .* Condonandus hic error, dum aliquandiu fuerit in S. Hilario, qui a deliramentis Cerintibi, aut ab ineptiis Papie, alienum saltem se prodit, eamque opinionem non uno titulo emollior. Verum qui illius hac in re auctoritate uti velit, inani prorsus suffragio utatur, siue ut melius dicam, abutatur. Numquid gemmæ sunt, quæcumque in libris priorum Patrum occurrunt? &c. Et paulo infra pag. 144. Secundo animadvertendum est adversus Burneti Systema, non una ratione Hilarius ipsum decertare. Scilicet ille, siue quia ad Millenarios nunquam accesserit, siue quia ab ipsis recesserit, se plerisque aliis in locis prodit Catholicorum sapientiorum sententiæ additissimum.

3 Aliunde vero Prælectiones Theologicæ Honorati Tournely in subsidium adhibens, ut Hilarii doctrinæ interpretatione nasceretur, illud satis mirari non potui, quod a Gallo Scriptore usurpatum est, qui *De Deo, & divinis attributis q. 12. art. 1. pag. m. 292.* testimonium quoddam Hilarii ex *Tract. in psal. 2. n. 48.* adversus hæreticos ita emollire, ac explanare conatur, ut velit, Sanctissimum illum episcopum existimasse, Lazarum statim ab obitu, ac proinde antequam Dei Filius se ipsum pro nobis devoveret Patri, gloriam reportasse, divitem vero Epulæ debitam poenam. Post quæ ita triumphat: *Unde testimonium illud S. Hilarii favet plurimum causæ Catholicæ, nedum ipsi noceat.* Jure quidem merito. Si enim de Hilarii sententiâ Lazari animis, antequam Christus Inferos adierit, Dei pulchritudine atque præsentia, qua nimirum vera & solida continetur beatitudo, potitus fuit, multo magis iustis, optimisque viris in Novo Testamento contingere id debet.

4 Permelitum mihi maxime acciderat, quod a Muratorio traditum recitavi. Noveram enim Christianæ Reipublicæ theologos vix uti amplius posse Hilarii auctoritate ad dogma istud Catholicum firmandum. Nam, cum ajente loc. cit. Muratorio, *aliquam ille (Hilarius) hac de re suspicionem ingerat tract. in psal. 62 num. 7., atque in psal. 143. num. 8.* consequens inde est, ut error ille in Hilario fortasse obtinuerit locum eo tempore, quo suos scripsit in psalmos Commentarios, maxime vero cum psalmum

148. explanavit. Sed hujusmodi Commentarios absolvit Sanctus Episcopus, id efficiente Maurinò editore Petro Constantio, extremis quibus vixit annis, neque post illos aliud ab eodem exaratum acceperimus opus: fieret ergo, ut Hilarius in hunc errorem extremis suæ vitæ annis concessisset, nec proinde demonstrari aliunde posset, ab eo errore recessisse. Et sane quamvis diligentissimus fuit Muratorius in iis Hilarii sententiis congerendis, quæ Burneti insaniam aptissime refellunt, ne unum tamen habet Hilarii testimonium ex reliquis in psalmos enarrationibus, post tractatum scilicet in psal. 148, petitus, quo id efficiat. Qui ergo probari posset ab eo defecisse Hilarium errore, cujus suspicionem ingerit tract. in psal. 148? Dandum tamen aliquod est Viro illi Doctissimo, qui ut accuratissimus fuit in iis colligendis, quæ ad causæ Catholicæ patrocinium contra Anglum theologum conferre aliquo modo poterant, ita nihil sibi omitendum esse putavit eorum, quæ solvendis adversariorum argumentis apta utriusque ei videbantur: in quo tamen dum liberalem se nimis præbuit adversariis, rebus suis minus accurate consuluit. Cæterum quam vere, ac solide ab omni etiam suspicionem erroris Hilarium vindicaverit Muratorius, ex auctoris operis lectione adeo fit manifestum, ut eum deliberatum apud me esset, Hilarii exornare vindicias, ne actum agere viderer, istud consilium dimittendum mihi esse intellexi.

5. Quod autem ex Honorato Tournely acceperam, ardebat maxime, sentiebamque, cum Doctore Sorbonico, opinionem illam favere plurimum causæ Catholicæ de jucundissimo Dei adspectu statim post mortem iustis concedendo. Dolebam tamen gratis a Clarissimo Theologo illud assumi, quod non nisi gravissimis sussultum momenti esset proponendum, cum præsertim communi Scholastico- rum iudicio contrarium. Id esse, doctissimus vir ignorare non posset. Hinc orta apud me est suspicio, verba illa ex ejus ore fortasse excidisse, aut ei non satis diligentem, sedulamque operam collocanti in Hilarii sententiis investigandæ poruisse facili negotio imponi ab extimo vocabulorum sono, locutionumque si nificatione superficie tenus spectata, unde ita explicandum Hilarium putaverit.

6. Verum suspicioni huic locum minus esse persuadebar, ubi præstantissimum doctissimumque Joannis Cadenici, Cremonensis Canonici

nonici opus: *Vindictæ Augustinianæ ab imputatione regni millenarii* accurate, summaque cum voluptate pervolvens; animadverti, virum tantum, ac tam emundæ naris in eandem concessisse sententiam, plurimumque uti Tournely interpretatione, imo & illud tam aperte addere cap. 16. pag. 266: *Sed interim notabunt lectores, alium item Ecclesiæ Doctorem cum Augustino hoc expresse docere*. Tanti viri auctoritas apud me magnopere valuit, effecitque, ut de Tournely responsione Cadonici calculo probata honorificentius sentire inciperem. Quoniam vero & apud Cadonici, cujus instituti ratio in Hilarii dictis versandis illustrandisque cum immorari non patiebatur, momenta desiderabam, quibus perspecta fieret Pictaviensis Episcopi sententia; hinc vehementer sum commotus, ut hujusmodi investigationi magis inagisque insistens, ea invenirem, quibus Hilarii mens apertissime innotesceret, & ab omni vindicaretur dubitatione.

7 Quos autem ex ejus operum meditatione perceperim fructus, hæc indicabit dissertatio, quæ eo tota spectabit, ut efficiat, tum quæ amplissime prædicat Hilarius de statu Lazari post discessum a vita, qui certe mortem Christi præcessit, tum quæ Regio Vati statim a morte præstantissima pollicetur, ejusmodi esse, ut ne minimo quidem intervallo ab iis distent, quæ idem Galliæ Præsul scribit de sempiterna felicitate, gaudiisque celestibus, quæ iustis Novi Testamenti, ubi primum e corpore evadunt, copiose reddi pronunciat. Ex hoc scilicet sic instituo argumentum. Eadem habet Hilarius de piorum animis, antequam mortem Christus obiret, & de iisdem, post Christi mortem. Vel ergo utrosque a Dei præsentia amovit; vel utrosque ea donatos existimavit. Primum esse nequit, & ob apertissima ejus testimonia, quæ diserte testantur, animas Sanctorum N. T. beatitudinem confestim adire, & ob unanime Scholasticorum suffragium, qui a Millenariorum errore, immo & erroris suspitione Hilarium constantissime defendunt; & ob non exiguum, quod causæ Catholicæ inferretur, detrimētum; quippe quia aditus inde pateret ad submovendam eadem ratione cæterorum Patrum auctoritatem: ergo alterum dicatur oportet.

8 Non inutilem laborem hunc putavi, sed & necessarium, & magnum; intelligebam siquidem Christianæ Reipublicæ consultari magis iri, si propendisse demonstretur Hilarius in eam sen-

ten-

5  
tentiam, quæ cum nullo Ecclesiæ iudicio definita sit, ad fidem non pertinet (1), & in qua sunt etiam Augustinus, id ad evidend-

(2) *Certe fide tenendum est, ante Christi mortem nullum animum quantumvis bonum, & purum essentialium beatitudinem accepisse, tradidit auctor compulsiis probabilis Suarezius in 3. part. q. 51. art. 8. disp. 41., qui tamen, scitissime admonente Liberato Fassonlo Clarissimo de nostra familia Theologo, editisque operibus de Christiana Republica optime merito: De piorum in fine Abreha Beati tudinis cap. 1. §. 17., cum maxime id vellet agere, non demonstravit. Hoc ipsum aperte pronuntiavit Hiacyntus Amat de Graveson: De vita, Myseriis, & animis Christi dissect. 11. §. 1. docens id ita dogma fidei esse, sicut dogma fidei est in Conciliis Florentino, & Tridentino contra Millenarios definitum, iustos post Christi mortem confestim immarcescibili eternæ gloriæ tronus donari. Quæ doctrina, inquit, (utinam demonstrasset!) expresse habetur in Scriptura Sacra, & in traditione Sanctorum Patrum. In eadem versati sunt alii sententia, quibus quo minus assentiat, plura, eaque gravissima impediunt momenta, de quibus alius fortasse. Auctor interim sum, ut aureum opus Melchioris Cani de Locis Theologicis sedulo, diligentissimeque præ oculis habeatur, præsertim vero quæ lib. 12. cap. 9. sapientissime ille disserit de notis, quibus quæstiones fidei d. iudicari possunt. Ex his enim facile quæque intelligit, hac in quæstione ea omnino desiderari, quæ ad religionis legem constituendam necessaria sunt.*

Illud unum præterire nullo modo possum, fidenter nimis a nonnullis usurpari, veterem hac esse sententiam, jam inde a primis Christianæ Republicæ doctam temporibus, atque omnium Patrum firmatam consensu, ita ut, auctore Vincentio Lirinensi, religionis lex putanda sit. Ex traditione quippe Catholica veritas firmari non potest, nisi apertissimis id expressum verbis apud Patres habeatur. Verum pro adversariorum sententia non solum apertissima non sunt Patrum omnium locutiones, & dicta; sed etiam non desunt, qui esse sciant, Hilarium, Chrysostomum, & Augustinum (quales porro, quantosque Ecclesiæ Magistros!) in affirmantem descendisse sententiam, veteresque Patriarchas vere beatos, ac Dei lætatos conspectu se vera agnovisse. Desideratur ergo constans illa traditio atque omnium Patrum firmata consensu. Non me quidem latet, adversæ sententiæ Patronos constanter velle, unum vel alterum Ecclesiæ Doctorem detrimento esse non posse veteri perennique Ecclesiæ traditioni. Hos tamen urgere placet perspicuis Melchioris Cani testimoniis, iisque maxime, quæ lib. 7. cap. 3. leguntur Conclus. tertia. *Plurium Sanctorum auctoritas, reliquis licet paucioribus reclamantibus, firma argumenta Theologos sufficere. & præstare non valet. Et post nonnulla: Porro autem si UNUS, aut paucorum opinio non fuerit ab Ecclesia rejecta, tum plurimorum auctoritas, quemadmodum diximus, nihil certum, firmumque conficit. Conclusionem vero secundam hæc statuerat: UNUS, aut DUORUM Sanctorum auctoritas, etiam in his, quæ ad sacras litteras, & doctrinam fidelis pertinent, probabilis quidem argumentum subministrare potest, firmum vero non potest, Ita DESPICERE, ET PRO NIHILO HABERE, IMPUDENTIS ERIT. Quæ tamen intelligenda vult de rebus, circa quas nullum extat Ecclesiæ iudicium, quo in casu non modo versatur,*

Quibus hæc non sufficiunt, legant hi, quod habet ibid. conclus. quarta. *Omnium etiam Sanctorum auctoritas in eo genere quæstionum, quos ad fidem diximus minimè pertinere, fidem quidem probabilem facit, certam tamen non facit. Quæ in causâ testem præfert satis idoneum, & gravem Vincen tium Lirinensem*  
in

6  
dentiam conscientie prælaudato Joanne Cadonici loc. cit., immo  
fuisse invenirentur & alii Veteres Patres, si in eorum scriptis per-  
scru-

in libro adversum profanas novationes, ubi: *Antiqua, ait, Sanctorum Patrum consensio non in omnibus divina legis questionibus, sed solum in fidei regula, magis nobis fluida, & investiganda est, & sequenda.* Et lib. 8. cap. 1. in responsi-  
ad 3. *Principio autem Theologos omnes admonitos esse velim, ut sepositis non effectibus modo, sed opinionum etiam prejudiciis, de consensu fidei prudenter, graviterque decernant.* Non enim si quidquam in schola, bonis etiam temporibus invenerant, non fidei dogma existimandum est. Sunt autem nonnulli, qui per eas persuasiones, quibus a principio sunt imbuti, de rebus gravissimæ sententiam ferunt, temeritate quodam, sine iudicio, repentina quasi vento incitati, quæ longe alla essent, si iudicia considerate, constanterque lata fuissent. Illi autem in ea primum errant, quod schola opinione a certis constantibusque decretis non separent. Delude errant in ea, quod duo rerum genera confundunt, unum earum, quæ ad religionem attinent, eorum alterum, quæ hanc ne attingant quidem. At si Sanctorum veterum consensio, ut libro superiori definitum est, non in omnibus legis questionibus sequenda nobis, Et tenenda est, sed solum in fidei regula; nec quavis illorum opinio in re gravi **COMUNIS OPINIO** fideles asstringit, sed firmum constantque iudicium: sequi de recentioribus Schola Theologis dicere oportet, quæ veteres illi longe Et vix merito, & scripturarum usu, Et auctoritatis pondere superarunt? Hæc illa, in quibus has orationis longitudo, magnitudine utilitatis pensatur.

Neque obstant, quæ legimus, apud eundem Melchiorem Canum lib. 1. cap. 1. hisce verbis: *Obvia perceptis, Si Scholastici Theologi aliquam eisdem consensum firmam, & stabilem una ore omnes, statuerint, atque ut certum Theologia decretum fidelibus amplectendum, constanter, & perpetuo docuerint, illam ut Catholicam veritatem fideles sane amplectantur.* Hæc inquam non obstant. Quis enim asserat communem Scholasticorum sententiam, ut certum Theologia decretum fidelibus fuisse a Theologis propositum? quia gravissima attulit momenta, quæ firmam ac stabilem conclusionem efficerent, & non potius tanquam firmam, ac stabilem usurpaverit, nonnullis tantummodo ductus, argumentis? ergo &c.

Ex hisce sedulo perpensis rite quisque intelliget, me apte, accommodatè, quæ pronunciasse, causam hanc, cum nulla Ecclesiæ iudicio definita sit, ad fidem non pertinere, nihilque proinde de ejus Sanctitate, Sapientia, auctoritateque detrahi, qui affirmativam tueretur opinionem. Rem agam verbis præcisissimis nostri Faffonii loc. cit. cap. 3. §. 30. num. II. *Aliunde nihil de Patrum Sanctitate, sapientia, auctoritateque detrahatur, si quandoque, cum NULLUM ADHUC ECCLESIA JUDICIUM TULIT, eorum doctrinam atque opiniones reliquerint.* Cumque ab Augustini temporibus, de quo hic loquitur, nullum adhuc Ecclesiæ iudicium protulerit; hinc fit, ut absque ullo Sanctitatis, sapientia, auctoritateque detrimento modo etiam defendi id possit.

Illud saltem incommodi, dicit fortasse nonnemo, ex hoc Hilarii sententia derivabit, quod & amplissimis illis detraharit emolumentis, ac fructibus, qui ex morte Christi confuxerunt ad hominum genus, & Christi de inferis imminuatur triumphus, quem Patres omnes & summis, & maximis cénarunt laudibus. Quis autem sibi fingat, Sanctissimum Galliarum Episcopum ac Doctorem passioni Christi aliquid vel minimum voluisse detrahere? Ego vero perspectum habeo exploratamque, ex Hilarii sententia nihil huiusmodi sequi, immo facta, & ceterosque omnia servari, quæ a divinis litteris acceptis de commodis, & bonis,

7

scrutandis sedulam quis operam collocaret; quam si a Catholico dogmate in Conciliis Florentino Tridentinoque sancito, tanti Episcopi

ais, quæ Christi passio nobis peperit. Quatuor potissimum hæc sunt, quæ ipsismet Romani Catechismi verbis juvat describere. *Primum igitur*, sic ille parte 1. de quarto Symboli articulo num. 14., *Dominus passio peccati liberatis suis. Nam ut est apud S. Joannem* ( Apoc. 1. 9. ): dilexit nos, & lavit nos a peccatis nostris in sanguine suo: *Et Apostolus inquit* ( Colos. 2. 14. ): Convivificavit vos cum illo, donans vobis omnia delicta, delens quod adversum nos erat, cuiusmodi decreti, quod erat contrarium nobis, & ipsum tulit de medio, assigens illud Cruci. *Deinde a Damiani tyrannide nos eripuit. Ipse enim Dominus inquit* ( Joan. 12. 31. ): Nunc iudicium est Mundi: nunc princeps hujus Mundi ejicietur foras: & ego, si exaltatus fuero a terra, omnia traham ad me ipsum. *Poenam præterea peccati nostris debitam persolvit. Tum vero, quis nullum gratius, & acceptius Deo sacrificium offerri potuit, Patri nos reconciliandi, eamque nobis placatum, & propitium reddidit. Postremo, quoniam peccata sustulit, calicem etiam edidit, communis humani generis peccata intersusum, nobis potescit.* At hæc omnia in Hilarii quoque sententia amplissime triumphant. Non est ergo, curdicamus, sua Hilarii sententia injuriam non levem irrogare Christi passioni & morti.

Porro in hoc tantum differt Hilarius a Catechismo, quod ille Christi passionem ita nos intelligit translatos in regnum cælestis, & Paradisi portas nobis apertas, quemadmodum a peccatis nostris loti sumus in sanguine ejus, liberati a servitute diaboli, & Deo Patri reconciliati: sicuti nimirum & ante Christi passionem remissa sunt iusta peccata, liberati sunt a servitute Dæmonis, & Deo Patri fuerunt pii viri, ac optimi reconciliati: ita per Christi mortem translatos nos vult Hilarius in cælestis regni possessionem, ac nihilominus & ante Christi mortem iusti in beatorum sedes deducerentur, Si illud vim potestatemque mortis Christi non imminuit, cor istud imminuet? Tantum id sane abest, ut potius divine gratiæ, meritumque Christi efficacia & pondus in Ecclesia in Adamo fundata, & usque ad nos derivata ex Hilarii sententia maxime appareat, commendetur, illustretur. Christus enim Dominus Agnus est ille, *qui occisus est ab origine Mundi*; & qui ex veteribus sunt salutem consecuti, salvi facti sunt per Agni illius sanguinem, ac mortem. Temere ergo ac oscitanter nimis iudicium pronunciant de hac Hilarii sententia, qui eam detrudere existimant emolumentis illis & plurimis, & aberrimis, quibus ex Christi morte sumus largiter donati.

Hinc etiam habea, suum superesse & splendorem & decus Christi de inferis triumpho. Descendit quippe ad inferos, ut ibi etiam, quemadmodum in cælo & in terris, vim suam, potestatemque declararet, & omnino, *ut in nomine ejus omnes genuflecteretur, cælestium terrestrium, & infernorum.* Declaravit autem & quatenus damnatos de sua infidelitate, & malitia confutavit, & quatenus iustorum animas in Purgatorio diversantes, & piacularibus pœnis necdum plene purgatas, in certam spem gloriæ propediem consequendæ crexit, immo & ex his plurimis singulæ gratiæ suæ largitate liberavit, ut ex Augustino, aliisque Patribus colligitur; & quatenus Patriarcharum plurimos ad vitam revocavit, suæque fecit resurrectionis comites. Quanta etiam, & quam mirabilis fuit Christi triumphus, ubi majestatis suæ præsentiam potentiamque, quam sævienti diabolo pœnis occultaverat, manifestam in inferis fecit, se sequas humani generis

Re-

scopi auctoritas penitus submoveatur, vel tanquam anceps, & ambigua, vel tanquam ab eo prorsus aliena. Ex illo enim nulla hinc ansa exhibetur hæreticis ad reprehendenda Ecclesiæ dogmata; datur tamen & quidem aptissima, si postremum admittatur. Cæterum

Reparatorem, infernis profigatis, perditisque potestatibus, illis spectandum exhibuit. Sc autem prius dæmoni occultasse Christum, discimus ex Patribus, præsertim vero ex S. Leone Magno serm. 28. de Passione cap. 3: *Qui ut humanum genus vinculis mortiferæ prævaricationis absolveret, & seculenti diaboli potentiam suæ majestatis osculuit, & infirmitatem nostræ humilitatis objecit. Si enim crudelis, & superbus inimicus consilium misericordiæ Dei nosse potuisset, In eorum animos mansuetudine potius temperare, quam injussis edictis sudasset occurrere: ne omnium captivorum amitteret servitutem, dum nihil sibi debeatis persequitur libertatem. Fecit illi ergo illum malignitas sua &c.* Quibus sane omnibus fieri debuit, ut amplissimus, omniumque maximus esset Christi ad inferos proficiscientis triumphus, dignusque idcirco, qui tanta pompa, ac tot laudibus a Sanctis Patribus celebraretur. Hilarii ergo, quam hic exornandam suscepit, sententia ejusmodi est, ut neque uberrima mortis Christi emolumenta deprimat, neque ullo modo derogat honorificentissimo Christi de Inferis triumpho.

Hinc etiam intelligas velim, in hac Hilarii sententia in tuto omnino esse incredibilem illam videndi Messis cupiditatem, atque expectationem, tamque vehementes, & assiduas Hebræorum preces. Quod enim pronunciant adversarii, nimirum: *si statim ab obitu Christi æternam inierint hereditatem, consensum amplius nullum reperies, cur tanto Liberatoris delicti desideria arderent, efficerenturque tam incredibili studio... non fuit omnino, non fuit, cur Messiam tam cupide expectarent...* *Languet tunc Hebræorum desiderium, cessat voluntarum contentio, torpent propemodum & jacere videntur obsecrationes, & preces:* quod, inquam, hilce verbis pronunciant, minus accurate dictum deprehendo: 1. quia ut docent divinæ litteræ, utque ex Romano Catechismo superiori loco tradidi, præcipuum ac maximum passivæ Christi beneficium fuit liberatio a peccato, quod sane beneficium tantum est, ut illud & unice quodammodo, & semper divina Scriptura ob oculos nobis ponat: hinc Rom. 3. 25. *Quem proposuit Deus propitiacionem per fidem in sanguinem ipsius, ad ostensionem justitiæ suæ propter remissionem præcedentium delictorum.* Coloss. 1. 14. *In quo habemus redemptionem per sanguinem ejus, remissionem peccatorum...* & per eum reconcillare omnia in ipsum, pacificans per sanguinem crucis ejus, sicut quæ in terris, sive quæ in caelis sunt. Sic alibi passim. 2. quia tota precandi ratio, qua Sacerdotes Adventus tempore utuntur, præsertim vero in notissimis illis Antiphonis O vulgo dictis, circa redemptionem a peccatis versatur: *veni ad liberandum nos in brachio extenso: veni ad liberandum nos: veni, & edue vinclum de domo carceris, sedentem in tenebris, & umbra mortis: veni & salva hominem, quem de limo formasti: veni ad salvandum nos.* Quod ergo summo illo atque incredibili animorum ardore expectabant Judæi, redemptio erat a peccatis in Messie sanguine, liberatio a servitute diaboli, uberiora divinæ gratiæ præsidia, quæ necessaria sunt, tum ut virtutes colantur, tum ut ad vitam perveniamus æternam, maximarum exempla virtutum &c. Hæc porro causas adventus Christi præsertim adducunt divinæ Scripturæ, hæc in suis precectionibus proponit Ecclesia. Dicendum ergo & hisce causis motos Judæos fuisse, ut Messiam tam cupide expectarent. In Hilarii igitur sententia nihil occurrit vel a religione absonum, vel a veritate ullo modo alienum. Ergo &c.

ANDREÆ . GALLAND

VENETÆ. ORATORII. CONGREGATIONIS

P R E S B Y T E R O

ET. VIRTUTE. ET. PIETATE. ET. RELIGIONE

S P E C T A T I S S I M O

LITTERARUM. TUM. SACRARUM

TUM. ETIAM. PROFANARUM. ERUDITIONE

C L A R I S S I M O

OMNI. IN. RE. CRITICA

SANCTORUMQUE. PATRUM. LECTIONE

V E R S A T I S S I M O

DE . CHRISTIANA. REPUBLICA

OB. INITUM. CONSILIUM. AC. LABOREM

NOVÆ. EDITIONIS. BIBLIOTHECÆ. PATRUM

EGREGIIS. AUCTÆ. NOTIS. ET. COMMENTARIIS

QUAM. MAXIME. MERITO

ANGELUS. MARIA. FELTRIUS

CLER. REGUL. SCHOLARUM. PIARUM

DISSERTATIONEM. HANC

QUÆ. AD. S. HILARII. PICTAVIENSIS. DOCTRINAM

ILLUSTRANDAM. PERTINET

HONORIS. AC. OBSERVANTIÆ. CAUSSA

D. D. D.



# JOSEPH MARIA

A S. JOANNE BAPTISTA

*Clericorum Regularium Pauperum Matris Dei Scholarum Piarum  
Præpositus Generalis.*

**C**um Dissertationem inscriptam: *S. Hilarii Pictavorum Episcopi de Piorum Statu ante Christi mortem Sententia nunc primum illustrata &c.*, ab Angelo Maria a S. Antonio Ordinis Nostri Sacerdote compositam, duo ex Nostis, quibus id commissimus, probaverint, ipsius edentæ facultatem, quantum in Nobis est, Auctori concedimus. Datum Romæ in Ædibus Nostis Scholarum Piarum apud S. Pantaleonem die 3. Augusti 1762.

JOSEPH MARIA A S. JOANNE BAPTISTA  
*Præpositus Generalis.*

Loco ✠ Sigilli

*Reg. fol. 127.*

*Octavius a. S. Francisco Secretarius.*

9  
 terum hac mea in dissertatione ita sollicitus ero de una Hilarii doctrina, ut nihil inde detrimenti allatum velim vulgatissimæ Scholarum opinioni, quæ Veteres Patriarchas, ac pios quoscumque ante Christi adventum a Dei conspectu removendos vult, collocandos vero in inferiorum locis, ubi ex certa futuræ beatitudinis spe magnum gaudium perciperent, ex dilatione autem in doloribus versarentur. Illud enim probe memini, quod a Cl. Liberato Fafonio e nostra familia Theologo Doctissimo scriptum est in eleganti, eruditoque opere *De piorum in sinu Abrabæ beatitudine* duobus ab hinc annis Romæ typis impresso. *Veruntamen etsi magni viri* (ita cap. 3 § 50 num. II. de Augustino, cujus in locum Hilarium modo suppone) *Veruntamen etsi magni viri* *judicium a superiorum judicio discreparet, nihilominus reliquorum potius Patrum tot, atque tantorum, quorum sunt a nobis producta atque propofita testimonia, persequenda essent vestigia... Qui* (Hilarius) *sanctis viris, ac Patribus cum plurimum semper honorem habuerit, ne ipse quidem credo, committeret, ut quis opinionem suam tam exploratæ, tam firmæ, ac stabili Majorum sententiæ anteponendam putaret. Aliunde nihil de Patrum Sanctitate, sapientia, auctoritateque detrabitur, si quandoque, CUM NULLUM ADHUC JUDICIUM ECCLESIA TULIT, caterorum doctrinam, atque opinionem reliquerint.* Hæc ille: quibus in verbis nonnihil esse, quod aliis nullo modo arridet, dissimulare non possum. Mea tamen nihil interest, ea expendere, cum ad unius Hilarii sententiam deducendam coarctari debeat disputatio mea. Viderint alii, ego interim ad argumenta progredior.

9 Ne autem, quod præcipuum est, rationem, & viam in hac disputatione desiderari patiar, exordiri juvabit a celeberrimo illo Hilarii testimonio, ex quo oblata occasio est & Tournely suam in publicum emittendi interpretationem, & mihi accurate, quoad potui, investigandi Galliæ Episcopi sententiam. Est autem illud ex Tract. in psal. 2. num. 43. ad illa Prophetæ verba: *Apprehendite disciplinam, ne quando irascatur Dominus, & pereatis de via justa: cum exarserit in brevi ira ejus &c.* in quæ hæc habet Hilarius. *Pereunt autem (impii) de via justa, cum exarserit in brevi ira ejus. Non morosa hæc ira est, per quam de justa via pereunt: ne quis sibi interim in pænæ lucro inter moras judicii blandiatur. In brevi namque exardescit ira. Excipit enim*

*nos statim ulcor infernus: & decedentes de corpore, si ita vixerimus, confestim de via recta perimus. Testis nobis Evangelicent Dives, & Pauper (2): quorum unum Angeli IN SEDIBUS BEATORUM, & IN ABRAHÆ SINU locaverunt, alium statim*

(2) Historia ne sit, an parabola, quod de Lazaro, & Divite Lucæ 16. describitur, ad argumenti, quod versamus, vim, potestatemque nihil penitus refert. Ex eo siquidem illud traditur, quod inter Judæos constabat post mortem contingere tum iustus enim impio. Cæterum historicum existimavit Hilarius, ut factis apte apparet ex loco mox adducto, maxime vero ex tract. in psal. 122. n. 11. Quia in sententia plerisque ex Patribus fuisse, obvium est, ac planum ex his inferre, quæ a Doctissimis Scripturarum Interpretibus recensetur. Irenæus porro apertissimis rem verbis expressit l. 4. *Contra Hæreses* dicens cap. 2. alias 4. num. 4. *Non autem fabulam retulit nobis pauperis & divitis: & lib. 2. cap. 34. alias 61. enarrationem, sed relationem vocaverat*, indeque consecravit animas nec mori, nec a corpore in corpus transire: *id nunquam dialogi solutus ex parabola, animadvertente Cl. Fevardentio in priorem Irenæi locum, quando ea de re Gessioles frequenter damnaverit*. Tertullianus lib. de anima cap. 7. *Imaginem* (parabolam scilicet) *existimet exitum illum pauperis letantis, & divitis merentis? & quid illis Lazari nomen, si non in veritate rei est?* Quæ ductus ratione Ambrosius l. 8. cap. de *Divite induit* narrationem magis, quam parabolam arbitratur, Auditorque est Euthymius, divitem illum *Agnestem* fuisse vocatum ex Hebræorum traditione, quem tamen ideo proprio nomine non appellavit Christus, ne illi infamiam, Chilavidiam constaret. Reliquos Patres, plurimos sane ac præcipuos tum Latinos cum Græcos in re minoris momenti lubens prætermitto, Origenem scilicet, Cyprianum, Basilium, Hieronymum, Augustinum, Gregorium Magnum &c. Illud unum addo, cum apud Patres parabola vocabulum huic narrationi tributum occurrit, non statim sequi totam narrationem inter parabolas, resque confidas esse rejiciendam; sed tantum aliqua ex parte metaphoram in ea esse, ubi præsertim de oculis, eorumque elevatione, de Abrahami conspectu, de clamore, siti, lingua, digitis, & articulatis animorum vocibus sermo est. Atque hæc etiam optima est ratio conciliandi Patres, qui modo parabolam dicunt, modo veritatis narrationem, ut de Irenæo sapientissime admonet Fevardentius loc. cit. Unum interim animadvertam ex Doctissimo Tuologo Francisco-Amato Pouget peropportune petiit. Ille enim in aureo opere, *Institutiones Catholicae in modum Catecheses* Tom. 1. part. 1. sect. 2. cap. 3. §. 16. pag. m. 391. hanc sibi proponens questionem: *Quomodo novimus animas statim atque a morte soluta sunt, vel supplicii, vel præmiis affecti, non cupiscito ut mi judicet de?* hunc in modum respondet. *Id Scriptura, & Traditione constat, & Factis demonstrat. Scriptura quidem: legimus enim in Evangelio divitem Epulonem statim a morte sepultum fuisse in inferno, ibique cruciari. Legimus ibidem pauperem Lazarum translatum fuisse in sinum Abrahamæ, ibique frui æterna consolatione. At si translatum velis Lazarum in sinum Abrahamæ, a quo longe abesset solida ille, ac sempiterna felicitas, quæ in Deo videndo, possidendoque sita est, inanis est prorsus responsio: Vel ipse enim Burnetus locum quietis, ac somni adendum esse animabus post mortem excogitavit. Ergo ut ea ex parabola efficiatur, statim a morte reddi iustorum animabus sempiternas ex Dei aspectu profucentes delicias, necesse omnino est, ut statuatur, Lazari, quæ ibi describitur, consolationem ex Dei visione mansisse.*

tin POENÆ regio suscepit. Adeo autem statim pœna mortuum excepit, ut etiam fratres ejus adhuc in supernis manerent. Nihil illic dilationis, aut mora est. **Judicii enim dies vel BEATITUDINIS RETRIBUTIO EST ÆTERNA, vel POENÆ.** Tempus vero mortis habet interim unumquemque suis legibus, dum ad judicium unumquemque aut Abraham reservat, aut pœna. Postrema hæc verba cum sibi Gallus Scriptor obijecisset in hæreticorum persona agentium beatitatem Sanctis animabus usque ad judicii diem etiam a Pictavorum Episcopo retardatam demonstrari, hunc in modum interpretatur loc. cit. ( §. 3 ). *Judicii dies, de qua loquitur (Hilarius), est dies Judicii non ultimi, & universalis, sed particularis, quod statim a morte quilibet homo experitur. Quod ibidem probat S. Doctor exemplo divitis epulonis, & Lazari, qui uterque sine mora statim judicatus fuit; & iste GLORIAM, ille vero debitam POENAM reportavit. Unde testimonium illud S. Hilarii facit plurimum cause Catholicæ, nedum ipsi noceat.* Hanc Tournely explicationem laudat vir eximius Joannes Cadonici in suis Vindiciis Augustiniani c. 16. pag. 266, eaque potissimum utitur, ut inde efficiat, non posse hoc ipsum de gloria a die obitus Lazaro, ac cæteris etiam justis Vet. Test. collata tanquam male sonans in Augustino reprehendi, cum in Hilario a Tournelyo commendetur.

10 Tournelyum ita Hilarium explicando satis distinge, & illuminare non egisse, ac proinde ejus interpretationem minime esse faciendam, respondent contrariæ sententiæ adsertores. Quibus verbis si notatum hi vellent Gallum Theologum, propterea quod in re tam gravi, atque a Scholasticorum suffragio plurimum aliena nullum responsionis suæ fundamentum adduxerit, sed gratis penitus usurpaverit, consentientem me facile haberent: Quoniam vero compertum mihi est, horum Theologorum objurgationem eo spectare, ut Gallum Scriptorem reprehendant, quippe qui affectus non fuerit Pictaviensis Episcopi mentem, illudque responsionis genus probaverit, quod vel conciliari vix potest cum aliis Hilarii locutionibus, vel ab iis quam longissimè aberrat, ideo ab hac nota vindicandum eum esse, diligenti, quoad potui, Hilarii lectione sum firmiter edoctus.

11 Quod autem primo loco me movet ad tuendam Tournely interpretationem illud est, quod Theologi vulgo omnes ex

eodem Hilarii testimonio argumentum depromant contra hereticos pro asserenda ex Hilario Dei visione animabus iustorum N. T. ante corporum restitutionem donanda. Hoc autem posito, cuius infra rationem reddam firmissimam, ita argumentum efformo. Productum Hilarii testimonium ex communi theologorum suffragio aptissimum maxime censetur ad stabiliendum, docuisse Pictavorum Episcopum, cælestem gloriam statim a morte conferri Sanctis animabus N. T., uti est ab Ecclesia definitum: Atqui easdem ob causas, propter quas aptissimum illud, esse novimus illi dogmati asserendo, aptissimum quoque fateamur oportet ad eruendum, Lazarum, ac cæteros proinde Vet. Testam. iustos de Hilarii sententia consecutos statim fuisse divinitatis conspectum; ergo non longe a vero aberravit Tournelyus tum in sensum accipiens Hilarii testimonium.

12 Argumenti huius ut late pateat veritas, statuendum imprimis est, in quo sitam velint Theologi testimonii illius vim ac pondus, cum illud adhibent ad exornandas Hilarii vindicias ab imputatione Millenariorum Regni, eique assinium errorum, Triplici videlicet ex capite inde argumentantur: 1. ex firmissimo illo vulgarissimoque principio, quod ipse Pictavorum Magister disertissimis hisce verbis expressit in psal. 67. num. 4. *Æqua enim iudicii celestis, & iusta moderatio est, ut peccatores morte conficere, ita & iustos letitia munerari*. 2. ex amplissimis vocabulis, quibus piorum post mortem describitur locus, statusque, *in sedibus Beatorum, beatitudinis retributio* &c. 3. ex voce æterna ei addita statui, quem beatitudinis retributionem appellavit Hilarius, *beatitudinis retributio æterna*.

13 Triplici, inquam, ex hoc capite argumenta petunt theologi, ut probent, Hilarium non existimasse, cælestem beatitudinem sanctis animabus disferri usque ad resurrectionis diem. Accipias id velim ex Ludovico Antonio Muratorio loc. cit. cap. 12. pag. m. 156. ita disserente, Ac I. *Et sane si improbus e præsentis sæculo decedentes confessim pœna excipis, divinam clementiam pariter decet, probos vicissim ad præmium sine mora transire. Quæ enim Deus, qui penitentiam potius, quam mortem peccatorum amat, tam festinus ad malos puniendos sit, tam piger ad bonos præmio donandos?... Si iudicium postremum erit retributio æterna Beatitudinis, cuius participes antea fuerunt esse*

*effecti*. II. Quoad alterum argumenti caput, mox pergit. *Quod discrete nuper confessus est ipse met Hilarius, dum sinum Abrahæ SEDES BEATORUM appellavit; immo BEATITUDINIS retributionem addere debebat. Paulo vero supra dixerat de amantissima illa sinus Abrahæ appellatione: Quid sit Abrahæ sinus, inquiraris? SEDES BEATORUM, atque idem locus, quem Liturgiæ vetustissime nuper descripserunt, uti ineffabilis Beatitudinis domicilium.* III. Demum, quod spectat ad vocabulum æterna, ita ratiocinatur pag. 158.; Porro dubitationi cuicumque Sanctus ipse vir aditum præcludit, quum in sinu Abrahæ quietem quidem, siue requiem statuit, sed BEATAM, sed ÆTERNAM, ut vidimus. Si requies illa in sinu Abrahæ non solum BEATA est, sed etiam ÆTERNA, hoc est semper duratura, nunquam cessatura: ergo nihil aliud esse potest, nisi celestis animarum Beatitudo, & felicissima illa requies, de qua Apostolus ait. Festinamus ingredi in illam requiem: Rursus, si ÆTERNA est, etiamsi supremi iudicii dies adveniat, perget anima beatitudine, seu requie illa frui; ac tum solum caro rediviva in beatitudinis illius consortium recipietur. Ita Muratorius ex allato testimonio Hilarium vindicat a Millenariorum errore.

14. Atqui hæc omnia æquo jure evincunt, Hilarium idem sensisse de piorum in sinu Abrahæ beatitudine ante Christi obitum: Nihil est enim in his, quod apte, accomodateque transferri nequeat, immo non debeat ad antiquos illos justos, speciatim vero ad Evangelicum Pauperem, cujus post mortem conditio ab Hilario hic describitur; ergo vel ex illo testimonio non probatur Hilarii sententia de prompta nunc beatitudinis retributione pro animabus justorum, vel ex illo etiam efficitur, Lazarum, & antiquos Sanctos, non expectato Reparatoris nostri adventu, in beatorum hæreditatem fuisse admissos. Primum contra Theologos est, & obest nonnihil causæ Catholicæ, cum de aliis etiam Patribus idem institui possit argumentum; alterum vero contra receptam tantum in Scholis opinionem est; juvat ergo postremum amplecti. Et re quidem vera, I. aperte probatum habemus Evangelica narratione, e corpore decedentes confessum vel poenæ, vel beatitudinis regione excipi, quemadmodum contigit Evangelico Diviti, & Lazaro. II. Habemus de Lazaro disertissime pronunciatum, quod ab Angelis in sedibus Beatorum

6  
 dentiam conscientie prælaudato Joanne Cadonici loc. cit., immo  
 fuisse invenirentur & alii Veteres Patres, si in eorum scriptis per-  
 scru-

in libro adversum profanas novationes, ubi: *Antiqua, ut, Sanctorum Patrum consensio non in omnibus divina legis quasiuniversalis, sed solum in fidei regula, magis nobis studio, & investigando est, & sequenda.* Et lib. 8. cap. 5. in responsi-  
 ad 3. *Principio autem Theologos omnes admonitos esse volumus, ut sepefictis non affectibus modo, sed opinionum suarum præjudiciis, de consensu fidei prudenter, graviterque de-  
 rant. Non enim si quidquam in schola, bonis etiam temporibus invenerint, non  
 fidei dogma existimandum est. Sicut autem nonnulli, qui per eos persuasione, quibus  
 a principio sunt imbuti, de rebus gravissimis sententiam ferunt, temeritate quod-  
 dam h. sine iudicio, repentino quasi vento incitunt, quæ longe alia essent, si iudicia  
 considerate, constanter iura fuissent. Illi autem in eo primum errant, quod  
 schola opinionem a certis constantibusque decretis non separant. Dolide errant iura,  
 quod duo verum genera consensuum, unum tarum, quæ ad religionem assunt, co-  
 rum alterum, quæ hanc ne attingant quidem. At si Sanctorum veterum consensio,  
 ut libro superiori definitum est, non in omnibus legis quasiuniversalibus sequenda nobis,  
 Est tenendum est, sed solum in fidei regula; nec quavis illorum oriam in re gravi  
**COMUNIS OPINIO** fideles infringit, sed firmum consensumque iudicium: eorum de  
 recentioribus Schola Theologos dicere oportet, quæ veteris illi longe Est vix me-  
 rita, & scripturarum assu, Et auctoritatis pondere superarunt? Hæc ille, in quibus  
 huius orationis longitudo, magnitudine utilitatis pensatur.*

Neque obstat, quæ legimus, apud eundem Melchiorem Canum lib. 2. cap.  
 c. 9. hinc verba: *Obsecro perceptis, Si Scholasticus Theologus aliquem itidem con-  
 sensionem firmam, & stabilem uno ore omnes statuerint, neque ut certum Theolo-  
 gicæ decretum fidelibus amplectendum constanter. & perpetuo docuerint, illum ut  
 Catholicam veritatem fideles sane amplectantur.* Hæc inquam non obstant. Quis  
 enim asserat communem Scholasticorum sententiam, ut certum Theologicæ dec-  
 tum fidelibus fuisse a Theologis propositum? quis gravissima attulit momenta,  
 quæ firmam ac stabilem conclusionem effugerent, & non potius tanquam firmam,  
 ac stabilem usurpaverit, nonnullis tanquam modo ductus argumenta? ergo &c.

Ex hisce sedulo perpenſis rite quisque intelliget, me apte, accomodate,  
 quæ pronuntiasse, causam hanc, cum nulla Ecclesiæ iudicio definita sit, ut sciam,  
 non pertinere, nihilque proinde de ejus Sanctitate, Sapientia, auctoritateque  
 detrahi, qui affirmativam tueretur opinionem. Rem agam verbis præclarissi-  
 mi nostri Faffonii loc. cit. cap. 3. §. 30. num. 11. *Aliunde nihil de Patrum  
 Sanctitate, sapientia, auctoritateque detrahatur, si quandoque, cum NULLUM  
 ADHUC ECCLESIA JUDICIUM TULIT, cæterorum doctrinam neque opinionem  
 reliquerint.* Cumque ab Augustini temporibus, de quo hic loquitur, nullum  
 adhuc Ecclesiæ iudicium protulerit; hinc fit, ut absque ullo Sanctitatis, sapien-  
 tiæ, auctoritatisque detrimento modo etiam defendi id possit.

Illud saltem incommodi, licet fortasse nonnemo, ex hac Hilarii sententia  
 derivabit, quod & amplissimis illa detraheretur emolumentis, ac fructibus, qui ex  
 morte Christi confluxerunt ad hominum genus, & Christi de inferis imminua-  
 tur triumphus, quem Patres omnia & summa, & maximis ornavant laudi-  
 bus. Quis autem sibi fingat, Sanctissimum Galliarum Episcopum ac Doctorem  
 passioni Christi aliquid vel minimum voluisse detrahere? Ego vero perspicuum  
 habeo exploratumque, ex Hilarii sententia nihil hujusmodi sequi, immo facta  
 cunctaque omnia servari, quæ a divinis litteris accepimus de commodis, & bo-  
 nis.

7

scrutandis sedulam quis operam collocaret; quam si a Catholico dogmate in Conciliis Florentino Tridentinoque sancito, tanti Episcopi

nis, quæ Christi passio nobis peperit. Quatuor potissimum hæc sunt, quæ ipsismet Romani Catechismi verbis iuvat describere. *Primum igitur, sic ille parte 1. de quarto Symboli articulo num. 14., Dominus passio peccati liberatio fuit. Nam ut est apud S. Joannem (Apoc. 1. 9.) : dilexit nos, & lavit nos a peccatis nostris in sanguine suo : Et Apostolus inquit (Colos. 2. 14.) : Convivificavit vos cum illo, donans vobis omnia delicta, delens quod adversum nos erat, autographum decreti, quod erat contrariam nobis, & ipsum tulit de medio, affigens illud Cruci. Deinde a Damoni tyrannide nos eripuit. Ipse enim Dominus inquit (Joan. 12. 31.) : Nunc iudicium est Mundi : nunc princeps huius Mundi ejectionis foras : & ego, si exaltatus fuero a terra, omnia traham ad me ipsum. Penam præstetis peccatis nostris debitam persolvit. Tum vero, quo nullum gratias, & acceptis Deo sacrificium offerri potuit, Patri nos reconciliavit, tanquam nobis placatum, & propitium reddidit. Postremo, quoniam peccata sustulit, cælorum etiam aditum, communem humani generis peccato interclusum, nobis patefecit. At hæc omnia in Hilarii quoque sententia amplissime triumphant. Non est ergo, cur dicamus, sua Hilarium sententia injuriam non levem irrogare Christi passioni & morti.*

Porro in hoc tantum differt Hilarius a Catechismo, quod ille Christi passionem ita nos intelligit translatos in regnum cælestis, & Paradisi portas nobis apertas, quemadmodum a peccatis nostris loti sumus in sanguine ejus, liberati a servitute diaboli, & Deo Patri reconciliati : sicuti nimirum & ante Christi passionem remissa sunt iusta peccata, liberati sunt a servitute Daemonis, & Deo Patri fuerunt pii viri, ac optimi reconciliati : ita per Christi mortem translatos nos vult Hilarius in cælestis regni possessionem, ut nihilominus & ante Christi mortem iusti in beatorum sedes deducere. Si illud vim potestatemque mortis Christi non imminuit, cur istud imminet? Tantum id sane abest, ut potius divine gratiæ, meritumque Christi efficacia & pondus in Ecclesia iam Adamo fundata, & usque ad nos derivata ex Hilarii sententia maxime appareat, commendetur, illustretur. Christus enim Dominus Agnus est ille, qui occisus est ab origi-*ne* Mundi; & qui ex veteribus sunt salutem consecuti, salvi facti sunt per Agni illius sanguinem, ac mortem. Temere ergo ac oseitanter nimis iudicium pronunciant de hac Hilarii sententia, qui eam detrudere exidimant emolumentis illis & plurimis, & uberrimis, quibus ex Christi morte sumus largiti donati.

Hinc etiam habes, sumum superesse & splendorem & decus Christi de inferis triumpho. Descendit quippe ad inferos, ut ibi etiam, quemadmodum in cælo & in terris, vim suam, potestatemque declararet, & omnino, ut in nomine ejus omnes gravestarentur, cæcissimum, & inferorum. Declaravit autem & quatenus damnatos de sua infidelitate, & malitia confutavit, & quatenus iustorum animas in Purgatorio diserrantes, & piacularibus poenis needum plene purgatis, in certam spem gloriæ propediem consequendæ erexit, immo & ex his plurimam singuluri gratiæ suæ largitate liberavit, ut ex Augulino, aliisque Patribus colligitur; & quatenus Patrisarcharum plurimos ad vitam revocavit, suæque fecit resurrectionis comites. Quantum etiam, & quam mirabilis fuit Christi triumphus, ubi maiestatis suæ præsentiam potentiamque, quam seculenti diabolo prius occulterat, manifestam in inferis fecit, se sequæ humani generis

Re-



scopi auctoritas penitus submoveatur, vel tanquam anceps, & ambigua, vel tanquam ab eo prorsus aliena. Ex illo enim nulla hinc ansa exhibetur hæreticis ad reprehendenda Ecclesiæ dogmata; datur tamen & quidem aptissima, si postremum admittatur. Ceterum

Reparatorem, infernis profligatis, perditisque potestatibus, illis spectandum exhibuit. Se autem prius dæmoni occultasse Christum, discimus ex Patribus, præsertim vero ex S. Leone Magno serm. 11. de Passione cap. 3.: *Qui ne demonum genus vinculis mortis prævaricationis absolueret, & seculenti diabolo potentem suæ modesti oculis, & infirmitatem nostræ humilitatis obiectis. Si enim crudelis, & superbus inimicus consilium misericordie Del nosse putasset, Judæorum animos mansuetudine potius temperare, quam injuria odii fuderet accendere: ne omnium captivorum amitteret servitutem, dum nihil sibi debentis persequitur libertatem.* Fecit ergo illum malignitas sua &c. Quibus sane omnibus fieri debuit, ut amplissimus, omniumque maximus esset Christi ad inferos proficiscentis triumphus, dignusque idcirco, qui tanta pompa, ac tot laudibus a Sanctis Patribus celebraretur. Hilarii ergo, quam hic exornandam suscepit, sententia ejusmodi est, ut neque uberissima mortis Christi emolumenta deprimat, neque ullo modo derogat honorificentissimo Christi de inferis triumpho.

Hinc etiam intelligas velle, in hac Hilarii sententia in tuto omnino esse incredibilem illam venditi Messie cupiditatem, atque expectationem, tanquam, vehementes, & assiduas Hebræorum preces. Quod enim pronunciant adversarii, nimirum: si statim ab obitu pii æternam interint hereditatem, consensum amplius nullum reperiri, tur tanto Liberatoris divini desiderio arderent, effersenturque tam incredibili studio... non fuit umbræ, non fuit, cur Messiam tam cupide excelleret... *Langue tunc Hebræorum desilerunt, cessas voluntatum contentia, torpens propemodum & jacere videntur obsecrationes, & preces: quod, inquam, hisce verbis pronunciant, minus accurate dictum deprehendo: 1. quia ut docent divina litteræ; utque ex Romano Catechismo superiori loco tradidi, præcipuum ac maximum passionis Christi beneficium fuit liberatio a peccato, quod sane beneficium tantum est, ut illud & voce quodammodo, & semper divina Scriptura ob oculos nobis ponat: hinc Rom. 3. 25. Quem proposuit Deus propitiationem per fidem in sanguinem ipsius, ad effusionem justitiæ suæ propter remissionem præcedentium delictorum. Coloss. 1. 14. In quo habemus redemptionem per sanguinem ejus, remissionem peccatorum... & per eum recancellare omnia in ipsum, pacificans per sanguinem crucis ejus, sive que in terris, sive que in caelis sunt.* Sic alibi passim. 2. quia tota precandi ratio, qua Sacerdotes Adventus tempore utuntur, præsertim vero in notissimis illis Antiphonis O vulgo dictis, circa redemptionem a peccatis versatur: *veni ad liberandum nos in brachio extenso: veni ad liberandum nos: veni, & edue vitulum de domo carceris, sedentem in tenebris, & umbra mortis: veni & salva hominem, quem de limbo formasti: veni ad salvandum nos.* Quod ergo summo illo atque incredibili animorum ardore expectabant Judæi, redemptionem erat a peccatis in Messie sanguine, liberatio a servitute diaboli, uberiora divina gratie præsidia, quæ necessaria sunt, tum ut virtutes colantur, tum ut ad vitam perveniamus æternam, maximarum exempla virtutum &c. Hæc porto causas adventus Christi præsertim adducunt divinæ Scripturæ, hæc in suis præcationibus proponit Ecclesia. Dicendum ergo & hisce causis motos Judæos fuisse, ut Messiam tam cupide expectarent. In Hilarii igitur sententia nihil occurrit vel a religione alienum, vel a veritate ullo modo alienum. Ergo &c.

ANDREÆ. GALLAND  
VENETÆ. ORATORII. CONGREGATIONIS  
PRESBYTERO  
ET. VIRTUTE. ET. PIETATE. ET. RELIGIONE  
SPECTATISSIMO  
LITTERARUM. TUM. SACRARUM  
TUM. ETIAM. PROFANARUM. ERUDITIONE  
CLARISSIMO  
OMNI. IN. RE. CRITICA  
SANCTORUMQUE. PATRUM. LECTIONE  
VERSATISSIMO  
DE. CHRISTIANA. REPUBLICA  
OB. INITUM. CONSILIUM. AC. LABOREM  
NOVÆ. EDITIONIS. BIBLIOTHECÆ. PATRUM  
EGREGIIS. AUCTÆ. NOTIS. ET. COMMENTARIIS  
QUAM. MAXIME. MERITO  
ANGELUS. MARIA. FELTRIUS  
CLER. REGUL. SCHOLARUM. PIARUM  
DISSERTATIONEM. HANC  
QUÆ. AD. S. HILARII. PICTAVIENSIS. DOCTRINAM  
ILLUSTRANDAM. PERTINET  
HONORIS. AC. OBSERVANTIÆ. CAUSSA  
D. D. D.

# JOSEPH MARIA

A S. JOANNE BAPTISTA

*Clericorum Regularium Pauperum Matris Dei Scholarum Piarum  
Præpositus Generalis.*

Cum Dissertationem inscriptam: *S. Hilarii Pictavorum Episcopi de Piorum Statu ante Christi mortem Sententia nunc primum illustrata &c.*, ab Angelo Maria a S. Antonio Ordinis Nostri Sacerdote compositam, duo ex Nostis, quibus id commissimus, probaverint, ipsius edendæ facultatem, quantum in Nobis est, Auctori concedimus. Datum Romæ in Aedibus Nostis Scholarum Piarum apud S. Pantaleonem die 3. Augusti 1762.

JOSEPH MARIA A S. JOANNE BAPTISTA  
*Præpositus Generalis.*

Loco ✠ Sigilli

*Reg. fol. 117.*

*Octavius a. S. Francisco Secretarius.*

terum hac mea in dissertatione ita sollicitus ero de una Hilarii doctrina, ut nihil inde detrimenti allatum velim vulgarissimæ Scholarum opinioni, quæ Veteres Patriarchas, ac pios quoscunque ante Christi adventum a Dei conspectu removendos vult, colloquandos vero in inferorum locis, ubi ex certa futuræ beatitudinis spe magnum gaudium perciperent, ex dilatione autem in doloribus versarentur. Illud enim probe memini, quod a Cl. Liberato Fafonio e nostra familia Theologo Doctissimo scriptum est in eleganti, eruditoque opere *De piorum in sinu Abrabæ beatitudine* duobus ab hinc annis Romæ typis impresso. *Veruntamen esxi magni viri* (ita cap. 3 § 50 num. II. de Augustino, cujus in locum Hilarium modo suppone) *Veruntamen esxi magni viri iudicium a superiorum iudicio discreparet, nihilominus reliquorum potius Patrum tot, atque tantorum, quorum sunt a nobis producta atque proposita testimonia, persequenda essent vestigia... Qui* (Hilarius) *sanctis viris, ac Patribus cum plurimum semper honorem habuerit, ne ipse quidem credo, committeret, ut quis opinionem suam tam exploratæ, tam firmæ, ac stabili Majorum sententiæ antepponendam putaret. Aliunde nihil de Patrum Sanctitate, sapientia, auctoritateque detrabitur, si quandoque, CUM NULLUM ADHUC JUDICIUM ECCLESIA TULIT, cæterorum doctrinam, atque opinionem reliquerint.* Hæc ille: quibus in verbis nonnihil esse, quod aliis nullo modo arridet, dissimulare non possum. Mea tamen nihil interest, ea expendere, cum ad unius Hilarii sententiam deducendam coarctari debeat disputatio mea. Viderint alii, ego interim ad argumenta progredior.

9 Ne autem, quod præcipuum est, rationem, & viam in hac disputatione desiderari patiar, exordiri juvabit a celeberrimo illo Hilarii testimonio, ex quo oblata occasio est & Tournely suam in publicum emittendi interpretationem, & mihi accurate, quoad potui, investigandi Callix Episcopi sententiam. Est autem illud ex Tract. in psal. 2. num. 48. ad illa Prophetæ verba: *Apprehendite disciplinam, ne quando irascatur Dominus, & pereatis: via iusta: cum exarserit in brevi ira ejus &c.* in quæ hæc habet Hilarius. *Pereunt autem (impii) de via iusta, cum exarserit in brevi ira ejus. Non morosa hæc ira est, per quam de iusta via pereunt: ne quis sibi interim in penæ lucro inter moras iudicii blandiatur. In brevi namque exardefcit ira. Excipit enim*

nos statim ultor infernus: & decedentes de corpore, si ita vixerimus, confestim de via recta perimus. Testis nobis Evangelicis Dives, & Pauper (\*): quorum unum Angeli IN SEDIBUS BEATORUM, & IN ABRAHÆ SINU locaverunt, alium statim

(\*) Historia ne sit, an parabola, quod de Lazaro, & Divite Lucæ 16. describitur, ad argumenti, quod versamus, vim, potestatemque nihil penitus refert. Ex eo siquidem illud traditur, quod inter Judæos constabat post mortem contingere tum iustis cum impiis. Cæterum historiam existimavit Hilarius, ut factis apte apparet ex loco mox adducto, maxime vero ex tract. in psal. 122. n. 11. Quia in sententia plerisque ex Patribus fuisse, obvium est, ac planum ex illis inferre, quæ a doctissimis Scripturarum Interpretibus recensetur. Irenæus purior apertissimis rem verbis expressit l. 4. *Contra Hæreses* dicens cap. 2. alias 4. num. 4. *Non autem fabulam retulit nobis pauperis & divitis & lib. 2. cap. 14. alias 62. enarrationem, sive relationem vocaverat, indeque consecrat animas nec mori, nec a corpore in corpus transire: id nunguam aliqui solent ex parabola, animadvertente Cl. Fervardentio in priorem Irenæi locum, quando eo de re Gnossice frequenter donnoverit. Tertullianus lib. de anima cap. 7. Imaginem (parabolam scilicet) existimos cultum illum pauperis latentis, & divitis meritis? & quid illic Lazari aciem, si nos in veritate res est? Quæ ductus ratione Ambrosius l. 8. cap. de Divite induto narrationem magis, quam parabolam arbitratur, Audiorque est Euthymius, divitem illum *Ayaresem* fuisse vocatum ex Hebræorum traditione, quem tamen ideo proprio nomine non appellavit Christus, ne illi infamiam, sed invidiâ conflaret. Reliquos Patres, plurimos sane ac præcipuos tum Latinos cum Græcos in re minoris momenti lubens prætermitto, Origenem scilicet, Cyprianum, Basilium, Hieronymum, Augustinum, Gregorium Magnum &c. Illud unum addo, cum apud Patres parabola vocabulum huic narrationi tributum occurrit, non statim sequi totam narrationem inter parabolas, resque confusas esse rejiciendam; sed tantum aliqua ex parte metaphoram in ea esse, ubi præsertim de oculis, eorumque elevationis, de Abrahami conspectu, de clamore, sibi, lingua, digitis, & articulatis animorum vocibus sermo est. Atque hæc etiam optima est ratio conciliandi Patres, qui modo parabolam dicunt, modo veritatis narrationem, ut de Irenæo sapientissime admonet Fervardentius loc. cit. Unum interim animadvertam ex Doctissimo Tuoletico Francisco-Amato Pouges peropportuna petitem. Ille enim in aureo opere: *Testimonium Catholicæ in modum Catechesis* Tom. 1. part. 1. sect. 2. cap. 3. §. 16. pag. m. 391. hanc sibi proponens questionem: *Quomodo novimus animas statim egressas a morte soletis sunt, vel supplicii, vel præmiis affici, non expectato uli mi iudicii die?* hunc in modum respondet. *Id Scriptura, & Traditio constat, & Fides definit. Scriptura quidem: legimus enim in Evangelio divitem Epulatum statim a mortis sepulchro fuisse in inferno, ibique cruciari. Legimus ibidem pauperem Lazarum translatum fuisse in sinum Abrahamæ, ibique frui æterna consolatione.* At si translatum velis Lazarum in sinum Abrahamæ, a quo longe abesset solida illa, ac sempiterna felicitas, quæ in Deo videndo, possidendoque sita est, inania est prorsus responsio: Vel ipse enim Burnetus locum quicquid, ac formæ adendum esse animabus post mortem excogitavit. Ergo ut ea ex parabola efficiatur, statim a morte reddi iustorum animabus sempiternas ex Dei aspectu profuflentes delicias, necesse omnino est, ut statuatur, Lazari, quæ ibi describitur, consolationem ex Dei visione mansisse.*

tin POENÆ regio suscepit. Adeo autem statim pœna mortuum excepit, ut etiam fratres ejus adhuc in supernis manerent. Nihil illic dilationis, aut moræ est. *Judicii enim dies* vel BEATITUDINIS RETRIBUTIO EST ÆTERNA, vel POENÆ. Tempus vero mortis habet interim unumquemque suis legibus, dum ad judicium unumquemque aut Abraham referat, aut pœna. Postrema hæc verba cum sibi Gallus Scriptor objecisset in hæreticorum persona agentium beatitatem Sanctis animabus usque ad judicii diem etiam a Pictavorum Episcopo retardatam demonstrari, hunc in modum interpretatur loc. cit. ( §. 3 ). *Judicii dies, de qua loquitur (Hilarius), est dies Judicii non ultimi, & universalis, sed particularis, quod statim a morte quilibet homo experitur. Quod ibidem probat S. Doctor exemplo divitis epulonis, & Lazari, qui uterque sine mora statim judicatus fuit; & iste GLORIAM, ille vero debitam POENAM reportavit. Unde testimonium illud S. Hilarii fœvet plurimum cause Catholicae, nedum ipsi noceat.* Hanc Tournely explicationem laudat vir eximius Joannes Cadonici in suis Vindiciis Augustinianis c. 16. pag. 266, eaque potissimum utitur, ut inde efficiat, non posse hoc ipsum de gloria a die obitus Lazaro, ac cæteris etiam justis Vet. Test. collata tanquam male sonans in Augustino reprehendi, cum in Hilario a Tournelyo commendetur.

10 Tournelyum ita Hilarium explicando satis distincte, & illuminate non egisse, ac proinde ejus interpretationem minimi esse faciendam, respondent contrariæ sententiæ adsectores. Quibus verbis si notatum hi vellent Gallum Theologum, propterea quod in re tam gravi, atque a Scholasticorum suffragio plurimum aliena nullum responsionis suæ fundamentum adduxerit, sed gratias penitus usurpaverit, consentientem me facile haberent: Quoniam vero compertum mihi est, horum Theologorum oburgationem eo spectare, ut Gallum Scriptorem reprehendant, quippe qui affectus non fuerit Pictaviensis Episcopi mentem, illudque responsionis genus probaverit, quod vel conciliari vix potest cum aliis Hilarii locutionibus, vel ab iis quam longissime aberrat, ideo ab hac nota vindicandum eum esse, diligenti, quoad potui, Hilarii lectione summi firmiter edoctus.

11 Quod autem primo loco me movet ad tuendam Tournely interpretationem illud est, quod Theologi vulgo omnes ex

eodem Hilarii testimonio argumentum depromant contra hæreticos pro asserenda ex Hilario Dei visione animabus iustorum N. T. ante corporum restitutionem donanda. Hoc autem posito, cuius infra rationem reddam firmissimam, ita argumentum efformo. Productum Hilarii testimonium ex communi theologorum suffragio aptissimum maxime censetur ad stabiliendum, docuisse Pictavorum Episcopum, cælestem gloriam statim a morte conferri Sanctis animabus N. T., uti est ab Ecclesia definitum; Atqui easdem ob causas, propter quas aptissimum illud esse novimus illi dogmati asserendo, aptissimum quoque fateamur oportet ad eruendum, Lazarum, ac cæteros proinde Vet. Testam. iustos de Hilarii sententia consecutos statim fuisse divinitatis conspectum; ergo non longe a vero aberravit Tournelyus cum in sensum accipiens Hilarii testimonium.

12 Argumenti huius ut late pateat veritas, statuendum in primis est, in quo sitam velint Theologi testimonii illius vim ac pondus, cum illud adhibent ad exornandas Hilarii vindicias ab imputatione Millenariorum Regni, eique assinium errorum, Triplici videlicet ex capite inde argumentantur: 1. ex firmissimo illo vulgatissimoque principio, quod ipse Pictavorum Magister disertissimis hisce verbis expressit in psal. 67. num. 4. *Æqua enim iudicii cælestis, & iusta moderatio est, ut peccatores morte conficere, ita & iustos letitia munerari*. 2. ex amplissimis vocabulis, quibus piorum post mortem describitur locus, statusque, *in sedibus Beatorum, beatitudinis retributio* &c. 3. ex voce *æterna* ei addita statui, quem beatitudinis retributionem appellavit Hilarius, *beatitudinis retributio æterna*.

13 Triplici, inquam, ex hoc capite argumenta petunt theologi, ut probent, Hilarium non existimasse, cælestem beatitudinem sanctis animabus differri usque ad resurrectionis diem. Accipias id velim ex Ludovico Antonio Muratorio loc. cit. cap. 12. pag. m. 156. ita disserente. *Ac I. Et sane si improbus e præsentis sæculo decedentes seculum pena excipit, divinam clementiam pariter decet, probos vicissim ad præmium sine mora transire. Quæ enim Deus, qui penitentiam potius, quam mortem peccatorum amat, tum festinus ad malos puniendos sit, tam piger ad bonos præmio donandos?... Si iudicium postremum eris retributio æterna Beatitudinis, cuius participes antea fuerunt esse*

*effecti*. II. Quoad alterum argumenti caput, mox pergit. *Quod diserte nuper confessus est ipse met Hilarius, dum sinum Abrahamæ SEDES BEATORUM appellavit; immo BEATITUDINIS retributionem addere debebat. Paulo vero supra dixerat de amissima illa sinus Abrahamæ appellatione: Quid sit Abrahamæ sinus, arcanis? SEDES BEATORUM, atque idem locus, quem Liturgiæ vetustissimæ nuper descripserunt, uti ineffabili Beatitudinis domicilium.* III. Demum, quod spectat ad vocabulum æterna, ita ratiocinatur pag. 158.: Porro dubitationi cuiuscumque Sanctus ipse vir aditum præcludit, quum in sinu Abrahamæ quietem quidem, siue regiem statuit, sed BEATAM, sed ÆTERNAM, ut vidimus. Si requies illa in sinu Abrahamæ non solum BEATA est, sed etiam ÆTERNA, hoc est semper duratura, nunquam cessatura: ergo nihil aliud esse potest, nisi celestis animarum Beatitudo. Et felicissima illa requies, de qua Apostolus ait. Festinemus ingredi in illam requiem: Rursus, si ÆTERNA est, etiamsi supremi iudicii dies adveniat, perget anima beatitudine, seu requie illa frui; ac tum solum caro reditura in beatitudinis illius consortium recipietur. Ita Muratorius ex allato testimonio Hilarii vindicat a Millenariorum errore.

14. Atqui hæc omnia æquo jure evincunt, Hilarium idem sensisse de piorum in sinu Abrahamæ beatitudine ante Christi obitum: Nihil est enim in his, quod apte, accomodateque transferri nequeat, immo non debeat ad antiquos illos justos, spectatim vero ad Evangelicum Pauperem, cujus post mortem conditio ab Hilario hic describitur; ergo vel ex illo testimonio non probatur Hilarii sententia de prompta nunc beatitudinis retributione pro animabus justorum, vel ex illo etiam efficitur, Lazarum, & antiquos Sanctos, non expectato Reparatoris nostri adventu, in beatorum hæreditatem fuisse admissos. Primum contra Theologos est, & obest nonnihil causæ Catholicæ, cum de aliis etiam Patribus idem institui possit argumentum; alteram vero contra receptam tantum in Scholis opinionem est; juvat ergo postremum amplecti. Et re quidem vera, I. aperte probatum habemus Evangelica narratione, e corpore decedentes confestim vel pœnæ, vel beatitudinis regione excipi, quemadmodum contigit Evangelico Diviti, & Lazaro. II. Habemus de Lazaro disertissime pronunciatum, quod ab Angelis in sedibus Beatorum



*rum, & in Abraha sinu fuerit locatus. III. tandem habemus, justos quoslibet in particulari judicio Lazari exemplo recipere beatitudinis retributionem æternam. Habemus ergo tria illa, quæ de justis noyi Testamenti prædicata certissimo indicant eorum felicitatem, & beatificam divinæ essentiae visione. Necessè est igitur, ut iisdem tribus ex capitibus inferamus, Lazarum quoque, & cæteros veteris Legis optimos viros statim a morte fuisse ex Dei præsentia lætatos.*

15 Planum, ni fallor, expeditumque maxime argumenti genus hoc est: juvat tamen firmioribus illud munire præditiis. Et primo quidem audias velim Sanctum Episcopum commune illud tritumque principium a Theologis adhibitum (§. 13.) ejusdemque verbis supra descriptum (§. 12.) hunc in modum confirmantem tract. in psal. 37. n. 5. *Neque enim suspensio adhuc judicii tempore, quiescere peccatores sine pœna erat dignum: viuentes itaque eos cum pœna scilicet sensu absorbet ignis, etiam antequam resurgant... Ante resurrectionem carnis viuens absorbetur ad pœnam anima ejus, secundum divitem Evangelicum puniendi, quæ vivens sit. Habes hic quoque generatim ab Hilario pronunciari, indignum Deo esse, quod peccatores suspensio judicii tempore abire permittat sine pœna, idque probat exemplo divitis Evangelici, quem statim mortuum pœnæ regio excepit. Atqui hoc ipsum ex Theologorum sententia significat dignum non esse, ut suspensio judicii tempore manserint sine gloria antiquorum Patriarcharum animæ: tum quia generale est Hilarii proloquium, alterique respondet (§. 12.), æquam scilicet judicii celestis, & justam moderationem esse, ut peccatores morte conficere, ita & justos lætitia munerari; tum quia diviti ad pœnam damnato immediate subicit Lazari exemplum in sinu Abrahe requiescentis, & ob id maxime lætantis, quod se in æternam requiem deductum aspiceret, dum interea impium divitem in pœnis manentem cernebat: unde ait proximo num. 6.: *Sed inter hæc justus cuiusque, tanquam Lazari in sinu Abrahe requiescentis, lætitia monstratur... Lætitia justus est, cum viderit vindictam; quia peccatoribus puniendis, deductum se per Angelos IN ÆTERNAM REQUIEM lætatur.* Ergo ex hoc Hilarii argumento opportune colligitur, Sanctis animabus N. T. æque antiquioribus justis æternam requiem fuisse redditam, & modo red-*

reddi: argumenti enim fundamentum æquo jure militat pro utriusque legis Sanctis animabus.

16 Ad hæc: confirmat passim alibi Hilarius, quæ de Lazari statu splendidissimis, amplissimisque vocabulis eo in testimonio pronunciaverat. Nam in psal. 118. lit. 18. num. 10. *Æterna Dei testimonia Lazarus pauper expectat, & Abrahæ sinu continetur, & miseria vite laboriosa BEATÆ QUIETIS HONORE demutat.* Et in psal. 122. num. 11. *Idcirco anima ejus ab Angelis post carnis dissolutionem BEATA in Abrahæ sinum fertur.* Et in psal. 57. n. 6. lætitiâ fuisse Lazaro dixerat, quum divitem in poenis aspiciebat. *Quia deductum se per Angelos IN ÆTERNAM REQUIEM letatur (3).* Splendidioribus ne verbis potuit ab Hilario def-

(3) Ad quietis, & requiei vocabula tam sæpe, tamque magnifice ab Hilario de Lazaro usurpata, ut asseratur attentio, vehementer exopto, cum exinde plurimum roboris, & lucis argumento accedere, facile intelligam. Ac primo satis jam superque a Theologis, præsertim a Cl. Muratorio *De paradiso* &c. cap. 4. confectum est, *Requiem, & requiescere* in sacris litteris, & apud Patres significare felicem, tranquillamque ex Dei visionē vitam justis jam collatam; eandemque hac de re Hilario fuisse mentem egregie demonstrat ibid. cap. 12. Si ergo tam familiari & solemne est nostro Episcopo, *quietis* nomine felicitatem, tranquillitatemque vite designare ex Oel adspæctui profluentem, quid impedimento nobis erit, quo minus *quietem* illam & *beatum, & æternum*, quam Lazaro statim a morte adscribit, & quam pluribus sæpe commendat, eadem interpretatione donemus, velimusque solidam cum Deo beatitudinem significare? Deinde quæ de *quietis* indole, ac natura generatim habet Pictavorum Magister ejusmodi sunt, ut apertissime commonstrent, cum a divinæ essentia visionē removere minime potuisse pauperem Lazarum *beata quietis bonore* a diæ obitus insignitum, & *in æternum* statim *requiem* deductum. De quietis portu indole, & essentia ita eum scribentem audias in psal. 14. n. 4. *Quies vero non interpellatur extrinsecus, sed etiam est in se, molestia eorum, quæ in statu suo quævant. Ceterum si inquietudo se misceat, otii & naturæ, & nomen omittit:* Et extremo num. 5. *Quiescat autem, quia nullus fit in infrascriptis dolor, nullus eni inopia metus; sed omnibus firmitate sua per virtutem æternitatis utentibus, in his fit, extra quæ nihil indigeant quiescendum.* Compose hæc, si potes, cum molestia illa gravissima ex divini conspectus jucundissimi privatione, & cum dolore ex dilatione gloriæ, quam inflammato Lazarus studio in sinu, complexuque Abrahæ commorans præstolabatur. Do equidem magnam illi suppeditari debuisse, oblationis, & gaudii copiam ex firma omnino, ac stabili spe Dei aliquando tandem videndi, & perfruendi. At, dissimulari nequit, suam poenæ, quam damni dicunt, acerbiter tem stetit, magnitudinemque, ita quidem ut dolere, merere, tristisque debuerit pauper ille Lazarus, eo quod nondum summi boni possessionem iniverit. Quæ cum ita sint, quies certe vera nullo modo dicenda ea est ex Hilarii sententia. At veram de Lazaro *quietem* indicat Hilarius, cum & absolute, & magnifice de illa loquatur, cum etiam illam & *beatum* vocet, & *æternum*. Removit ergo a Lazaro *molestiam* quamlibet, *inquietudinem, & dolorem*.

describi vera, ac proprie dicta Lazari beatitudo statim ab obitu? Jure ergo merito, atque optimo usurpavit Tournelyus, Pictavorum Episcopum celebri illo testimonio indicare, divitem Epulonem, & Lazarum sine mora statim judicatos fuisse, & hunc *gloriam*, illum vero debitam poenam reportasse. Alioqui necesse est, ut nuncium dicant Theologi iis omnibus, quibus conati sunt hactenus demonstrare, Hilarium contra Millenarios pro Catholica sententia constanter pugnasse.

17 Quibus artibus argumenti hujus vim, ac pondus nitantur contrariae sententiae Theologi evertere, nedum imminuere, difficile mihi non est divinare. Existimo enim argumento ex generali illo principio desumpto, ipsismet Hilarii verbis expresso (§. 12.) obviam eos ire, respondendo, iis quidem aptandum illud esse temporibus, quæ Christi mortem subsecuta sunt, redemptionis nempe & gratiæ, referri vero nullo modo posse ad Legis tempora, cum nempe impedimento vel maximo retinebantur piorum animæ a celestis beatitudinis possessione. Poena quippe, ajunt, peccato debita fuit, ut ejiceremur a Dei conspectu quam longissime, nec oppetita morte in cœlum tanquam in patriam remigrare possemus. Hinc Adamus, ejusque filii ab illo voluptatis, ac deliciarum horto expulsi, ac deturbati sumus, collocatusque præforibus Angelus, qui flammeo stricto gladio humanum genus a Paradisi aditu atque vestibulo prohiberet. Quæ sane res designabat nemini cœli portas patere, neminem in bonorum coelestium possessionem post discessum a corpore posse involare. Hæc igitur propter peccatum inflicta hominibus poena est; poenam autem peccato debitam dependit in Cruce Christus, qui assumpta carnis imbecillitate, infinitam sustulit ejusdem peccati vim, & delens,

*lerem*, atque idcirco voluit, eum solide beatitudinis possessionem adisse. Ad rem quoque maxime faciunt, quæ de animæ defectione ob expectationem boni futuri sapientissime Hilarius noster pronunciet tract. in psal. 118. lit. 17. num. 1. & 2. Hæc auctor sum, ut legas, ut exinde intelligas, quæntes esse Lazaro debuisse maror, luctus, angorque animi, si divinæ essentis intuitus dilatus ei fuisset usque ad Christi mortem.

Unum interim eddo, quod se se mihi offert ex Tract. in psal. 62. num. 9. *Est enim & vita post vitam, quia in Abraham habuit vivendum est, in quo Dei nomen PAUPERIS QUIETE benedicitur.* Quid porro sibi hæc volunt, nisi vendendum nobis post mortem cum Deo, et donatis quiete, quæ Lazaro reddita est? Quæmadmodum ergo *quiete* nostra, ipso Hilario eliae experta testante, ex Dei profuere adspæctu, ita & quæ statim a die obitus pauperi est concessa.

lens, quod adversus nos erat chirographum decreti, quod erat contrarium nobis, reconciliavit nos Deo in sanguine suo. Ante igitur quam pœnas lueret, seque unum pro salute omnium offerret, nec migrare in cœlum, neque adire, aut intueri Deum potuimus. Hæc, inquam, fortasse respondebunt Theologi, quibus quo minus hac in re resistam, impedit potissimum instituti argumenti ratio, quæ unice debet versari in Hilarii mente explananda. Dicam tamen: quid ad me de unius Hilarii sententia disputantem, si Theologi ceteri id genus responsionem usurpent, approbentque? Hilario hanc temporum distinctionem arrisisse efficiendum est. Demonstrandum scilicet, voluisse Hilarium piorum Vet. Testam. animas in Dei conspectum tunc venire non potuisse ob labem illam hæreditariam, cuius pœnam necdum Christus actu perolverat. Probandum ex Hilario quoque est, coelestis vitæ præmia deferri piorum animis non potuisse vi sanguinis, etsi nondum effusi, a Christo tamen præstituta die effundendi, quamvis vi ejusdem sanguinis effundendi hominibus condonarentur culpæ & flagitia, dareturque præ rea gratia, quæ & placerent Deo, & salutare possent suscipere, edereque actiones. Hæc, inquam, non supponenda gratis sunt, sed apertis Hilarii testimoniis evincenda, ut adversariorum stet firma & immobilis argumentatio.

18. Tantum vero abest, ut vel minimum hac de re vestigium apprehendi in Hilario possit, quinimo si ad examen revocare, lubeat textus fere omnes, quibus amplissimum mortis Christi fructum nobis exhibet, eum potissimum recenseri noverimus, qui in mortis triumpho, corruptionis victoria, corporum tandem ad vitam restitutionem consistit, per quæ cumulæ in cœlis beatitudinis anima & corpore efficiamur participes. Rem juvat experiri pluribus hoc ad argumentum ob oculos positum Hilarii sententiis. Tract. in psal. 52. n. 3. *Dominus enim noster AD DEBEL- LANDAM CORRUPTIONEM, Verbum Caro factum est.* In psal. 55. n. 7. *Nam cum omnis caro redempta in Christo sit, UT RESURGAT... non tamen omnibus gloria, & honor est promissus resurgendi... Pro peccatoribus igitur AD SALUTEM RESUR- RECTIONIS EST MORTUUS, sed sanctificatos in sanguine suo salvabit ab ira.* In psal. 67. n. 21. *Proprius exitus mortis est Domini, quia assumpta ab eo carnis hæc virtus sit, ut NATURÆ NOSTRÆ CORRUPTIONEM in gloriam cœlestem post exitus*

*mortis offerret. In psal. 68. num. 14. Cum mori, postquam in Deo esset grassata, desineret... qui per primitias ex mortuis ab hominum genere MORTE DEPULSA, in auctores æternæ mortis pœna decreta est. Et num. 23. Adamum de Paradiso ejectum ait, ut naturam corporis ejus Adam e cœlis secundus assumens, parique morte percussus, EAM (naturam scilicet corporis) rursus in vitam æternam jam sine pœnæ æternitate revocaret. Lib. 1. de Trinit. n. 13. Ipso pro nobis ex immortalitate moriente, ut AD IMMORTALITATEM una cum eo excitaremur ex morte... dum immortalis ipse, neque morte vincendus, pro morientium æternitate moreretur. Idque passim alibi. Quæ omnia aptissime efficiunt, tum nullibi traditum fuisse ab Hilario, quod piorum animi in Vet. Test. a cœlorum regno removerentur ob originalem noxam, tum etiam consuevisse Pictavorum Episcopum tanquam potissimum reparationis Christi effectum pluribus commendare beatitudinis æternæ consummationem, ac cœlestis gloriæ plenitudinem, qua una cum corpore donandus est animus. Supponit igitur inchoatam Sanctorum beatitudinem. Cum ergo demonstrari nequeat ex Hilario, pœnam peccato debitam fuisse, ut ejiceremur a Dei conspectu, nec nisi oppetita morte in cœlum redire possemus, satis superque apparet, ad rem non esse, quod Theologi vel ex aliis Patribus, vel etiam suis ex principiis desumunt ad Hilarii explicandas sententias. Est enim Hilarius per Hilarium explicandus. Itaque firmum manet, quod proposueram, nimirum, argumentum primo loco volatum æquo jure favere N. T. animabus Sanctorum, & antiquioribus Veteris Legis.*

19 Alterum, quod regerunt, ex notione sinus Abrahæ deduci solet. Opinantur scilicet, sinui Abrahæ non eandem semper rem Ecclesiam & Patres subjecisse; sed nunc aut cœlum designasse ac notasse, aut Sanctorum hominum cœtum, quos suo Deus adspectu lætificat, aut demum opportunum aliquod animarum diversorium, in quo illæ ad tempus commorarentur expectantes beatæ illius spei consummationem, ex qua spe magnum gaudium percipiebant. Idque ex ipso constare volunt Hilario, qui, ut piorum animos ante Christi profectionem ad inferos a Dei præsentia removendos putaverit, eisdem postea videndi Dei potestatem facit.

20 At, quidquid sit de cæteris Patribus, in quorum sententias inquirere nec animus mihi est, nec institutæ patitur disputatio-

tionis scopus, nego plane, non eandem semper rem *Piscatorum* Episcopum intellexisse per sinum *Abrahæ*. Quid enim eo nomine significaverit Hilarius, ex iis colligi debet vocabulis, ac verborum additamentis, quibus vel sinum illum describit, vel eorum, qui ad eundem divertunt sinum, exequitur felicitatis statum. Atqui sinum *Abrahæ*, vivendique genus ibi commorantium iisdem semper locutionibus proponit, nec amplioribus, aut significantioribus alibi unquam utitur: Idem ergo per sinum *Abrahæ* constanter notavit Hilarius. Profecto si diversam aliquando notionem ej sinui Hilarius subiecisset, voluissetque interdum indicatum locum tantummodo quietis, & otii, interdum vero locum cœlestis beatitudinis in Dei visione sitæ, id potissimum apparere deberet ex iis testimoniis, quibus de sinu *Abrahæ* loquitur comparate ad Lazarum, qui in eum locum statim a morte delatus perhibetur: atqui amplissimis tunc maxime utitur phrasibus, loquendique formulis, iisdem nempe, quas solet adhibere, dum loci meminit, statusque animarum beatarum in Novo Testamento: Quid enim est, Lazarum *in sedibus Beatorum confestim* locari? quid *beatitudinis retributione æterna* insigniri? (§. 9.), quid miseriam vitæ laboriosæ demutasse *Beate quietis bonore*? quid in sinum *Abrahæ* deferri animum Lazari *beatam*? quid tandem deductum Lazarum per Angelos *in æternam requiem*? Constat ergo Hilarium non alium in sensum usurpasse *sinum Abrahæ*, etiam ubi de Lazaro agit, quam in eundem illum, quem vulgo adhibet de cæteris Sanctis Novi Testamenti.

21 Movere adversarios magis debent, quæ sapientissime disputat Cl. Muratorius l. cit. cap. 12. Cum enim Burnetus *Sinum Abrahæ* in insomni sui traheret ædificium, quasi per has voces carcer ille designatus fuerit, in quem dormitantes conjecit iustorum, simulque & iniustorum animas, totus in id incumbit Muratorius, ut efficiat, *Sinum Abrahæ* acceptum a Patribus fuisse ad indicandum locum Beatitudinis inchoatæ, imo prægrandis, cui scilicet per corporum resurrectionem nonnisi plenitudo, seu perfectissimus gloriæ cumulus debeat superaccedere. Rem præsertim demonstrat ex Hilario, in cujus sententia sinum *Abrahæ* idem esse cum regno cœlorum disertissime probat. Probat autem testimoniis illis (§. 9. 16.) supra adductis, in quibus sermo est de sinu *Abrahæ* respectu Lazari: Testimonia igitur illa, fatente ipso Muratorio, non aliud si-

significant per *Abrahæ sinum*, quam coelorum regnum, & beatæ visionis possessionem. Cumque nullus sit alius apud Hilarium locus, in quo diversa hujus vocis significatio tradatur; consequens inde est, Pictavorum Episcopum per sinum *Abrahæ* idem semper, constanterque intellexisse.

22 Quod vero additum est (§. 19.), duplicem nempe *Sinus Abrahæ* notionem ex ipso etiam constare Hilario, qui ut piorum animos ante Christi professionem ad Inferos a Dei præsentia removendos putaverit, eisdem postea videndi Dei potestatem facit; id, inquam, hujus loci non est, revocare ad examen: in altera porro dissertationis parte operam colloco meam, ostendamque, Pictaviensis Episcopi testimonia, quæ tanquam apertissima opponuntur, non eum præ se ferre sensum, quem Theologi Sapientissimi eis adscribunt.

23 Animadvertam interim, difficilius opus non esse negotio ad reliqua labefactanda, quibus per me hætenus illustrato argumento occurrere tertio loco possent. Si videlicet addant, Hilarii dicta intelligenda esse apte, accommodateque ad personas, & tempora: hoc est accipienda de beatitudine, sive de præmiis non re quidem ipsa, sed spe stabili, ac certa adeptis; non quod Deum e vestigio Lazarus adierit, atque inspexerit, sed quod in sinum *Abrahæ* receptus sit, ubi interim lætabatur, gaudebat, habebatque oppetitæ mortis solatia, suo deinde tempore cumulatæ ejus beatitudinis, quæ Dei adipsæ efficitur, possessionem aditurus: hunc in modum veram beatitudinis retributionem, & requiem Lazaro datam esse, sed accommodatam & loco, & tempori: vel fortasse etiam probabilius non ad diem, quo Lazarus obiit, referri oportere, sed ad tempus, quo beatitudinem iniiit, quæ ei tamen beatitudo statim ab obitu debebatur, impedimentis remotis.

24 Quæ si ita se habent, ædum omnino est de iis Theologorum laboribus, assiduis quidem, ac multo diligentissimis, quibus conati sunt hætenus componere Hilarii sententias, quæ non nihil difficultatis præ se ferre videbantur, cum Florentini, Tridentinæque Conciliorum definitionibus. Desinant Theologi Hilarii opera susdeque vertere, ut ex Pictaviensi Magistro testimonia, congerant ad asserendum, piorum animabus, statim ac e vita migrant, Dei conspectum in coelis concedi. Quasunque enim ad-

duxerint illi sententias ex Gallia Episcopo; præsto erunt Burneti gregales, qui interpretationem ab adversariis mutuantes, eas omnes apte accommodateque ad personas & tempora intelligendas esse, totis viribus contendunt. Opponant quidem illud in psal. 64. n. 6. *Beati quidem sunt, qui jam a Deo ad habitandum in tabernaculis ejus electi sunt: sed festinare non in consortium hujus beatitudinis congruum est, operationibus id, atque orationibus expectantes.* Opponant alterum in psal. 65. n. 23: *Per hæc itaque genera paucorum Martyres in fidei testimonium corpora sua holocausta voverunt: ut in Dei domum, idest in celestis domicilii habitatione consummatis hostiarum suarum sacrificiis introirent.* Opponant tandem, ne infiniti simus in singulis recensendis, Hilarii sententiam esse in psal. 119. n. 1. *Christi consortium mortem acquirere,* & alia id genus plura. Hisce omnibus facile occurret novus aliquis nostræ ætatis Burnetus, docebitque, sententias hujusmodi accipiendas esse potiori jure (illæ enim, quæ Lazarum respiciunt, de præterito tempore, relateque ad obitum sunt usurpatæ; hæ vero indefinitæ sunt, nullique alligatæ tempori) de habitatione in Dei tabernaculis, ac cœlesti domicilio, de consortio beatitudinis & Christi, de cœlorum regno, ac felicitate, non re quidem, sed spe stabili ac certa adepta; vel fortasse probabilius non ad diem obitus esse illa referenda, sed ad tempus, quo beatitudinem sunt inituri, quæ eis tamen beatitudo statim ab obitu deberetur, impedimentis remotis; impedimentis, inquam, non hæreditariæ labis, sed carnis corruptionis, qua carne non nisi per resurrectionem incorruptibili effecta, & immortalī, animæ beatæ esse non possunt.

25 Fac porro, ut ita respondeant hæretici. Quid ad hæc Theologi? Provocabunt ne sectarios ad splendidissima illa *beatitudinis* vocabula, *regni cœlestis, habitationis in cœlestibus tabernaculis, consortii Christi &c.*? At illi quoque amplissima æque ac splendidissima proferent vocabula *sedium Beatorum, æternæ requiei, beatitudinis retributionis æternæ &c.* (§.9. & 16.), quibus Lazari statim statim a morte Hilarius describit. Provocabunt ne Theologi ad ejus generis particulas, ac phrasas, quæ justorum animas, ubi primū a corpore evadunt, non subobscurè significant æternas consequi voluptates? Verum & illi ejusdem generis particulis, ac loquendi formulas ob oculos nobis ponent. Ait liquidem Hilarius, primū, ani-



animam Lazari *post carnis dissolutionem* beatam in sinum Abraha fuisse ab Angelis transvectam: quid autem est *post carnis dissolutionem*, nisi ab ipso die obitus? Secundo, *in aeterna* fuisse Lazarum *requie*, cum Dives flammis undequaque percussus se se illi spectandum exhibuit: exhibuit se autem Dives Lazaro statim a morte, fratribus nempe adhuc in supernis manentibus: Tertio demum, eundem illum Lazarum demutasse ait vitam hujus sæculi laboriosam *beatæ quietis honore* (§. 16.); quæ phrasis suapte natura, ac ingenio unicum illud temporis refert momentum, quod Lazari discessum ex hac vita immediate subsecutum est, seu quo beata ejus contigit dormitio. Provocabunt ne demum Theologi ad alias Hilarii locutiones, quibus piorum animas ante Christi profectionem ad inferos a Dei præsentia removit Hilarius? Sed præterquamquod obvium eis erit efficere, nullibi Hilarium nec diserte, nec subobscure sanctos illos subduxisse ab eo vitæ genere, quod gaudiis resonat, & deliciis ex Dei conspectu profluentibus, ea insuper ex Hilario colligent, quæ dilationi gloriæ usque ad universalis judicii diem videntur quam maxime favere, & quæ Murtorio ipsi occasionem aliquando obtulerunt suspicandi, Gallia Magistrum non semper fortasse hac de re optime sensisse (§. 2.). Quodsi hæc secundum Catholicam definitionem se se explicaturos polliceantur Theologi: illi pariter exitu non plane infelici idem præstabunt. Paucis: Argumentum hunc in modum instituo. Hilarius de statu Lazari statim a die obitus easdem adhibet sententias, phrasas, loquendique formulas, quibus utitur loquens de justis N. T. ex hac vita exeuntibus. Atqui priores illæ loquendi formulæ firmæ sunt ac ratæ ex adversariorum sententia, quamvis positus Lazarus confestim non sit Dei pulchritudine, & divinæ essentia possessione: Ergo a parietamli Sanctorum animæ statim æterna gaudia non re ipsa consequantur, locum tamen habent ædem illæ locutiones, quibus tantopere confidunt, & confisi sunt omnes de Schola Theologi.

26 Maximam huic argumento inesse vim neminem puto dissimulaturum, ita quidem, ut ne causæ Catholicæ detrimenti aliquid inferri videatur, ad rem magis est, statuere, Hilarium agnovisse etiam pro justis Vet. Testam. eum beatitudinis statum, qui Dei efficitur visione, quam eo rem deducere, ut a perenni illa constantique Ecclesiæ traditione, subducatur Hilarii auctori-

23  
 ritas, præsertim contra Theologorum omnium suffragium, qui, quo minus laborarunt in eruenda Pictaviensis Doctoris mente de piorum in sinu Abraham beatitudine, eo magis versati diligentissime sunt in asserenda, stabiliendaque Ecclesie definitione testimoniis ab Hilario desumptis. Quinimmo non solum Hilarii, sed plurimorum veterum Patrum hoc in dogmate concideret auctoritas. Si enim illorum plurimorum textus cum his conferantur, qui de Lazaro, deque iustis quibuscvis Vet. Testam. apud Hilarium occurrunt, ejusdem hi sunt conditionis, & indolis, æque aperti, ne longe etiam significantiores dicam, ac splendiores; ut proinde, quod superiori paragrapho efformavi de Hilario argumentum, aptari facile possit & aliis pluribus Veteribus Patribus; quod certe sine aliquo traditionis illud dogma respicientis detrimento esse nequit.

27 Absit vero, ut ad hæc declinanda incommoda adoptandum quis sibi putet extremo loco effugium illud in eo situm, quod Hilarius amplioribus, quam par esset, vocabulis rem exornaverit, Rhetorumque more felicitatem Lazari statim ab obitu, qua phrasis, qua figuris, qua demum sententiis plus justo auxerit, grandioremq; effecerit. Absit, inquam, a Theologorum animis tantum imprudens consilii genus. Quid enim impediet, quo minus & hæretici iisdem utantur armis ad Catholicam vexandam, depugnandamque doctrinam de mortuorum statu post Christi mortem? At novimus revera eos sæpe numero ita fuisse argumentatos. Lege, quæ Burnetus inique hac de re pronunciavit ad Veterum Patrum dicta liberius, sublimiusque loquentium de intermedia piorum beatitudine cum suæ opinionis commento concilianda. Oratores, inquit, *inter perorandum sæpe incalescunt aliquantulum, neque singula verba in aurificis statera ponderant. Quumque sermones populares, aut orationes funebres adornant, multæ sunt causæ, quæ perorantem incitare possunt ad exaggerandam felicitatem mortuorum in Domino, nullæ vero ad diminuendam præter ipsius veritatis conscientiam.* Lege, quæ & Dallæus generatim habet l. i. de usu Patrum cap. 5. de variis Rhetoricæ, & Dialecticæ artificijs, quibus utuntur Patres, ex quo inde infert, difficilimum esse germanam Patrum mentem percipere, eorumque sententiarum veram assequi significationem. Impudentissime, perditissimeque dicta hæc quis denegabit? Sciant tamen Adversarii, hæc illis suppedita-

ri momenta, quotiescunque asseratur, Patres abundasse nimis in exprimendis Lazari, coeterorumque Patriarcharum in sinu Abrahæ ante Christi mortem commorantium, voluptatibus; bonisque immortalibus. Sciant præterea non longe a vero abesse Petri Constantii Maurini Monachi conjecturam opinantis in *Admonit. prævia* num. 23. Hilarii in psalmos tractatus *primum ad populum recitatos, ac deinde, nonnullis mutatis, in unum Commentariorum volumen collectos, atque editos fuisse*: quo sane posito exaggerationis inter perorandum suspicio procul est amandanda. Sciant demum, me ad vocabulorum eruendam vim, potestatemque uti maxime orationis contextu, & S. Doctoris scopo, quem ejusmodi esse contendo, ut rem ipsam amplissimis expressam vocabulis debeat omnino designare.

28 Et sane Hilarii scopus unus idemque est sive Tract. in psal. 2. num 48, cujus verba alibi (§. 9.) descripsi, sive in psal. 122. num. 11. ubi idem argumentum repetit Hilarius. Probat scilicet, Deum in altera vita in *controversum omnia retorquere, & quamdam vicissitudinem præstare patienti*. Ad id vero conficiendum Evangelicam assumit narrationem hunc in modum. *Tellis nobis est pauper in Abrahæ sinu quiescens, & dives perustus in pœna. Ille enim in aggestu fimi ante divitis januam, fame tabidus, ulcerum sanie destuens fœderat, canibus vulnera dissoluta lingentibus...* Interius tamen anima ejus per fidem invulnerabilis, & ad omne telum voluptatis ac vitia invia: & idcirco ab Angelis post carnis dissolutionem beatus in Abrahæ sinum fertur. Ille vero, cui omnis erat vestitus in purpura, cui totius civitatis nobilitas gravi dominatu subdita famulabatur, cui aeris, terræ, maris copie in usum convolsi congeriebantur... excellens hoc, quo male usus erat, corpore, & impenetrabili a sanctis chaos separatur, omni pœnarum ministerio excipitur, dolet, vexatur, amburitur, irrorari se ac refrigerari minime digito requiescentis in sinu Abrahæ pauperis deprecatur. FIT ALTERNA CONVERSIO, & demutatur lætitia in mœrorem, & mœror in gaudium. Sortem hic nempe contrariam describit Hilarius, quum consecuti post mortem sunt Lazarus, & Dives: beatam ille, quatenus per alternam conversionem mœror ejus in gaudium est demutatus: miseram alter, quatenus in pœnis urebatur, quatenus omni pœnarum ministerio exceptus, dolebat, vexabatur &c.

Ex

Ex quo inde colligit num. 13. *Demutabilis est ista Conversio, & digna in bonos, ac malos vicissitudo*. Atqui nec alternam vere conversionem, nec dignam in bonos, ac malos vicissitudinem indigitaſſet Hilarius, nec Lazari statum per oppositionem ad statum Divitis apte descripiſſet, nisi Lazarum consideraſſet, aut ſpectandum præbuiſſet tanquam ſolida beatitudine donatum, quæ ex Dei efficitur adſpectu, in quo tantummodo verum eſt gaudium, lætitia vera, vera demum quies & felicitas: Unde appoſite Petrus Chriſologus ſerm. 66. *Recipit (Lazarus) pro doloribus REQUIEM, pro opprobrio GLORIAM, pro contumeliis HONOREM, pro deſpectu GRATIAM, pro pænis IMMORTALITATEM, pro vulneribus PROEMIA, pro ſiti REFRIGERII FONTEM, pro fame COELESTIS MENSÆ DELICIAS SEMPERFRNAS, & quem divitis angulus non cepit, SINUS DIVINÆ CONSOLATIONIS includit*. Verbis igitur *quietis, Beatitudinis, retributionis æternæ, gaudii &c.* ab Hilario de Lazaro uſurpatis non aliq̃ vis ſubeſt, poteſtas, ac notio, quam quæ apta ſit ſignificando ſtatui quietis, ac gaudii, qui opponatur ſtatui æternæ damnationis iniquo illi diviti reddi. Significant ergo veram ſolidamque beatitudinem, ex Dei fruitione atque adſpectu manantem. Atque hæc ſatis ſint de præcipuo diſſertationis meæ argumento: cætera nunc proſequar.

29 Eſt autem alterum, quo uti ſoleo, momentum ex iis deductum, quæ de Regio Propheta Davide paſſim habet noſter Hilarius. Tract. porro in psal. 119. in illud: *Heu me! quod incolatus meus prolongatus eſt*: hunc in modum ſcribit num. 10. *Convenit igitur, Prophetam expectantem poſt ſagittas Domini, & illos carbones deſolationis BEATI ILLIUS REGNI, ET ÆTERNI TEMPORIS GLORIAM, id, quod expectat, deſiderare. Et deſiderat plane. Neque ſolum deſiderat, ſed moras odit, & ipſam illam non potiendi jam deſiderii tanti dilationem, dicens: Heu me! quod incolatus meus prolongatus, eſt: Quæclam iſtiusmodi a plurimis Sanctis frequenter audivimus de tarditate ſpei ſuæ moroſam corporum diſſolutionem deſentium: Dominus in Evangeliiſ ſuis accelerationem regni cæleſtis docuit orandam ... Adveniat regnum tuum, fiat volūtas tua. Paulus Beatus inhabitationem corporis ſui congemiſcit, per incolatum carnis peregrinari ſe a Deo conquerens. Quo contra peregrinandum in carne ſcit ſibi eſſe,*

ut ei cum Deo sit incolatus : sed tamen melius ei esse dissolvi , & cum Christo esse . . . . In hoc igitur nimium sibi prolixo in corpore incolatu congemiscit Propheta, festinans praeegrinaria a terrenis, & INCOLERE COELESTIA, ut derelictis corruptibilibus, atque praesentibus consequatur INVISIBILIA, & AETERNA. Et tract. in psal. 142. idem ferme repetit num. 8. Moras corpori sui Propheta non patitur : & secundum illud Apostoli : Dissolvi me melius est, & esse cum Christo : & illud : miser ego homo, quis me liberabit de corpore mortis huius ? & illud : quia in hoc veteri tabernaculo congemiscimus desiderantes superindui : tedium ipse in hoc mortis corpore patitur : sed velocitatem auxilii, quod ob defectionem spiritus deprecatur, cum gratia divini in se muneris optat expleri. Quid enim sibi prod-rit exauditum esse velociter, nisi fidelis, & Deo placens, & BEATIS LOCIS quieturus excedas e corpore ? Ex quibus sic argumentor. Qui docet Regium Prophetam post corporis dissolutionem expectasse incolere caelestia, invisibilia consequi & aeterna, beati illius regni, & aeterni temporis gloriam, in beatis locis quietem &c. qui docet illud Prophetæ : Heu me ! quod incolatus meus prolongatus est &c. conforme esse illi Dominicæ petitioni : Adveniat regnum tuum, illisque Paulinis vocibus : cupio dissolvi, & esse cum Christo &c. ille certe docet statim a morte tulisse, eidem Prophetae concedendam, veram beatitudinem, Dei praesentiam, profluentesque inde delicias : uno enim eodemque modo loquitur de utriusque Testamenti optimis piisque viris. Ita est de Hilario Pictaviensi. Ergo &c.

30. Et hic loci pariter duo illa locum habent, quæ alibi sedulo animadvertenda proposui : primo scilicet amplissima illa, splendidissimaque vocabula, quæ in duobus mox productis Hilarii testimoniis occurrunt, nempe beati regni, & aeterni temporis gloriam, accelerationem regni caelestis, incolere caelestia, consequatur invisibilia, & aeterna : secundo illæ formulæ loquendi, post corporis incolatum, post peregrinationem a terrenis, & illud maxime, ut derelictis corruptibilibus, atque praesentibus consequatur &c. Id enim genus vocabula, ut dixi, accommodata magis esse nequeunt ad Dei visionem indicandam, ac propredictæ beatitudinis possessionem, quam Davidi hic pollicetur Hilarius : Formulæ vero prædictæ suoapte ingenio, ac natura non aliud sibi

volunt, quam eum Prophetæ statum significare, qui ei erat futurus, ubi primum a carnis vinculis fuisset dissolutus. Sed & illud hic addere juvat, quod eodem de Propheta eleganter exequitur noster Auctor in psal. 118. lit. 3. num. 7. ad illud: *revela oculos meos, & considerabo mirabilia de lege tua*: in quod hæc enarrat. *Scit mortalibus oculis, atque corporeis nubem obscuritatis obfistere. Scit, ea, quæ corporaliter in lege præcepta sunt, umbram esse, & speculum futurorum. Legem quidem legis, sed optat legis mirabilia contueri. Meminit sancta esse Sabbata; sed IN ÆTERNORUM SABBATORUM REQUIE esse desiderat. Utitur quidem azymis panibus: sed fermentum ejicere natura veteris festinat. Immolat Pasche ovem: sed ASSISTERE EI, qui per Joannem revelatur, AGNO concupiscit... Induci quoque IN TERRAM SANCTAM, terram fluentem lacte & melle, tanquam totius hujus Orbis peregrinus orat... Hæc igitur legis mirabilia, quæ velatis oculis adumbrantur, Propheta orat, ut cernat: scilicet ut CADUCO, ATQUE INFIRMO CORPORE ABSOLUTUS, hæc, quæ per corporalem observantiam legis magna, & mirabilia IN COELIS præfigurantur, ASPICIAT. En iterum voces amplissimas, in æternorum Sabbatorum requie, in terram sanctam, mirabilia in cælis, quæ veram, solidamque beatitudinem expriment, tum phrasim illam, ut caduco atque infirmo corpore absolutus. Lege quæ de Novi Testam. Martyribus habet Hilarius. Eadem sunt prorsus, ut ex paucis illis, quæ in medium sunt a me posita (§. 24.) facili colligitur negotio (\*). David ergo*

D 2

&amp;

(\*) Ad memoriam revocanda hic loci sunt, quæ aliis scripti (§. 26.), easdem nimirum, ne significantiores dicam, usurpasse Hilarium dictiones, loquendique formulas, ubi de Lazari forte sermonem habet, deque felicitatis premio a regno vate post mortem expedando, quas cæteri Patres usurparunt de Sanctis Novi Testamenti: ex quo inde efficiebam, vel sentiendum esse, quod Pictavorum Episcopus admiserit, antiquos Patriarchas statim a morte donatos fuisse, Dei adspæctui, vel asserendum, nullum suppetere argumentum, quo ex pluribus Ecclesie Patribus demonstretur, promptam nunc beatitudinis retributionem viris optimis reddi. Quamvis autem id argumenti genus ab oratione mea extraneum videri fortasse possit; ne tamen gratis me hæc excogitasse aliquis existimet, ad Justinum Philosophum & Martyrem causam deducam, in cujus nomine Mille-nariorum maculam diutius insidere passim non sunt præclarissimum Maurinus Congregationis lumen Prædilectus Mairanus in Præfat. ad Justinum opera part. 2. cap. 12. num. 1., Cl. Muratorius loc. cit. cap. 8. pag. 95, ac novissime Fassonius noster: *De piorum in suo Abraxa beatitudine* cap. 2. §. 21., aliique. Petunt hi autem argumenta I. ex eo quod Apolog. 1. num. 8. scribat: *Æterna, ac perinde cæ-*

pidoi

& orabat; & expectabat coelestes delicias nulla interposita mora a die obitus, & has re vera ipsi promittit noster Hilarius. Ergo &c.

31 Peculiare vero hoc in argumento est vehemens illud, maximumque desiderium, quo tantopere commotum Davidem nobis exhibet Hilarius, immo ipsæ Divinæ Litteræ. Non enim a vero longe aberrabit, qui exinde collegerit, Regium vstem & coelestia expectasse, & hæc re ipsa statim a morte obtinuisse. Quo sermo hic meus tendat, facile intelliget, qui sibi ad memoriam revocaverit tritum illud vulgatumque argumenti genus ab Angelico Doctore Aquinate usurpatum lect. 2. cap. 5. Epist. 2. Pauli ad Corinth. ubi in illa verba: *audemus autem, & bonam voluntatem habemus magis peregrinari a corpore, & presentes esse ad Dominum*: hæc sapientissime commentatur. *Confutatur per hæc verba error dicentium, animas Sanctorum decedentium non statim post mortem deduci ad visionem Dei, & ejus presentiam, sed morari in quibusdam mansionibus usque ad diem judicii: Nam frustra Sancti auderent, & desiderarent peregrinari a corpore, si separati a corpore non essent presentes ad Deum. Et ideo dicendum, quod Sancti statim post mortem vident Deum per essentiam, & sunt in celesti mansione.* Atqui prophetæ desiderium idem omnino est ex Hilario cum eo, quo excitabatur Paulus illa pronuntians, & cum eo etiam, quo nos clamamus quotidie: *Adveniat regnum tuum* (§. 29.). Ergo sicuti ex hoc

*pides ad domicilium cum Deo universorum Patre, & epistæ promissum contendere: II. ex eo quod asserat num. 10. bonos adepturos, ut cum eo (Deo) degant, atque uno regnent corruptionis, & perperitæ expertes... Dei consilio, & consuetudine dignentur: III. quia nisi totidem verbis, eadem certe quidem sententia, ac Paulus, tradit, cupere Christianos vincula carceris rumpere, & esse cum Christo. IV. quia ibid. num. 12. aperte docet, nunquamque ad æternam fore penam, fore salutem pro meritis ætionum proficisci: & num. 20. bonorum (animas) & supplicis liberatas preclare (sui bene) se habere: V. demum ex eo quod de Lucio Martyre abripi jussu ad tormenta hæc habet Apolog. 2. num. 21. At ille gratias etiam agit, cum se ab improbit ejusmodi Dominis ad Patrem, ac Regem eorum proficisci cognosceret.* Hæc ex Mairano. Atqui hæc omnia prædicat luculentissime Hilarius de Da idē, ut manifesta efficiunt, quæ mox attul (§. 29. & 30.), & quæ hic singillatim perstringere, superfluum duco. Ergo sicut argumentatione perquam probabili demonstratum ex illis esse, arbitrantur theologi præclarissimi, Justinum notari non posse de amota sempiterna beatitudine ab animis iustorum ante supremum judicii diem; ita argumentatione perquam probabili concessisse me judico, Hilarium Pictaviensem de divinæ essentia visione Davidi, ceterisque Vet. Testam. Patribus, ac iustis quibuscumque ante Christi migrationem ad inferos optime sensitse.

hoc prompta inferitur a Theologis meritorum retributio, <sup>29</sup> & divi-  
næ essentiae conspectus; ita ex eodem illo Davidis studio, flagran-  
tique dissolutionis cupiditate colligi debet, æternam beatitudi-  
nis retributionem eum & expectasse, & consecutum re vera fuisse,  
statim ac e corpore evalit.

32 Verum neque D. Thomæ argumentatione opus mihi erat,  
cum Hilarius ipse eundem in modum argumentatus fuerit in psal.  
142. num. 8. (§. 29.) hisce verbis. *Quid autem sibi proderit,  
exaudiri esse velociter, nisi tanquam fidelis, & Deo placens, &  
beatis locis quieturus excedat e corpore?* Quæ vero beata hæc  
sint loca, indicaverat tract. in psal. 119. (§. 29.) dicens, desi-  
derasse accelerationem regni cælestis, incolere cælestia, conse-  
qui invisibilia, & æterna. Et in psal. 62. n. 3. in illud: *siti-  
vis in te anima mea*, rotundis inquit verbis. *Hoc animæ deside-  
rium, hæc sitis spei ejus est, ut DEI sibi proveniat ASPECTUS*  
(en Dei visionem); *ut quam primum raptus in nubibus Deo*  
*Christo obviam elevatus appareat* (en beatitudinis plenitudinem  
post resurrectionem obtinendam, quam a priori distinguit).  
Frustra autem, iterum dicam cum Angelico, frustra auderet, & de-  
sideraret Propheta peregrinari a corpore, si separatus a corpore non  
esset præsens ad Deum. Ex Hilario ergo optime sequitur, Davi-  
dem consecutum fuisse cæleste regnum ante Christi redemptio-  
nem, vi tamen sanguinis a Christo effundendi.

33 Quo argumenti genere eo libentius utor, quo magis aptum  
illud mihi videtur, accommodatissimumque ad infringendam peni-  
tus adversariorum rationem petitam ex maxima Sanctissimorum  
etiam Hebræorum producendæ vitæ cupiditate, moriendique metu  
quam vehementissimo; quæ duo non aliunde dimanasse volunt, quam  
ex beatitudinis dilatione. Hebræi scilicet, ajunt, & in his viri quo-  
que integerrimi, sanctissimi, optimi mortem plurimum metue-  
bant; nunc autem mors metum non affert: illi suorum, qui mor-  
tui essent, vicem vehementer dolebant; nostri non dolent, cer-  
te quidem vetamur a Paulo: hinc in illis non mediocris produ-  
cendæ vitæ cupiditas; nostri, quod cuique tempus ad vivendum  
datur, eo sunt contenti, cogitantes breve tempus ætatis satis esse  
longum ad bene, honesteque vivendum. Est hoc autem argumen-  
to firmissimo, piorum olim animos non statim a morte in Dei  
conspectum venisse. Hæc porro conciliari nullo modo posse video  
cum



cum iis, quæ ex Hilario supra recitavi pluribus commendante Davidis desiderium de corporis sui dissolutione, ac peregrinatione a terrenis, ut cœlestia, invisibilia, & æterna consequeretur. ( 1 )

( 5 ) Argumentum hujusmodi labile esse, ac perquam infirmum, facili negotio demonstrari potest. Ac primo quidem rogatos volo, qui in opposita versantur sententia, ne illud nimis urgeant. Etsi enim veteribus Patriarchis aliquid esset incommodi ex privatione divinæ visionis; attamen, præterquamquod ab omni poena sensus erant penitus immunes, sua insuper habebant oblectamenta, & solatia servitutis, aliqua utebantur felicitate, uno verbo, tot eia eis erant voluptatis fontes, ac deliciarum, ut future illius vitæ gaudia præsentis sæculi tædia longo post se intervallo relinquerent. Quemadmodum ergo alteram vitam justus quilibet præsentis antefert, licet purgatorij ignem sibi perierendum ut plurimum præsentiat, ubi scilicet & gloriæ dilatio maxime vexat, & magnopere torquet poena sensus: multo magis illi. Non ita se res habuit ex adversarij argumentis: sequitur ergo, animas Patriarcharum in sinu, complexuque Abraham detentæ, tristiore fuisse in statu, ac modo sint piorum animæ in Purgatorio. Quod certe adversariis arridere nequit, quinimo absurdum est maximum.

Præterquamquod non tantum vel alteram, sed innumera propemodum suppetunt Sanctorum Vet. Test. exempla, qui vel inflammato mortem studio optarent, vel illa aquo animo, lubentissimeque pertulerunt. Habemus Moysen, Num. 11. 15. ita precantem: *si aliter tibi videtur, obsecro, ut interficias me. ne tanti efficiar malis.* Habemus David modo clamantem 2. Reg. 18. 33: *quis mihi tribuat, ut ego moriar pro te, Absalon fili mi?* modo sentem moralem corporis dissolutionem psal. 6. v. 4. *Es tu Domine asquequo? Converterte Domine, & eripe animam meam.* Et psal. 119. *Hic mihi, quia seculorum meus prolongatus est: modo futura vitæ gaudia exoptantem psal. 41. 1: quando vellem, & apparebo ante faciem Dei?* Habemus Eliam 3. Reg. 19. 4. mortem petentem: *sufficit mihi Domine, tolle animum: neque enim mellor sum quam patres mei.* Huc tendunt, ducente Hilario in psal. 119. num. 11. & 12., verba Ecclesiastici 4. 2. *& laudavi omnes, qui mortui sunt, super omnes qui vivunt usque nunc:* verba Jobi 3. 3: *perat dux ille, in quo notus sum, & non, in qua disierunt?* Ecce Moyses notus est: verba denum Hieremæ c. 20. 14: *maledictio dies, in qua genitus sum; maledictus natiuitati patri mæ, & dixerit: quis natus est tibi masculus? in quem Hilarius hoc. cit.: non conceptus, nec generationis suæ ortum, sed enim, qui in incrementis accessit præseculum edis corporis congemisset, in quo sibi in malis sæculi, & infirmitatibus carnis, illisque vivendum sit.*

Ad hæc: Jobum, & Abrahamum filiorum mortem leto animo passos fuisse, nos docent divinæ litteræ; atque hinc factum est, ut Chisostomus homil. 5. in illud 1. Thessal. 4. 13. *de dormientibus* num. 4. exempla Jobi, & Abraham ad filiorum iustioris æquore animo ferendæ, populum cohortaretur. Accedit denum suos & Veteri Testamento fuisse Martyres, Machabæos scilicet fratres cum Patre Eleazaro, & Matre; eos quoque fuisse, qui pro patriâ legibus ad interitum ruere voluntarium non dubitarunt &c. Ex quo sic argumentor. Ideo colligite, annuentibus adversariis, Patriarchas illos, & Antiquos justos in inferos descendisse Dei aspectu privato, nostra vero viros optimos ac sanctissimos in cœlestem venire beatitudinem statim a morte, quia illi mortem plorantium metuebant, isti vero bene adversus mortem animati sunt: Atque ex dictis

neq

31

34 Accedunt quoque alia Hilarii testimonia; quæ ad Davidem referuntur. Ex pluribus autem duo seligo, utrumque ex Tract.

nec mors illis multum attulit metus, nec sanorum qui mortui essent, vicem vehementer doluerunt: nec vero defuit in Novo Testam. viri quoque integerrimi, sanctissimi, optimi, qui mortis metu trepidaverunt, qui in persecutionibus fugam arripuerunt ad declinanda mortis pericula &c. Ergo &c. Quid si quis mortem timeat ex innata cuilibet propensione, qua fugit unusquisque mortem veluti sui dissolutionem? Nihil sane vitii in hoc est. Immo metum hunc experiri voluit ipse Christus ad consolationem suorum, qui & illum essent expecturi. Audi Augustinum Serm. 297. alias 107. de diversis cap. 2. num. 3. *Consolatur Dominus, transfigurans in se infirmitatem nostram, & dicat. Tristis est anima mea usque ad mortem... Utique natura refugit mortem. Intuere omnium animalium genus, nullum invenies, quod nolle vivere, quod non timeat interire. Habet ipsum sensum generis humanum. Dura est mors: sed non, inquam, quia mors est dura, ideo neganda est vita. Petrus etiam sentiebat noluisse mori. Mori quidem volebat, sed Christum sequi volebat. Audistis Christum mori timentem ad humani generis consolationem? Audistis item ex Augustino Petrum mori nolentem?*

Sed in his, de quibus plura haberem, quæ adderem, diutius non immorabor. Animadvertam interim ex Veterum iustorum cupiditate producendæ vitæ, mortis metu, luctu, egritudineque minus accurate inferri, eos non statim a morte in Dei conspectum venisse: venire tamen nostros, quia, quod cuique tempus ad vivendum datur, eo sunt contenti, nec tam vehementer dolet vicem suorum, qui mortui sunt. Aliam porro a Chrysostomo assignatam deprehendo rationem, in eo generatim sitam, quod illorum metus, ac dolor ex desiderio certæ resurgendi spei manaverit, ex qua resurrectionis spe certissimus dolore illo ac metu nos plurimum levamur. Chrysostomus sane homil. 4. in illud 1. Thesal. 4. 17. *de dormientibus hæc habet: Non morerem vultu, sed moreris vehementiam. Morere namque nature est, sed ultra mortem morere, furoris, insanie, multibrisque animi. Morte, lacrymare... Lacrymare, ut Dominus tantis Lazarum lacris, modum nobis, regulam, terminumque doloris ponens.* Et paulo post de nimium flentibus: *SI RESURRECTIONEM forte considerent, tanto non agerent.* Et num. 3: *Non solum ergo propter resurrectionem Deo gratias agere debemus, sed etiam propter speciem resurrectionis, quæ & MERENTEM ANIMUM SOLARI potest, & persuadere nobis, ut circa defunctos consideramus, tunc nempe resurrexerunt, ac nobiscum futuras esse.* Post hæc exemplo Jobi, & Abrahami ad filiorum iacturas equiore animo terendas cohortatur. Vides a Chrysostomo non aliunde repeti solatium nostrum in propinquorum morte, quam ex spe resurrectionis, nulla prorsus facta mentione divinæ visionis beatificæ, quam unicam volunt adversarii rationem esse solatii nostri in propinquorum morte? Consequens ergo est, ut ex eodem Chrysostomo formidabilis ob hoc fuerit mors in Veteri Testamento, quod tunc temporis Judæorum præsertim vulgi facta non fuerat distinctio, atque aperta resurrectionis revelatio, quam illi sola ratio ac æsequi non poterant, licet ex his, immo & ex Gentibus nonnulli, ut potissimum ex Job colligimus, illud dogma edocili liquido fuerint a Deo Optimo Maximo. Hinc idem Chrysostomus concione 2. in Lazarum num. 20. hæc habet: *Possunt his omnibus & aliud addere, videlicet quod ne de resurrectione quidem quicquam potuerat (Lazarus) philosophari, sed hujus vitæ res crederet hujus vitæ finem terminari. Erat enim ex eorum numero, qui gratiam Evangelii præcesserunt... ille tale nihil unquam philosophari*

Tract. in psal. 51. Primum est num. 22. ubi de Propheta ita ille: *Speravit in misericordia Dei, non ad tempus, non in hujus corporalis tantum vitæ brevi sæculo, sed in sæculum sæculi. Extendit enim spes suas ad infinitam perennitatis ætatem, nec concluditur mortis occasu, cum sciat sibi in Abraham finibus exemplo pauperis Lazari esse vivendum; sciat quoque gloriose resurrectionis demutatione cæternum se, & conformem Deo esse mansurum.* Alterum vero num. 24. *Expectat autem non occulte, non trepidus, non solus; sed in conspectu sanctorum ejus, fide scilicet libera testimonium expectationis suæ vel sub Sanctorum COELESTIUM conscientia non recusans, vel Prophætæ exemplo, sanctis omnibus, qui in terra sunt in se ipso præbens expectationis exemplum.* Ex primo scilicet testimonio obvium est planumque, Hilariū duos tantum assignasse Davidi post mortem status, in sinu scilicet Abraham a die obitus una cum Lazaro, alterum vero post gloriosam corporum resurrectionem. Vel ergo in primo illo statu, in sinu nempe Abraham cum Lazaro, Dei visionem agnovit Sanctus Pictavorum Episcopus, vel non. Si primum, ergo usque ad gloriose resurrectionis tempora Dei conspectum Davidi differendum putavit, quod est absurdum, omnibus fatentibus. Si alterum: ergo & pro antiquis justis, speciatim vero pro Davide, & Lazaro promptam asseruit beatitudinis retributionem. Tres porro in adversariorum sententia statuendi fuissent pro antiquis justis status: a die nimirum dormitionis primus usque ad Christi profectiōem ad Inferos; secundus ab hac Christi profectiōe ad universale judicium: tertius demum ab universalis judicii die *in sæculum sæculi*. Hanc tamen temporum distinctionem, excludit hic Hilarius. Ergo &c. Ex altero quoque Hilarii testimonio hoc ipsum liquet. Quid enim est illud *sub sanctorum celestium conscientia*, nisi

*potuit, eo quod nondum advenisset tempus ejusmodi dogmatum (resurrectionis scilicet):*

At, urgent adversarii, rationem, cui illi inniuntur, apertissimis tradi verbis a Chrysostomo in homil. panegyrica de Bernice, Prosdote, & Domnina, ubi cum effecisset, Veteribus Patriarchis formidabile fuisse mori, Paulo vero melius, illis injucundum, hinc jucundum, mox addit num. 3.: *Ac merito sane: olim enim ad Infernum mors deducebat, nunc autem ad Christum mors transmissit.* Hisce tamen hoc nunc sit responsum: concionem illam Panegyricam de Bernice &c. Joannis Chrysostomi genuinum factum non esse, ex eo potissimum quod doctrinæ ibi agantur nulli sapienti Catholico probande. Res manifesta fiet ex iis, quæ doctissimus vir, mihiq; amicissimus propediem emissurus est in lucem.

nisi certitudo, ac securitas, quod alii jam Sancti in cœlum deducti ibidem regnent? Qui namque cœlestes appellari possunt Sancti, nisi qui vel in cœlis sunt, vel ubicumque diversentur, cœlestibus fruuntur gaudiis? Statuit ergo Hilarius eo, quo hæc pronuntiabat David, tempore cœlestes sanctos fuisse, hoc est beatos, & Dei essentia, ac pulchritudine persuentes. Ergo ante Christi perfectionem ad Inferos.

35 Tertio tandem loco omittendæ non sunt Hilarii locutiones, quibus vel Helia in cœlestem habitationem describit raptum, vel Infantium cœdem & exprimit, & commendat maxime. Quavis enim hæc si solitarie spectentur, minoris esse momenti videantur; habita tamen eorum omnium ratione, quæ hæcenus disputavi, vim suam præ se ferunt, ac pondus. Hilarius nempe Tract. in psal. 118. lit. 18. n. 3: *Sanctus ille, ait, & in COELEM HABITATIONEM raptus in corpore Elias propheta &c. (6).* Et

E

Com-

(6) Compertum est viris eruditissimis, quæ sint Theologorum, ac divinarum litterarum Interpretum diffidia de loco, in quem Enoch, & Elia translati sint. Non defuisse viros doctissimos, qui *Paradisum*, ac *Cœli* nomine, quo apud divinos auctores deductos eos fuisse legimus, intelligendum velint Paradisum Sanctorum, & cælum Emphyreum, ubi illi gloriosis induti corporibus versantes, divino beentur adfœctu, latere neminem potest; quæ de re præter cæteros plurimos novissime Fassonius noster eleganter, eruditeque differuit in Opere *De Fiorum in suo Abrahae Beatitudine* c. 12. § 127. - 190. Quidquid hæc de controversia senserint viri clarissimi, illud unum tacitus præterire nequeo, quod ex Gennadio Scholaris Patriarcha Constantinopolitano deducere est, sive quicumque auctor sit operis, cui titulus: *Defensio quinque Capitum, quæ in Sancta Oecumenica Florentina Synodo continentur*. Capite scilicet quarto scd. 2. ut evincat Gennadius, Marcum Ephesium, adversus quem causam agit Catholicam, non sibi constare circa Sanctorum fruitionem, ubi observasset, eum in Epistola ad omnes gentes, & insulas missa, penitus fruitionem Sanctorum statim ab obitu aperte negasse, hunc pergit in modum. *At in Oratione, quam in diebus illis commemorationem conscripsit, aperte confitetur Sanctos recipere, ubi dicit: Ego vero quod ei, veluti Sanctorum animabus nihil obstat ad tempus morari, & in sua sede versari, & ad deprecantes passim commorari, necessarium, & verum esse existimo. At non ideo eum cœlo carere dixerim, aut non naa cum splendoribus angelorum, Domini throno assidere.* Nam aliis inferior esset, qui sese super omnes eminebat, si quia carne induebatur, societate eorum spoliaretur, & Dei ad faciem visione, qua per omne suam vitam in primis potitus est, meis quoque verbis testificatur, quod in eum Ecclesia ita canit: **PROPHETA PRECO CHRISTI A MAGNifico THRONO NUNQUAM DISJUNGIS, ET CUIUSQUE LANGUENTI IN ALTISSIMIS MINISTRANDO SEMPER ADEI, ORBI TERRARUM BENEDICIS, UNDIQUE GLOKIFICATUS.** *Vides (rursus Gennadius loquitur), ut hic clare, & aperte Sancti Dei*

Comment. in Matth. cap. 1. n. 7. ad illa Hieremiæ verba: *no-  
luit consolari, quia non sunt*; quæ, Matthæo ipso docente, adim-  
pleta sunt in ea Infantium occisione, hæc scribit: *Denique con-  
solari se noluit, quæ dolebat. Non enim non erant illi, qui mor-  
turi putabantur; IN ÆTERNITATIS enim PROPECTUM PER  
MARTYRII GLORIAM offerebantur. Consolatio autem rei amif-  
se erat præstanda, non aucta*. Quamvis autem non diffitear cum  
adversariis, migno se errandi periculo aliquando obicere, qui  
ex quibusdam Patrum vocibus colligere se posse existimant, suæ  
illos opinionis veluti semina, ac fundamenta jecisse, rogatos ta-  
men eos iterum volo, ut serio attendant, non ex hisce tantum  
Hilarii vocibus nude sumptis me argumentum deducere, sed ex  
hisce comparate ad ea plurima, quæ superius adnotavi. Optimam  
enim interpretandi Patrum dicta eam esse didici rationem, quæ  
tota versatur in conferendis illorum sententiis, eruendoque sensu iis,  
quæ præcedunt, aut sequuntur, apte accommodateque responden-  
te. Quæ firmissima Critices regula si præ oculis habeatur, nullo  
negotio constabit, ex hoc pariter Hilarii testimonio de Infantibus  
Martyribus aliquod peti posse argumentum ad propositam quæstio-  
nem illustrandam. (7)

*Dei visione perfrui ad faciem esset* Hætenus Gennadius, Fabio Benevolentio  
Benense interprete Rom. edit. 1637. Ex quibus verbis colligimus, quæ olim de Elia  
cecinerit Ecclesia in festo Elie Prophete, quod in Martyrologio Romano ad  
diem 20. mensis Julii recensetur, Templis apud Græcos maxime in Elia ho-  
norem et fundamentis erectis. Ea autem cecinit, quæ non obscure significant,  
in eum locum Eliam fuisse translatum, ubi presentem Deum cerneret, atque  
conspiceret, uti verborum vim, potestatemque serio investiganti apertissime in-  
notescit. Ex quibus, aliisque non pauca, quæ ad rem possent afforri, illud  
exiit, ut nec nova, nec inaudita dicenda sit Hilarii sententia de Elia in cele-  
stem habitaculum raptò, idest, in beatorum sedes, ac in coelestia hereditaria pos-  
sessionem translatò.

(7) Et quoniam de pueris Herodis Iosu interfecit injeclus est sermo,  
dissimulandum mihi non est, facile nimia, atque præpropere a Theologis non-  
nullis, qui cum cetera vulgo sentiant, Dei fruitionem ante Christi mortem au-  
li prorsus fuisse redditam, nimia, inquam, facile existimari, fundamentum ali-  
quod sue opinionis in eo etiam deprehendi, quod in festo horum puerorum,  
die vetus canticum *Tu Deum*, & vox *Mitaja* a Sacerdotibus divinus preces fa-  
cientibus omitatur. Infirmum esse, ac nullum argumentum hujusmodi, Fassi-  
nia noster satia apte declaravit loc. sæpe cit. cap. 9. nota 12., quæ licet de ve-  
teri tantum Cantico *Tu Deum* dicta ab eo sint, attamen ad vocem quoque,  
*Mitaja* transferenda ea esse constituo. Nam præterquamquod nihil certi de-  
cerni

36 Hactenus positivis, ut ajunt, momentis pugnatum est negantibus modo utar, quæ superioribus plurimam opportune lu-

## E 2

## cem

cerni potest ex ejus vocis usu, ac disciplina, quam in antiqua Ecclesia variam maxime, multiplicemque fuisse, traditum est a præclarissimis viis, præsertim vero a Card. Bona in *Tract. de divina psalmodia* c. 16. §. 17., & *Rerum Liturgicarum* l. 1. c. 6. §. 5., a Venerab. Card. Thomasio in *Disquisitione Antiquorum Rituum Cantuum Missæ* Tom. 5. Operam pag. XXV. & seq., a Maurino Monacho Petro Constantio *Epistola RR. PP. Cæ.* in censura decretorum Damaso Papæ adscriptorum num. 15., a Mabillonio Musæi Ital. Tom. 2. Comment. in Ordinem Romanum n. XV., ab Amato-Pouget *Institutiones Catholice* Tom. 2. sect. altera §. 22. num. VI. edit. Venetæ an. 1742. pag. 693., & a Roberto Sala in notia ad alterum Eminent. Bonæ locum supracitatum: illud etiam accedit 1. quod habetur in Antiphonario S. Gregorii Papæ. In Natali quippe Innocentium hæc initio leguntur: *Gloria in excelsis Deo non canitur, neque Alleluja: sed quasi præ tristitia dies illa deducatur*: idque ipsum nominatim citatur ex Antiphonario per Amalarium l. 1. cap. ult., & Microg. c. 36.. Ex his autem cogi debet, non propter puerorum ad inferos migrationem & Hymnum, & vocem illam ommissa fuisse, sed vel, ut quibuscumque placet, propter magnam legymorum vim, quam matres in acerbo filiorum lateritio proferant; vel potius ad Ecclesiam indicandam tristitiam ex eo conceptam, quod Herodis jussu questus ad mortem fuerit Jesus Christus, & secundum Herodiam estimationem interfectus. 2. in plurima Ecclesia, Gallie præsertim, tum Hymnus *Gloria in excelsis*, tum Canticum *Te Deum*, tum demum vox *Alleluja* in usu fuerunt etiam in Natali die SS. Innocentium. Rem discimus ex Edmundo Martene *De Antiquis Ecclesiæ Ritibus* T. 3. l. 4. c. 12. num. XII., ubi circa ejus diei officium plura sapientissime commemorat, interque cætera illud observandum proponit, quod ab Episcopo Abriacensi traditum est hunc in modum. *Licet ut in morte Domini, TE DEUM, & GLORIA IN EXCELSIS, & ALLELUJA in aliquot Ecclesiis* (diligenter attende ad illud *in aliquot*) *ex more antiquo omittatur, quia ut Christus occideretur, tot parvuli occidi jubenatur: & illis occisi sit mors Christi secundam estimationem Herodis; tamen quia placuit modernis, placet & nobis, ut cantentur.* Tria autem hic habet 1. ritum non decantandi *Te Deum, Gloria in excelsis, Alleluja* ex more quidem antiquo obtinuisse, sed *in aliquot* tantum Ecclesiis, non vero in Ecclesia universali, quod & Amalarium testatur *quorundam Ecclesiarum* eundem fuisse ritum scribens tom. 2. *Annales* eorum, & probat Martene ex pluribus Missalibus: non ob aliud omissa fuisse *in aliquot Ecclesiis*, nisi ob tristitiam mortis Christi; quæ licet reipsa in occisione infantum non contigerit, contigit tamen secundum estimationem Herodis. 3. Joannem Abriacensem ex communi fere sæculi consuetudine, tria illa cantari jussisse. Ex tota hac igitur cæremoniarii ratione colligi nullo modo potest, Ecclesiam approbare adversariorum sententiam hæc omittendo in festo die SS. Innocentium.

Id ipsum ad festum S. Joannis Baptiste accommodare intelligi potest, ne debet, de quo Scultingus apud Martene loco cit. cap. 32. num. XXIII. *Domini Trionfalis servent hanc Missam cum hoc alleluja*: Fuit homo missus a Deo, cui nomen erat Joannes. In hoc festo non frequentatur alleluja, quia Joannes præfiguravit legem. Et quidam faciunt officium absque alleluja initio nobis propter figuram legis, & in medio vocit illud repetunt cum alleluja terminantes. Apparet ex his 1. non omnino omissum alleluja in die natali S. Joannis Baptiste, quod etiam liquet ex Missa ejusdem diei, quæ apud nos obtinet. 2. non ideo prætermis-

sum.

cem, quin etiam auctoritatem & pondus adhibebunt. Movet me scilicet altum Hilarii silentium, ubi aptissima se se ei obtulerat occasio asserendi Vet. Testam. iustos ea ante Christi mortem vivos conditione, ut Deum omnino non cerneient. De iis sermo mihi est divinarum litterarum sententiis, quibus adversarii quæstionem hanc dissolvi putant, ac penitus definiri. Surt autem, quæ præsertim asserri ab iis solent, illud Osce 13. 14: *De manu mor-*

*tis*

sum *Alulu*, quia, ut ajunt, Joannis Baptistæ ortus divini Filii obitum, quo tempore nulli æterna beatitudo reddebatur, antecessit. Neque aliud docuit Amalarius Metensis, ut fertur, Episcopus, quem adversarii in suam concessisse sententiam, minus accurate pronunciant. Expendant hi, quæso, Amalarii verba *De ordine, antiphonæ* cap. 69. tibi duas ea de re asserit rationes, quæ si rite intelligantur, de suspicionem quidem ingerunt eorum, quæ ab adversariis traduntur.

Neque tandem omittendum puto, ut ad Infantes Martyres redeam, hæcenus dictis cohærerere plurimum, quæ in Gallicanis Liturgiis præferrebebantur ad diem illorum festum. Lege Sacramentarium Gallicanum ex Codice plusquam 1000. annor. descriptum a Mabillonio Musei Italici Tomo I. parte altera: occurrit tibi pag. 293. edit. Paris. an. 1724. Missa in festo SS. Infantum, cujus oratio, quæ ibi *consecratio* dicitur, apud nos vero *Præfatio*, hæc inter cætera complectitur: *Infans Christus transmittit ad cælos, nova cænsia Patri, primitias exhibet Genitori, per Christum Dominum nostrum Est.* Quibus sum maxime permotus verbis, non modo ex eo, quod aperte indicant, pueros illos statim ad Patrem transmissos in cælos, & primitias veluti Genitori exhibitos: sed etiam ex eo quod illa inveniri eadem potius cum iis, quæ apud Chrysostomum leguntur homil. 3. ex variis in Matth. locis. *Expugnans tempore uno nativitatem, & mortem, ingressum, & exitum, principium & accessum, ut ipse pæset tempore uno (ut dixi) contingere, & nascendo ingredi mundum, & dedicare martyrio cælum... moritur pæno martyrium, gloriam sanguinis comparant, æternam vitam temporali morte commutant... transmittit infantes Infans Christus ad cælum, nova cænsia Patri, primitias offert Genitori.* Hæc autem nonne aptissima exprimitur consecratio beatitudinem iis martyribus statim concessam?

Eandem subinde sententiam amplissimis exornavit verbis Gallus item Scrip-  
tor Arnoldus Abbas Bonæ Vallis Carnotensis Ord. S. Bened. In tract. de *Cor-  
dinationibus Christi operibus* inter Cypriani Opera. Agens enim *De Innocentium Mor-  
te*, ita scribit. *Sic Sanctorum persecutionibus Tyrannus crudelis illuditur, qui dum  
potest perdere, quos occidit, melioris vite statum eis procurat: & quod ille in  
perditione molitur, hi utuntur pro beneficio, quibus lucra vite perpetua per hæc  
momentanea damna cætri compendia acquiruntur... ILLICO spiritalis infantilis oscu-  
culi receptaculum deferunt... ab illis infantilibus osculis anima expedita, adepta  
rationis, & intelligit plenitudinem in occursum Christi sistit, a quo militie sue  
querens stipendium, AD LUCIS, ET PACIS ETERNÆ PRÆMITTITUR GAU-  
DIA, & Epiphaniæ solennia IN CÆLESTIBUS celebrat, nec in stellis alienius  
lamine, sed IN IPSA CLARITATE DIVINÆ PRÆSENTIÆ gloriatur... IN  
MOMENTO effecti sunt, quæ pacifici, & munda corde debetur, BEATITU-  
DINEM. Hi hæc a sanabulis IN CÆLUM translati, facti sunt SUPERNI CA-  
PITOLII Seniores, & Iudici &c. Amplioribus numquid verbis designari pos-  
test cælestis beatitudo, quam ex Arnoldo Infantes illi sunt statim a morte  
consecuti?*

*tis libero eos, de morte redimam eos: ero mors tua, o mors, morsus tuus ero inferne:* illud Zacchariæ 9. 11. *Tu quoque in sanguine testamenti tui emisisti vinctos tuos de lacu, in quo non est aqua:* illud Davidis 67. 8: *Qui educit vinctos in fortitudine, similiter eos, qui exasperant, qui habitant in sepulchris:* & vers. 19: *Ascendisti in altum, cepisti captivitatem: accepisti dona in hominibus:* illud demum Pauli Coloss. 2. 15: *Et expolians principatus, & potestates, traduxit confidenter, palam triumphans illos in semetipso.* Quæ testimonia ejusmodi esse volunt doctissimi adversarii, ut non solum piorum ex Inferorum locis liberationem significant, sed clament etiam, loquanturque ipsa per se, illos Deum antea non vidisse. Nam qui de mortis faucibus, ajunt, redempti sunt, qui soluti vinculis, & de custodiis liberati, qui demum, tanquam hostium, & tyrannorum spolia, in libertatem pristinam restituti, iis certe non ea se forma ostendebat Deus, quæ animos florentes efficit ac beatos: tales vero fuerunt Patres illi Sanctissimi, atque optimi, qui in sinum, complexumque Abraham venerant; his igitur ea forma se Deus antea non ostenderat, idest in conspectum non dabat.

37 Egregia utcumque hæc sit argumentatio, ad rem tamen ea minime est, nisi auctoritate Pictaviensis Hilarii, de cujus doctrina ac sententia unice hic sermo est, demonstretur, loca illa explicanda de piis hominibus penes Abrahamum interea temporis diversantibus, quibus Christus inferos adiens divinitatis suæ contulerit felicissimum adspectum. Verum ita hæc versat noster Galliæ Episcopus, ut ne minimum quidem verbum appareat, quo interpretatio illa vel leviter designetur. Habes Davidis, & Pauli loca a Sanctissimo Episcopo explanata tract. in psal. 67. Et ad primum, quod attinet, *qui educit vinctos &c.* hunc in modum scribit num. 8. *Ligato prius intra domum suam forti. eos, qui peccatis suis vinciebantur, absoluit: ut Abrahæ filiam septem & decem annis ligatam, in libertatem verbo virtutis eduxit; eduxit autem etiam eos, qui ante exacerbabant, idest, qui transgressionem legis iram in se Dei judicii incitabant, vel adversum nomen ejus gentili eloquio differebant, ad doctrinam divinæ cognitionis: ut ex persecutore Paulum Gentium Apostolum, Doctoremque præfecit. Hos itaque exacerbantes, inhabitantes antea in sepulchris, idest intra corporum suorum emortua domicilia consue-*



pultos, in caelestem vitam, spiritalemque deduxit. Sunt enim multi in viventibus mortui. Nam in Evangeliiis mortui non putati non differre desuntur a mortuis, Domino dicente. Sinite mortuos sepelire mortuos suos... Sed hos omnes de sepulchris Dominus, qui in filios Dei regenerantur, eduxit. Quam ergo indicatam vult Hilarius eo Prophetæ versiculo, liberatio referenda non est ad pios in sinu Abrahamæ quiescentes, sed ad gentiles, quos ab idololatriæ erroribus per suam gratiam, ac Evangelicæ legis veritatem revocavit.

38 Ad illud versiculi 19. *Ascendisti in altum &c.* hæc habet num. 19. *Ascendens in altum, & se se hominem ex mortuis in caelestibus revebens, accepit eos, qui a diabolo erant capti, quos & ad pulchritudinem domus spolia divisit. Dehinc dona in hominibus accepit, cum primogenitus ex mortuis de se ipse testatur dicens: Dominus dixit a me, Filius meus es tu, ego hodie genui te. Posce a me, & dabo tibi gentes hæreditatem tuam, & possessionem tuam terminos terræ. Accepit ergo dona in hominibus, gentes scilicet in hæreditatem: in quibus in sancto in altum primogenitus ex mortuis capta captivitate conscendit. Et quia ultra humanæ spei fidem sit, cum terræ carnis corruptionem in caelestem gloriam transulisse, gentesque impias, & ante vitiorum, ac superstitionum furore pervasas, ad cognitionem Dei, consertumque esse deductas: ob hoc in his dona hominibus accepit, qui se cum Deo habituros esse non crederent. En captivos, quos ex Hilario Christus in altum ascendens secum deduxit: Non veteres Patriarchis, & iustos, sed gentilem populum, qui idolorum culti obstrictus, omnique deditus vitiorum, superstitionumque generi, a diabolo captus erat. Hunc Christus in hæreditatem accepit, hunc ad se vocavit, hunc demum regenerationis lavacro initiatum & filium adoptionis effecit, & ad Ecclesiæ suæ pulchritudinem, ornatumque composuit. Quod & num. 12. differte significaverat Pictavorum Magister illud exponens v. 12. ejusdem psalmi: & *speciei domus dividere spolia*: ad quæ verba ita ille: *Ad Ecclesiæ decus detracta ab his diabolo gentium spolia dividuntur, atque etiam ex his spoliis domus pulchritudo perficitur, cum in Sacerdotes Dei ad ministerii sanctificationem ab aris, templisque ædemonum abstrahuntur, sanctoque spiritu irrigati, evangelizantes effecti sunt dilecti esse virtutes.**

39 De Pauli demum testimonio sic loquitur ibidem n. 23. *Sed suscipienda ab Unigenito Deo carnis, adeundaque mortis, & per Apostolum, & nunc per Prophetam grandior, profundiorque ratio tractatur. At primum quid in Crucis Sacramento atque mortis ab Unigenito Deo, Domino Majestatis effectum sit, per Apostolum intelligamus: ut duce eo docti, prophetiae scientiam consequamur. At enim ita: & vos cum essetis mortui in peccatis, & præputio corporis vestri &c. ( usque ad illa triumphans eos in semetipso ). Sacramentum itaque salutis nostræ primum resurgens ipse ex mortuis, decretumque mortis nostræ, quo ante desinebāmur, absolvens in se ipso, qui ex mortuis æternus jam maneret, implevit. Sed in eo ipso, quod nobis vitæ auctor in se est, dum per assumptionem corporis homo natus, & mortuus, jam rursus æternus ex mortuis est: omnes quoque inimicas virtutes, mundi que potestates, principesque aeris hujus ostentui reddidit, id est vel nostræ spei, vel sue damnationis fecit ostenta, & ipsos quædam quasi ex diis sæculi portenta constituit: his ipsis in se cum fiducia triumphatis, dum & per securi tatem æternitatis mors ipsa in Deo moriente fiducia est, & auctores mortis humanæ, dum etiam in se ipso per occupatum a Satana cor Judæ auctores sunt mortis, triumphat ex mortuis. Quis porro in hisce Hilarii verbis aliquid indicaverit, quo interclusus dicatur aditus fuisse piis Vet. Test. animabus, antequam Christus mortem pro nobis oppeteret?*

40 Tandem huc etiam pertinet, quod de morte a Christo devicta, profligatoque ejus aculeo passim habet Hilarius. Mortem quippe devincere, & mortis obtundere aculeum, nihil aliud designat apud Hilarium, quam sublata carnis corruptione, immortalitatis participem fieri per gloriosam corporis resurrectionem. Egregium hujusce interpretationis testimonium occurrit tract. in psal. 118. lit. 3. n. 6., ubi significaturus Hilarius beata illa tempora, quæ corporum restitutionem subsequuntur in cœlis, hanc adhibet loquendi formulam. *At vero MORTE VICTA, ET ACULEO EJUS OBTUSO, & cum facie ad faciem audiemus, & cernemus, tunc vere & vivemus, & mandata Dei servabimus.* Quod autem hæc de resurrectionis tempore intellexerit, apertissime liquet tum ex verbis num. 3. *Habemus etiam nunc admixtam nobis materiam, quæ mortis legi, & peccati obnoxia est; & in hujus cadu-*

*ec carnis, infirmæque domicilio corruptionis labem ex ejus confectio mutuatur: ac nisi glorificato in naturam spiritus corpore, vita vera in nobis non potest esse natura.* Glorificari autem in naturam spiritus nequit corpus, nisi per restitutionem ad vitam immortalem: tum ex iis quæ immediate ante præmittuntur eodem num. 6. *Taceo de naturis corporum, quæ nos inserim aut per infirmitatem, aut per incentiva vitiorum imperfectos esse compellant. At vero morte victa, & aculeo ejus obtuso &c.* Si ergo mors victa, & ejus aculeus obtusus dicitur ab Hilario, quatenus humana corpora per Dei filium sunt ad immortalitatem evecta; æquo jure dicendum, eas divinarum litterarum sententias, quibus liberasse homines de manu mortis Christus asseritur, de morte eos redemisse, dextruxisse mortem morte &c. eundem præ se ferre sensum ex Hilario; idest, non eas enunciarī ob divinitatis conspectum, Christo ad inferna descendente, Sanctis Veteribus concessum; sed ob redditam immortalitatem, quam prius hominis peccato perdideramus. Atque hanc ad interpretationem revocanda volo quæcumquæ ab adversariis proferuntur de mortis imperio a Christo superato, devictoque, quorum singularis ab Hilario interpretatio tradita non est. Idque eo vel magis, quod in psal 68, n. 14. mortem desisse scribit, postquam in Deo grassata est, & ab hominum genere depulsam per primitias ex mortuis. Quomodo autem desicit mors, cum omnes e corpore debeamus evadere? deuit, inquam, quia resurgendum nobis est, & mortale hoc induere debet immortalitatem, corruptile hoc incorruptionem. Habes ergo & positivis confectum argumentis, & negantibus, Hilarii sententiam de piorum statu ante Christi mortem eam revera fuisse, quæ piis illis felicissimum. Dei aspectum donatum vult, eosque in jucundissimam divinæ essentia ac pulchritudinis receptos possessionem.

41 Hisce ergo statutis reliquum est, ut quæ opponi solent Hilarii testimonia & expendam, & illustranda pro viribus suscipiam, ita ut dubitatio omnis evanescat. Sunt hæc autem

42 I. Ex epist. sub Hilarii nomine an. 1751. primum edita a Viro Cl., quem honoris gratia nomino, Joanne Chrysostomo Trombelli inter Vet. PP. opuscula Tomo I. *Referatis inferis*, ita num. 6, non 7. ut ab adversariis refertur, & *spretis, conculcatisque omnibus his, quæ in perniciem hominis, & salutem apud in-*

ros tunc valebant; omnes iustos, & sperantes in se illuminavit, & ad superos revocavit: offendens diabolo, & potestatibus hujus Mundi, & harum tenebrarum, nequitiam eorum non valuisse: ipsos manere in panis, liberato cui inolvebant homine.... In Cælum innoxit, Deo Patri liberatum hominem offerens munus. Durum sane, inquirunt, & absonum loquendi genus, si homines antea coelestem Patrem, sive Deum vidissent. Nam qui tandem Filius hominem Patri munus obtulisset, si jam antea optimus quisque potiebatur Deo? si totum prope cælum, ut alios ficleam, Hebræo jam genere completam erat?

43 II. Ex lib. 3. de Trinit. num. 15. *Dei Filius in inferis est: sed homo refertur ad cælum*: Cui & illud affine est in psal. 38. num. 26. *Domino itaque passio ista delicia sunt; dum portas æreas confringit, dum vèlles ferreos contrit, dum omnem potestatem despoliat, dum de his in se triumphat, dum eum, quem ad imaginem suam fecerat, redimit, dum deliciis Paradisi resistit*.

44 III. Ex lib. 4. de Trinit. num. 42. *Hic ergo unus est* (Christus)... *mortem in Inferno perimens*.

45 IV. Ex Tract. in psal. 58. num. 10. *Descendente eo* (Christo), *sanctos ejus inferi non tenent*.

46 V. Ibid. in psal. 118. lit. 11. num. 3. *Scis* (Propheta) *exhortationem hanc sanctos quiescentes in Inferno desiderare*. Quam tamen difficultatem, ut ipsis adversariorum verbis describam, mea plurimum interest. Sic autem illi. *Iterum sanctos quiescentes in Inferno* (aperte significat *Veteres*) *consolationem, quæ in videndo Deo fixa est, desiderare*.

47 VI. Tandem ibid. lit. 15. num. 8. *Adhuc enim sibi* (Davidi) *obeunda mors est, adhuc inferi sustinendi*.

48 In hoc autem sententiarum splendore, atque ubertate neminem opinantur adversarii esse, qui non videat, Hilarium divinitatis conspectum, profluentesque inde delicias veteribus admisse; & si quæ paullo obscuriora apud eundem Pictaviensem, Episcopum fortasse sunt, ea clarissima hac luce circumfusa omnem dæbere obscuritatem exuere: Nam si pii quiescentes in Inferno consolationem olim, quæ in videndo Deo sita est, expetebant, si Davidi fuerunt antea Inferi sustinendi, si Christo versante apud Inferos, mortemque inibi perimente, sancti ejus inferis non tenentur, sed referuntur ad cælum, dubium ne esse potest, quin

Deum ex Hilario videant, præsentemque conspiciant? En totam adversariorum argumentationem, cui evertendæ, quæ superius dicta a me sunt, plurimam opportune lucem, quin etiam pondus, & auctoritatem afferent.

49 Hisce omnibus antequam occurram, etiam atque etiam oro, obtestorque adversæ sententiæ Theologos, ne plus justo velint confidere nonnullis Hilarii dictionibus, phrasibusque, quæ sparsim apud Galliarum Magistrum occurrunt, quæque illorum opinioni blandiri prima fronte videntur. Habenda porro est ratio eorum, quæ ille apertissime tradidit, ubi de Lazaro ante Christi mortem defuncto sermonem habet, occasione scilicet accepta a Christi parabola, sive historia: ibi enim data opera gaudiorum meminit, deliciarumque, quibus lætabatur Lazarus in Abraham sinu; ibi mercedem describit, quæ justo cuilibet statim a morte reddenda est; ibi demum præmia justorum confert cum iis, quibus e contrario urgebatur Dives, doloribus, ac tormentis gravissimis. Ex hisce Hilarii deducenda mens est; ad hæc tanquam ad Lydium lapidem revocandæ sunt cæteræ Hilarii locutiones, quæ sparsim habentur. At hisce generatim ob oculos positis, en ad singula responsionem.

50 Ad primum. Nihil me movet testimonium ex ea Epistola desumptum. Satis enim superque demonstratum a me est, edita Romæ paucis ab hinc mensibus dissertatione, libellum illum, sive Epistolam esse Hilario abjudicandam, quam ut confulas, opportunum maxime erit. (8)

(8) Hæc de dissertatione duo mihi observanda occurrunt, quorum unum ad confirmandam, quæ aliquando dixi, ad explicandam alterum plurimum conferret. Scripseram §. 13. antequam Macedonianorum error in publicum prodiret, ante annum scilicet 160., non desuisse, qui de Spiritus Sancti divinitate impie ac nefarie sentirent, aperto ei indicto bello, nominatimque ejus substantia blasphemias petita. Quæ in sententia sum magis magisque confirmatus ex eo primum, quod in lib. de Synodis, seu de fide Orientalium describens Hilarius exemplum fidei Sirionis ab Orientalibus contra Photinum scriptum an. 351., ejusque Synodi Canones sex supra viginti enarrans, ad Canonem XXI. ita se habentem: *Si quis Spiritum Sanctum partem dicat Patris vel Filii, anathema sit*: hæc de suo addit. *Stultitia hæretici furoris hæc coegit in scripta referre. Nam cum Spiritus Sancti nomen habeat suam significationem, Et Spiritus Sanctus Paracletus habeat substantiam suam & officium, Et ordinem, & cum ubique indemonstrabilis Pater & Filius prædictus: quomodo pari esse aut Patris, aut Filii Spiritus Sanctus asseritur? Sed quia, sicut inter cætera Iesuarum genera, etiam hæc quoque proferri ab impiis solet, idcirco a Sanctis debuit improbari.* Fuerunt ergo ante an. 351. qui in Spiritum

51 Omisso tamen hoc responsionis genere, illud modo ponam, Hilarii eam esse germanum opus. Igitur & ex orationis contextu, & ex aliis Hilarii locis Auctoris mens accommodatissime

## F 2

## inno-

ritum Sanctum blasphemari eum partem asserent Patris vel Filii; atque hinc Patri, vel Filio inferiorem efficerent; quod est divinitatem Spiritus Sancti penitus evertere. Accedunt præterea apertissima Patrum testimonia, quibus Pneumatomachorum error Arianis nominatim tribuitur, Epiphanium dico, Augustinum & Prosperum Aquitanum. Ille enim lib. contra hæreses hæresi 69, quæ est contra Ariomanitas edit. Paris. an. 1564. pag. 346. : *Spiritum Sanctum, inquit, creaturam creaturæ rursus esse dicunt, eo quod per filium omnia facta sunt, veluti dicit Scriptura, S. Augustinus Lib. de Hæres. ad Quodvultdeum num. 49. : Ariani ab Ario, in ea sunt notissimi error, quæ Patrem & Filium, & Spiritum Sanctum volunt esse unius ejusdemque naturæ, atque substantiæ, aut ut expressius dicatur, essentia : sed esse Filium creaturam, Spiritum vero Sanctum creaturam creaturæ, hoc est ab ipso Filio creatum volunt. Prosper autem Aquitanus in Chronico, Coss. Crispo II., & Constantio II. Arias Prædicator, ait, ab Alexandro Episcopo de Alexandrina Ecclesia ejus, multos sua impietati socios, prædicant Patrem, & Filium, & Spiritum Sanctum non esse unius, ejusdemque naturæ, aut, ut expressius dicitur, essentia, ut ipse creaturam : Spiritum vero Sanctum creaturam creaturæ, id est ab ipso Filio creatum. Ad quam perfidiam coarctulam Synodus tercetorum, decessit & eodem Episcoporum Eccl. Adde Theodoretum Hæret. fabul. l. 4. num. 5. Hæc (Macedonius) Spiritum Sanctum, sicut Arias, & Eunomius, blasphemare permissit. Existimandum ergo non est, Sanctissimum Piscavorum Episcopum per id temporis, cum jam in Spiritum Sanctum debacchabantur Ariani, paulo liberius de Spiritu sancto scripsisse, iisque voluisse uti locutionibus, quæ, Cl. Trombelli non dissimulante, postquam hæresis in Spiritum Sanctum viguit, a Virro Catholico adhiberi non potuissent.*

Alterum vero de quo hic loci iectorem admonitum volo, circa id versatur, quod nota 11. ex aliorum sententia recensui de egregia, eruditissima, summoque omnium plausu excepta dissertatione Joannis Francisci Bernardi Marini de Rubéis, cui titulus : *De tribus in culo testibus* &c. Non enim legeram modo apud virum doctissimum de litteraria historia optime meritum; sed alios præterea audiveram summis votis desiderantes consultationem argumentorum, quæ ab Emlyno fuerant proposita, desiderantes, inquam, ea, ut astant, in dissertatione, quæ adversus Samuelem Crellium, aliosque suscepta est, in qua Richardi Simonis, & Samuelis Clandieri refelluntur sententia, Harduini indicantur commenta, Anonymi Gailli redarguitur aut oscitantia, aut impudentia. Horum tamem votis abunde satisfactum est ab eodem doctissimo De-Rubéis, qui, dum illa scriberet, & ex æriorum referebam sententia, librum edidit in lucem omni-gena eruditione, doctissimeque refertum, hunc pen se ferentem titulum : *Dissertationes variae Eruditionis, sub non Capitulæ serie collectæ, quæ Argumenta, sunt prædium tractata, sunt nunc primum propositæ, diligentius illustrantur, ac vindicantur.* in 4. Venet. 1764. Hujus operis primo in capite satis apte refellitur præcatus Emlynus, ita ut nihil sit amplius doctis viris, quod eo de argumentis optare possint. Interim non dissimulabo, eodem ipso in capite testimonium de-promi ex Epistola sub Hilarii nomine a Cl. Trombelli primum editam, quamvis autem Hilarii ea revera non sit, perantiquum tamen habet auctorem, & Hilario fortasse vetustiorum, Cyprianum nempe, adeoque ad rem a Cl. De-Rubéis intentam maxime facit.

innoscet. At siue contextum consideres, siue ad memoriam revoces alia Pictaviensis Episcopi testimonia, manifeste constabit, eas Epistolæ locutiones nullo modo favere adversariorum interpretationi, nec accipiendas esse de jucundissimo Dei aspectu, quem tunc primum tribuerit Christus Sanctis in inferis quiescentibus; sed vel de jure ad resurrectionem, immortalemque in cœlis vitam una cum corpore, quod jus suo illis sanguine comparavit Dei Filius, vel de ipsâ corporum ad vitam restitutione, quam suo ad Inferos descensu illorum plurimis largitus est, Rem serio experiamur, tum ex immediate ante positis verbis, tum ex iis, quæ sequuntur. Præmiserat porro Auctor hæc verba: *In novissimo per mortem hominis immortalis moriebatur, ut sublata mortalitate hominibus immortalitatem donaret. Suspensus igitur ligno..... ad mortem voluntate properabat, saturus scilicet mortis mors: namque referatis &c.* Atqui immortalitatem hominibus donare, sublata mortalitate &c. phræses sunt, loquendique formulæ, quæ per se eum non habent sensum; qui significet copiam alicui facere videndi Deum; sed potius carnis vincere corruptionem, & resurgendi dare munus; præsertim si res ad alia Hilarii testimonia deducatur, ex cujus sententia mortem devincere, seu mortis obtundere aculeum est immortalem alicui vitam impertiri (§. 40.), & a quo Sanctissimo Episcopo corporum ad vitam restitutio princeps veluti mortis Christi effectus describitur (§. 18.). Quæ ergo præmittuntur verba nihîl prorsus habent de jucundissimo Dei aspectu, quo, Christo ad inferos proficiscenti; potitæ primum fuerint animæ Sanctorum in sinu Abraham diversantes; sed eo unice spectant, ut carnis immortalitatem per Dei Filium hominibus partam nobis significent. Atqui, quæ ex eadem Epistola opponuntur, verba immediatam ad præmissa habent relationem, & nexum: continent enim præmissorum rationem, eisque per adverbium *namque* adiunguntur; ergo & ista ad gloriosam Sanctorum resurrectionem sunt referenda:

52 Id etiam maxime patet si ad ea, quæ sequuntur, attendamus. Mox enim additur. *Triumphans igitur homo cum Deo, jam devicta morte, non mortalis jam ad superos evadebat.* En iterum locutionem illam *devicta morte* (§. 40.), tum etiam illud *non mortalis*, quod de homine nonnisi ratione carnis dici vere potest. Hæc deinde subsequuntur. *Hoc scilicet docens, quis cum Deo*

*Deo quisquis se conjunxerit, mori videri potest, non potest interire.* Interius autem, cujus hic meminit Auctor, idem est ac corruptio, ut præclare nos monet Docūss. Trombelli in hanc Epistolam nota 129. Sed corruptioni opponitur carnis immortalitas, non vero divinæ essentiae communicatio: Docuit ergo Epistolæ Auctor, Sanctos interire non posse ex eo, quod a carnis corruptione Christus eos vindicaverit per corporum immortalitatem illis comparatam. Tandem pergit Epistolæ Auctor. *Parum tamen videbatur ad supplicium inimicorum factum, si extincto inimico vitam homini dedisset, & non adderet claritatem. Et ut Diabolo, & Angelis ejus pena major accederet, cum triumpho hominem, qui carnem habebat jam non morituram, in cælum Angelis, & potestatibus sanctis monstraturus intexit, Deo Patri liberatum hominem offerens munus. Illud autem hominem, qui carnem habebat jam non morituram in cælum intexit, liquido demonstrat, de corporis immortalitate per gloriosam resurrectionem sermonem ibi fieri, sive ad indigitandum resurgendi jus illud, quod nobis sua morte acquisivit Christus; sive ad significandam corporum resurrectionem re vera tunc temporis Sanctis concessam; sive demum verosimilius ad indicandam humanam Christi naturam ad Patris dextram in cælis collocatam secundum id, quod Patres vulgo docent, interque cæteros Cyprianus in lib. de Idolorum vanitate: *Tunc in cælum circumfusa nube sublatum est, ut hominem, quem dilexit, quem induit, quem a morte protexit, ad Patrem victor imponeret*: Hilarius quoque alibi nempe in Matth. cap. 3. num. 2. *expectatum Deo Patri munus, HOMINEM, QUEM ASSUMPSERAT* (hoc est humanam naturam, quæ ex anima constat & corpore) *reportavit*: Ac tandem Maximus Taurinens. homil. 2. in Pentecost. *Prædam Salvator quodammodo sustulit, cum HOMINEM, QUEM SUSCEPIT, Inferni raptum faucibus portavit ad cælum &c.* Apparet ergo ex his, adducta Epistolæ verba nullo modo efficere, ut volunt adversarii, Sanctos in inferis ante Christi mortem degentes Dei visione fuisse destitutos.*

53. Ad hæc: Conferantur verba, ex quibus argumentum ab adversariis depromptum est: *namque referatis &c.*, cum iis, quæ in Matth. cap. 33. num. 7. scribit Hilarius hunc in modum. Et monumenta aperta sunt, *erant enim mortuis claustra referata*:  
&



& multa corpora Sanctorum surrexerunt; *illuminans enim mortuis tenebras*, & *inferorum obscura collustrans in sanctorum ad præsens conspicatorum resurrectione mortis ipsius spolia detraxerat*. Si Hilarius est, ut modo ponitur, qui in Epistola loquitur, textus Epistolæ per hunc clariorem ex Comment. in Matth. explicandus ita erit, ut illud *referatis Inferis* respondeat *verbiserant mortis claustrâ referata*; & illud *justos ac sperantes in se illuminavit*, respondeat alteri: *illuminans mortis tenebras* &c. Sed *claustrâ mortuis referare*, *illuminare mortis tenebras* &c. est ex Hilario ad vitam revocare, est devicta carnis corruptione immortalē vitam tribuere, ut liquet ex mox allato Pictaviensis Episcopi testimonio; ergo & idem significasse Hilarius in Epistola dicendus est.

54 Quod autem hæcenus dixi de corporum immortalitate, resurgendique copia mortuis facta, quam ab Epistolæ auctore designari probavi, non perinde accipiar velim; ac si Christus appetita morte ad Inferos descendens justos omnes, & in se sperantes ad vitam reipsa revocaverit, & plenæ, absolutæque in coelis beatitudinis consortes effecerit. Quamvis enim nonnullorum Veterum Patrum opinio fuerit, inter quos locum habet Hilarius postest (9), mortuos ad vitam restitutos non modo fuisse in-

passio-

(9) Apertissime id noverit, quisquis Hilarii testimonia, quæ subjicimus, ad memoriam revocaverit, expenderitque. Tract. porro in psal. 1. num. 16. ad illud: *Ego autem constitutus sum Rex ab eo super Sion montem sanctum ejus*: hæc habet. *Non super illam utique perditā civitatē montem, exploratā scilicet, & domicidā, & parricidā Jerusalem: sed Jerusalem ejus, quæ in caelis est, quæ mater est nostra, quæ civitas regis magni est, Cujus, ut existimo, HODIEQUE INCOLÆ SUNT IN PASSIONE DOMINI RESURGENTES*. Et in psal. 140. num. 1. *Laudat autem Propheta Dominum adificatorem Jerusalem illam, quæ secundum Evangelii Sancti Regis est civitas, IN QUÀ PER DOMINUM RESURGENTES SANCTI DEMONSTRANTUR*. Qui vero fuerint, quos Christus sui in cælum itineris comites habuit, non indicavit Hilarius; uti nec significavit, quos ad vitam revocaverit, justos. Suspiciari quidem posset, S. Doctorem intendisse animum ad Patriarchas, & Prophetas, quippe quia loc. cit. in Matth. (§. 51.) meminisse resurrectionis Sanctorum in præsens conspicatorum, hoc est in Christum Reparatorem, & in legis gratia institutionem. Etsi enim justus quilibet Vet. Test. aonani per fidem in Christum venturam salutem consecutus sit, prior tamen jure ea verba de Patriarchis, & Prophetis usurpari posse videntur; hi siquidem singulari quadam imbuti fuisse dicuntur cognitione mysteriorum, quæ in Christi adventu, & passione perfecta sunt, adeoque conspiciat hi sunt maxime in præsens tempus. Hinc derivatum in eos est vehemens illud, ac singulare desiderium, de quo Christus Matth. 12. 17. *Amen dico vobis, multi Prophetæ, & in illi quæserunt videre, quæ vos videtis, & audire, quæ vos auditis*, Quo-

Quo-

passione Domini, verum etiam in cœlestem Jerusalem una cum Christo adfectos; ad hanc tamen opinionem non referenda esse videntur Epistolæ verba. Hæc enim amplissima nimis sunt, & generum nimis pronunciata, ita ut, nisi per justos, & in Christum sperantes veniant, qui præclaro quodam, singularique justitiæ genere, eximia futurorum spe, distinctique adventus Christi cognitione emicuerunt, qua admissa interpretatione, Prophetæ speciatim, ac Patriarchæ, & optimi aliqui viri Vet. Testam. designarentur, consequens inde foret, ut Christus Sanctis omnibus vita functis restitutionem illam impertitus fuerit, & omnes prorsus ad superos revocaverit. Id vero & in divinarum litterarum sententiam Matth. 27. *multa corpora Sanctorum &c.* quadrare, vix potest, nec aliorum convenit Patrum dictis. Hicce ergo moveor, ut putem, Epistolæ Auctorem illa pronunciantem præ oculis habuisse jus illud ad immortalitatem, & resurrectionem, quam justis omnibus suo sanguine Christus promeruit, secundum illud Pauli Ephes. 2. 6.: *Convivificavit nos in Christo, & conresuscitavit, & consedere fecit in cœlestibus in Christo Jesu*: quo loco scilicet, tanquam jam factum enuntiatur, quod futurum est; *pro certitudine spei*, ut ait S. Thomas hic. Utcunque ergo se res habeat, illud firmum est, ac ratum, penes illius Epistolæ auctorem, etiam si Hilarius sit, ne minimum quidem haberi verbum, ex quo deduci etiam obscure possit, Sanctos Vet. Testam. ita Christum illuminasse, & revocasse ad superos, ut prius a Dei

visio-

Quicumque tamen modo se res habeat, illud firmum apud nos est, ratumque, ex Hilario non colligi, omnes sanctos & fuisse ad vitam restitutos, Christo ad Inferna descendente, & ad superos revocatos.

Hæc autem in sententia de sanctis una cum Christo ab Inferno rediivis, & cum Christo in cœlum avolantibus, Hilario nostro faciem præstulerunt, lumenque Origenes, & Tertullianus. Ille enim lib. 3. in Canticum Canticorum ad calcem ita rem disertissime enunciat. *Quia liber inter mortuos fuit, ideo de viis eo, qui habuit mortis imperium, abstravit captivitatem, qua tenebatur in mortem: Et non solum semetipsum resuscitavit a mortuis, sed & eos, qui tenebantur in morte, simul eiecit, simulque sedere in cœlestibus fecit. Ascendens enim in altum captivam duxit captivitatem, non solum animas elevant, sed & corpora eorum resuscitans, sicut testatur Evangelium, Quod multa corpora sanctorum resuscitata sunt, & apparuerunt multis, Et intraverunt in sanctum civitatem Dei viventis Hierusalem. Alter vero nostras sibi id objicientes inducit lib. de Anima cap. 55. Immo, inquit, in Paradiso, quo jam tunc, & Patriarchæ, & Prophetæ,*

APPENDICES DOMINICÆ RESURRECTIONIS ab inferis migraverint.

visione remoti, hanc inde consecuti fuerint. (10)

55 Ad II. Non video sane, cur locutioni illi: *homo refertur ad cælos*, ea subijcienda sit notio, quæ significet, Dei Filio infernas sedes adeunte, contemplationem divinæ essentiae facie ad faciem fuisse primum concessam Sanctis Patribus in Abraham sinu commorantibus. Id genus interpretationem neque ipsa per se locutio significat, neque alia apud Hilarium exposulant testimonia. Non postremum: Clarissimis enim, ni fallor, testimoniis demonstratum superiori loco a me est, Pictavorum Magistrum descripsisse statum Lazari, ubi primum migraverat e vita, iis loquendi formulis, quæ omnino quadrent in eum, cui facta jam sit Deum videndi copia, & quæ ne minimum quidem dissentiant ab iis locutionibus, quas alibi usurpat ad exprimendam Sanctarum animarum Novi Testam. sedem jucundissimam. Deinde demonstratum quoque est (§. 18.), ita Hilarium loqui de Christi obitu, atque descensu ad inferos, ut de visione beatifica Sanctis illis Veteribus tunc temporis primum reddita altum servet silentium; coarctet vero orationem suam ad enarrandam gloriæ, ut vocat, confirmationem ac plenitudinem, quam per corporum immortalitatem humani generis Reparator nobis comparavit. Non primum, hoc est non ipsa per se locutio, quod volunt adversarii, significat. Ita enim dicitur ab Hilario hominem per Christi ad Inferos profectionem fuisse ad cælos relatum, quemadmodum dicitur Christus, *interfecisse inimicitias in semetipso, delevisse chirographum decreti, quod erat contrarium nobis, pacificasse omnia per sanguinem crucis ejus, nos Deo reconciliasse &c.* quæ, aliæque  
plura

(10) Quod si facile me experiri velint adversarii, dato aliquantisper illud: *Deo Patri liberatum hominem offerens munus*, aperte significare cælorum regnum, Deique conspectum, ac possessionem tunc primum humano generi concessum. Ex hoc autem illud fiet, ut quotiescumque eadem loquendi formula apud Patres occurrit, eadem quoque interpretatio sit adhibenda. Occurrit autem & in Sacramentario Gallicano, & apud Joan. Chrysostomum, de quibus dictum est (nota 7.). In illo enim de pueris Herodis jussu interfectis canitur: *Infans Christus AD COELOS nova egressus Patri, primitias exhibet Genitori*; in altero vero: *Transmisit infantes infans Christus AD COELEM, nova venia Patri, primitias fructuum exhibet Genitori*. Ergo & hæc duo significabunt de adversariorum sententia sempiternam felicitatem, quam pueris largitus est Christus, antequam mortem pro nobis obiret. At illi hoc apertissime negant: necesse est ergo, ut agnoscant, neque eam phrasim ab Hilario usurpatam significare, quod illi tam fidenter nobis opponunt.

plura in divinis litteris habemus . Atqui hæc minime obstant , quo minus antiqui etiam sancti per fidem passionis Christi venturi , spiritum adoptionis accipientes filii Dei effecti fuerint , & Deo reconciliati &c. Ergo quamvis per Christum homo restitutus ad cœlum asseratur , non inde fit tamen , quod ante Christi mortem nequiverint veteres Sancti Dei adspectu donari . Neque ad argumenti vim labefactandam confugiant adversarii ad distinctionem illam , de qua vide (§. 17.) .

56 Animadverto præterea , illud : *homo ad cœlos refertur , vel delictis Paradisi restituitur* , accipi commodè , aptissimeque posse de integro homine , seu de humana natura , quæ anima constat , & corpore , & quæ profecto in cœlum prius recipi nequivit , quam Christus illuc ascenderet . Est enim Christus *primitiæ dormientium* , & *primogenitus ex mortuis* . Hæc sane interpretatio quadrat quam maxime in Hilarium : 1. quia ut passim dixi , totus est S. Episcopus in commendando immortalitatis munere nobis per Christi passionem collato , atque in eo præcipuum nobis exhibet passionis Christi effectum (§. 18.) . 2. quia *Paradisi* vox , quam loc. cit. ex psal. 138. adhibet , sumitur ut plurimum ab Hilario ad indigitandam beatorum sedem post corporum resurrectionem . Id luculenter habes tract. in psal. 2. num. 9. , ubi loquens de ligno , quod plantatum dicitur juxta decursus aquarum , hæc ait : *Et plantatum hoc lignum est juxta decursus aquarum , in possessione scilicet regni Dei , idest in Paradiso* . Regnum autem Dei , quod distinguitur a Regno Christi , est ex Hilario status Sanctorum post resurrectionem , ut optime norunt , qui in Hilarii versati sunt lectione , & de quo nos aliàs fortasse . Hinc num. 10. beatum ex eo ligno fructus percepturum pronunciat : *quando transformabit corpus humilitatis nostræ conformatum corpori claritatis sue . . . . quando ipse in gloria Dei Domino suo conformis adlitterit* . Quæ sane nonnisi per corporum resurrectionem locum habere possunt . Habes etiam in psal. 118. lit. 15. num. 8. *Tunc salvabitur* (David) , *cum ex torpore terrenæque natura in spiritalem gloriam transformatus . . . sit PARADISI INCOLA* . Habes l. 10. de Trinit. num. 34. , ubi in Paradiso *consummata Beatitudinis delicias* esse enuntiat . Habes demum alibi , ita ut Maurinus Monachus in præfat. gener. ad S. Hilarii Opera §. VI. num. 199. suspicatus fuerit , Hilarium forte sensisse , alium

locum Latroni, alium cæteris justis concessum ob præclara illa, quæ de promissione Latroni a Christo facta testimonio mox adducto ex psal. 2. num. 9. pronunciat. At quidquid de his sit, quæ obscurus Hilarii sermo extra omne dubium ponere non finit, illud unum exploratum habeo, ex locutione illa: *homo refertur ad cælum*: inferri nullo modo posse, habita præsertim ratione eorum, quæ alibi aperte usurpat, S. Hilarium removisse antiquos justos a Dei felicissimo conspectu.

57 Ad III. Quo sensu ab Hilario dicatur mors in inferno per Dei Filium perempta, satis me arbitror explicasse (§. 40). Illis tamen unum addas velim ex lib. 11. de Trinit. num. 35. *Novissime devicta est ab eo mors. Devictio autem mortis nihil aliud, quam resurrectio ex mortuis est: cum interitus corruptione cessante, vivæ jam celestisque naturæ constituatur æternitas, secundum quod dictum est*: Oportet enim corruptivum istud induere incorruptionem, & mortale istud induere immortalitatem. Cum autem immortale istud induerit immortalitatem, tunc fiet verbum, quod scriptum est: Absorpta est mors in contentione. Ubi est mors aculeus tuus? Ubi est mors contentio tua? *In subjectione itaque inimicorum mors vincitur, & morte victa immortalitatis vita succedit*. Perlegatur etiam Tractatus in psal. 59. num. 14. ubi eadem prorsus habentur. Id autem dixit Hilarius accommodate ad Paulinum illud 1. ad Corinth. 15. 54: *Cum autem mortale hoc induerit immortalitatem, tunc fiet sermo, qui scriptus est: Absorpta est mors in victoria*. Non ergo eo sensu peremptam voluit Hilarius in inferno mortem, qui significet, Patres ac justos quoslibet in Inferis diversantes ex privatione divini adpectus ad beatitudinis gaudia fuisse translatos; sed qui innuat, resurrectionis beneficium nobis comparasse Christum per suum ad Inferos descensum, ac restitutionem ad vitam in cælis gloriosam. Hinc explicans quodammodo, & amplioribus describens verbis, quæ dixerat paucis illis, *mortem in inferno periment*, statim addit: *Spei nostræ fidem resurrectione confirmant*, corruptionem *carnis humanæ gloria corporis sui periment*. Ergo &c.

58 Ad IV. Prima responsio sit, illud: *Sanctos ejus Inferi non tenent*: ad eâ sanctorum corpora esse referendum, quæ in Christi morte resurrexissent dicuntur Matth. 27. 52. Id mihi primo persuadet Hilarii scopus: est enim hic in eo situs, ut ostendat illud

illud Zachar. 12. 10: *Adspicient ad me, quem confixerunt*, seu ut legit Hilarius fortasse ex Joan. 19. 37. *& videbunt, quem compunxerunt*, istud, inquam, adimpletum fuisse in Christo cruci affixo, & lancea pertuso. Id vero percipi a Judæis nequivit, nisi ex prodigiis & miraculis spectantium oculis perviis, & sensibus maxime subjectis; atque hinc de hisce prodigiis sermonem ibi habet Pictaviensis Episcopus hunc in modum. *Cujus misericordia eum præveniat, ut etiam ante resurrectionem Dei Filius intelligatur, cum moriente eo, obscurato Sole, lux deperit, cum pendente eo in Cruce, tremis terra, cum descendente eo ad Inferos, sanctos ejus inferi non tenent, cum emittente eo spiritum, velum templi tanquam custodia illine spiritali erumpente discinditur, cum postremo Centurio proclamât: Vere Dei Filius erat iste. . . . Præveniente eum misericordia sua, ostendit ei inter inimicos ejus, quia susceptor ejus esset, cum id etiam inimici confessione patuisset; vere enim eum Dei Filium esse, Centurio proclamât. Et hæc quidem tunc ita cognita sunt. Fac modo, ut iis verbis: *Sanctos ejus inferi non tenent*: significetur Dei visio Sanctis Patriarchis tum primum concessa: Qui potuerunt Judæi ex invisibili illo effectu, in quem transfixerunt, videre? Dei filium esse proclamare? At peropportune id viderunt ex eo, quod in morte Christi monumenta aperta sunt, & multa corpora sanctorum, qui dormierant, surrexerunt. Id enim summam Christi, infinitamque potestatem, ac vim indicabat. De his ergo intelligenda sunt Hilarii verba, quæ idcirco nullo modo adversariis favere possunt. Hinc & in Maurina edit. Operum S: Hilarii ad marginem descripti testimonii: *Sanctos ejus Inferi non tenent*: recensetur locus Matth. 27. v. 52., qui de resurrectione corporum sanctorum totus est: quumvis in nota ad hunc Hilarii locum paullo aliter sentiat editionis Auctor Petrus Constantius.*

59 Me præterea hac in interpretatione valde confirmant, quæ apud Hilarium legimus hac ipsa de re Comment. in Matth. c. 33. num. 7., cujus verba etsi supra (§. 53.) ex parte dederim, juvat hic tamen integra transcribere. *Et deinceps velum templi scinditur: quia exinde populus est divisus in partes, & veli honor cum custodia Angelî protegentis aufertur. Movetur terra: capax enim hujus mortui esse non poterat. Petræ scissæ sunt: omnia enim tum valida, & sortia penetrans Dei Verbum, & potestas æter-*

*eternæ virtutis irruerat. Et monumenta aperta sunt: erant enim mortuis claustra reserata. Et multa corpora sanctorum dormientium surrexerunt: illuminans enim mortis tenebras, & infernorum obscura collustrans, in Sanctorum ad presens conspicatorum resurrectione mortis ipsius spolia detrahebat. Ut autem infidelitatis facinus Israel accumularetur, Centurio, & custodes hanc totius naturæ perturbationem contuentes, Deum filium confitentur. At, qui contueri poterat infidelis Israel, Sanctos Christi non teneri inferis, & ob hoc confiteri, Dei esse Filium, si dicerentur Inferi non tenere Sanctos ejus, quia Sancti Christi suam tunc præsentiam, divinitatemque conspiciendam tradidit? Id sane a vero, & ab Hilarii scopo quam longissime abhorreret: Accipienda igitur ea verba sunt in sensum nox expositum, ita quidem, ut nihil prorsus conferant ad sententiam adversariorum tuendam.*

60 Altera esse potest responsio cumprimis probabilis, nimirum Pictaviensem Episcopum iis verbis animum intendisse ad beatam corporum resurrectionem, carnisque immortalitatem suo tempore Sanctis concedendam. Licet enim ponatur, animas Sanctorum Deum vidisse, supererat eis tamen gloriæ plenitudo, seu consummata, ut ajunt, beatitudinis solatia. Hinc tenebantur conclusæ in inferis piorum animæ, expectantes humanæ naturæ Reparationem, quo indigebant ad perfectam, numerisque omnibus absolutam meritorum retributionem. Christo autem ad Inferos descendente, data hæc eis fuit consolatio, vel quatenus multi ex iis, qui dormierant, appendices veluti Dominicæ resurrectionis effecti, Christum in cælum avolantem comitati sunt; vel quatenus jus omnibus collatum est ad resurrectionem in temporum plenitudine obtinendam: quam pariter interpretationem conformem esse maxime Hilarii sententiis, satis apte colligitur & ex iis, quæ in responsione ad primum argumentum dicta sunt, & ex iis quæ dicturi sumus. Ergo nihil est in adductis Hilarii verbis, in quo adversariorum oratio possit exultare.

61 Ad V. Venia dixerim præclarissimorum virorum, quibus cum mihi res est, nego prorsus ab Hilario pronunciatum fuisse, quod Sancti quiescentes in Inferno consolationem desideraverint, quæ in videndo Deo sita est. Porro Hilarii verba hæc sunt. *Scit* (Propheta) *exhortationem hanc* (quod psal. 118. 82. apud nos est: *quan-*

*quando consolaberis me?* legit Hilarius: *quando exhortaberis me?* atque hinc *exhortationem* dixit ) Scit, inquam, *exhortationem hanc Sanctos quiescentes in Inferno desiderare*. Inquirendum est ergo ejusmodi fuerit ex Hilario hocce Sanctorum desiderium. Illud enim ad Dei visionem referendum esse volunt adversarii; ego vero contendo non aliud desiderium ab Hilario hic exprimi, quam quod Messiae adventum spectaret, & profluentem inde consolationem: desiderium scilicet, quod & in Angelicis spiritibus locum habuit, qui licet felicissimo Dei adpectu donati, desiderabant tamen humani generis Reparatorem, cupiebantque vehementer humanam naturam in Christo, & per Christum in coelos advectam conspiciere. De hoc Sanctorum Angelorum desiderio apposite Chrysostomus homil. in Ascens. Domini num. 4: *Hodie recuperarunt Angeli, quod dudum desideraverant. Hodie aspexerunt Archangeli, quod diu concupierant. Hodie nostram naturam de throno regali fulgoris instar resplendentem gloria & pulchritudine immortalis viderunt. Id enim multo ante desiderabant Angeli, & concupiscebant Archangeli.*

62 Hoc ipsum fuisse Sanctorum in inferno quiescentium, desiderium, cujus meminit Hilarius, manifestissime noverit, quisquis orationis contextum mecum perscrutari non dedignabitur. Et primo verba, quæ præcedunt, consulamus. Expendens Pictavorum Episcopus ibid. num. 1. orationem Prophetæ: *Defecit in salutare tuum anima mea, & in verbum tuum spero*: per illud *salutare tuum*, & *verbum tuum*, nonnisi Christum Reparatorem nostrum designatum vult, dicens: *Defecit igitur in desiderio salutaris, & defecit ob id, quia in verbum Dei speret: finis enim legis Christus Jesus est, & hic est, de quo scripserunt Moyses, & Propheta. Est autem salutaris ipso illo nomine, quod Jesus nuncupatur. Jesus enim secundum Hebraicam linguam salutaris est... Causa itaque defectionis est, DESIDERIUM SALVATORIS. Desiderii autem hinc origo est, quod in verbum Dei speras. Salutaris enim noster Jesus Christus est, qui & desideratus & natus est. En apertissimis verbis desiderium salutaris, Christi nempe. Secundo: hujusmodi Davidis desiderium, cæterorumque Prophetarum contendit Hilarius, indicasse Christum, cum Matth. 13. v. 17. pronunciavit: *Amen dico vobis, multi Prophetae, & justique quæsierunt videre, quæ vos videtis, & audire, quæ vos audi-**



*auditis*; hæc autem sententia, ut per se patet, ad Messæ præsentiam, miracula, vocem, & doctrinam pertinet, de quo Patres omnes conveniunt, maxime vero noster Hilarius tum in psal. 68. n. 8., tum Comment. in Matth. cap. 13. n. 3. Tertio: ipsa verba, quæ immediate præcedunt illa, ex quibus petitum est adversariorum argumentum, apertissime designant, Prophetarum desiderium, de quo loquitur Hilarius, circa *Domini, Messæ* videlicet, visionem, non autem essentiae divinæ versatum fuisse: ait enim: *Sed hi nunc aculi Prophetæ, licet DOMINUM VIDERE desideraverint, non sunt tamen corporis oculi; loquuntur enim, & expectant.* Quarto tandem, hoc ipsum perspicue demonstrant, quæ ibid., eodemque in numero 3. apud Hilarium habentur. *In hac igitur Dei eloquia oculis liquentibus deficit: non tam visu corporeo DOMINUM ex eloquiis Dei nuntiatum, quam contemplatione animæ, & mentis expectans.* Rotundioribus ne verbis potuit Hilarius significare, quo tenderet Prophetarum, & Sanctorum in inferno quiescentium desiderium? Qua nam vel minima dictione exprimitur hic loci a Pictavorum Episcopo consolatio illa, quæ in videndo Deo sita est?

63. Quamvis autem firma hæc sint, & manifesta; quoniam tamen ex his non apparet; quem potissimum in finem Sancti in Inferno quiescentes Christum expectaverint; cumque velint adversarii, ideo eos expectasse Salvatorem, ut participes ab eo fierent divini adspæctus; hinc animadverto primo loco, Hilarii hac de re silentium conferre plurimam ad causæ meæ patrocinium. Ex eo quippe testimonio nullo modo colligitur, Sanctissimum Galliarum Episcopum piorum animis ante Christi profectionem ad Inferos a Dei præsentia removendos putasse, eisdem postea videndi Deum fecisse potestatem. Ergo testimonio illo abutuntur adversarii, dum pro sua sententia apertissimum existimantes, illud nobis tam fidenter obijciunt. Animadverto præterea, nisi ex hoc testimonio, ex alio saltem, quod affine eidem est, satis aperte pateat, quo tenderet Sanctorum in inferno quiescentium expectatio, quidque Christus ad eam explendam contulerit. Ad id vero eruendum grave inprimis non sit recitare Pictaviensis Antistitis verba, quæ immediate sequuntur. *Scit, testante Apostolo Petro* (epist. 1. cap. 3. 19. 20.) *descendente in Inferna Domino etiam his, qui in carcere erant, & increduli quondam fuerunt in diebus Noë,*  
ex-

*exhortationem prædicatam fuisse.* Peto autem humanissime ab adversariis, vel hæc ab Hilario dicta volunt de facinorosis, & impiis, qui iustis debitisque suppliciis in inferno detinebantur: vel de iis generatim, qui humanæ naturæ conditioni debitum mortis pie persolverunt, sive in iustitia semper persisterint, adeoque Sancti, sive ab ea primum descentes, ad bonam inde frugem redierint, adeoque quondam increduli. Si primum: cum *exhortationis* vocabulo indigitatam existiment *consolationem*, que in *videndo Deo* sita est, conspectarium erit, ita impiis illis per Dei filium ad Inferna descendentem fuisse ex Hilario subventum, ut a morte ad vitam, a desperatione ad spem, ab exitio ad salutem eos Christus revocaverit. Id autem ab Auctoris nostri sententia quam longissime aberrat, ut præ cæteris animadvertit Cl. Petrus Constantius (11). Non ergo de illis exhortatio, de qua loquimur, est intelligenda.

(12) Dissimulandum non est, ex verbis mox allatis visum nonnullis fuisse, quod ea Hilario nostro infederit opinio, quæ Christo inferos adeunte, infideles quosque, & pro suis criminibus æternis deditos supplicia vult ad veniam reparatos. Inter cæteros autem, qui hoc in Hilario notaverunt, fuisse Ven. Bedam in 1. Pet. cap. 3. egregie observavit ex Maurinorum familia Cl. Petrus Constantius in hunc Hilarii locum, ubi ad eam Bedæ in nostrum Pictavorum Episcopum animadversionem, hæc doctissime commentatur. *An Bedæ Hilarii interpretationem Catholica fidei minus consentaneam existimaris, non excedimus. At hæc certe constat, nihil eum contra fidem dixisse, qui sola Petri verba memorasse satis habens, nihil amplius affirmavit, quam quod sis contineretur. Neque enim incredulos ex inferis eductos ostendit. Hæc tamen pauca nimis esse videntur ad Hilarium ab hac nota vindicandum, quam & Novatores eidem inurere ausi sunt. Provocare hos igitur præterea lubet ad disertissima illa Sancti Episcopi loca, quibus damnatorum poenæ generalibus, absolutisque verbis æternas fore pronuntiavit, vel quatenus æternus eos manet ignis, vel quatenus omnium prioribus eis admittit spem veniæ. E ploribus Hilarii sententiis unam vel alteram eligimus. Ac 1.º Comment. in Matth. cap. 5. n. 12. *Requies nulla gentibus. ult. neque mortis, ut volunt, compendio quies dabitur; sed corporalis & ipsi ÆTERNITAS desinabitur, ut ignis ÆTERNI in ipsi sit ÆTERNA MATERIA, & in universa SEMPITERNIS exercetur ultio SEMPITERNA. Si igitur gentibus idcirco tantum indulgetur ÆTERNITAS Corporalis, ut non igni succelli desinatur, quom profano isti Sanctos de gloria æternitatis ambigere, cum iniqui ÆTERNITATIS opus præstetur ad poenam.* Perspicuum æque illud est tract. in psal. 142. num. 9. *Qui poenæ Inferni deputati e vita hac SINE SPE QUIETIS excesserint.* Et alibi passim, quorum loca nonnulla designat Cl. Patuzzi in absolutissimo opere de futuro impiorum stat. l. 3. c. 16. num. XIX. pag. 218. Illud vero hæc in re præcipuum est mihi, quod ex tract. in psal. 2. n. 48. desumo. Ibi enim disertissime tradit Hilarius, quemadmodum Beatitudinis RETRIBUTIO ÆTERNA pauperi Evangelico reddita est, ita ÆTERNAM poenæ retributionem nequam illi diviti consensum fuisse datam. Testimonium supra recitavi (§. 9.). Qui an-*

64 Alterum ergo verba illa indicabunt. Atqui S. Episcopus suimet interpretem agens, alibi luculentissime declarat, quid

*exbor-*

tem eternam vocasset poenae retributionem, eamque comparasset cum eterna piorum beatitudine, si poenis illis addidit fuisset a Christo Inferos petente liberati?

Neque hisce obstant, quae trah. in psal. 68. num. 18. ad versiculum 39: *laudent cum caeli, & terra, mare, & omnia repensia in eo*: apud Hilarium huc in modum leguntur. *Sed sub horum elementorum commemoratione creaturarum omnium LIBERANDARUM sensum, mentemque significant: ut cum caelum, & terram, & mare dicitur, cognoscantur Domino Jesu Christo iuncta, & terrestria, & INFERRA comprehensa.* In his enim, quae in mari repositae... ea, quae IN INFERRIS degunt, docentur, cum profundum maris sedem intelligamus INFERNI. Haec, inquam, ne minimum quidem hactenus dictis repugnant. Qui enim haec nobis opponunt, efficiant necesse est, *Inferos* nomine eam sedem designari, quae puniendae improbis destinata est. Huiusce autem interpretationis nullum est apud Hilarii testimonium indicium; immo si Galliarum Episcopum suimet interpretem audiamus, facile constabit, eundem non aliam notionem subiectionis vocabulo *Inferos* absolute usurpato, nisi quae mortis sedem, aut portas significat, hoc est mortuorum utcumque locum. En verba ibid. n. 9. *In vestigiis usque maris, tanquam in profundo, vel altitudine maris, PORTAS MORTIS esse significans. Nam cum profunda maris inferiora sint terrae; necesse est in profundo maris, id est inferioribus, SEDEM MORTIS ostendi.* Idem proutum est inferre ex his locis, quibus *infernas sedes* adire homini debitum pronunciat trah. in psal. 53. num. 14., quibus David *Inferos*, antequam salvetur, sustinendos docet trah. in psal. 118. Ill. 85. n. 8., quibus demum declarat, humanam vitam legem necessitatis esse, ut conspectis corporibus *ad Inferos* animae descendant trah. in psal. 118. num. 22. Numquid quis inde inferret, ad suppliciorum loca, reproborumque regionem omnes homines esse deducendos? Ita cum liberandis ait Hilarius creaturas in inferis degeat, non ita accipienda sunt verba, periade ac si de damnatorum salute signum aliquod ad bene sperandum extolleret, ut auperi Originista, ac Deista commentum putidissime sunt.

Quinimo tam longe abest, ut agnoverit Hilarius, finem aliquando esse posse damnatorum flammis, ut vel ipsam suppliciorum diminutionem, omni spe quietis penitus sublata, ut liquet ex supracit. testimonio, procul ab inferis ablegaverit. Inficius non sum, hac etiam de re aliter nonnullis, maxime heterodoxis, visum fuisse, ex eo quod de Sodomitis, & Gomorrhais ita ille trah. in psal. 68. num. 22. *Percussit Dominus Sodomam, & Gomorrhaim universas sceleribus pollutas, & abominatas; & invenio his AD MISERICORDIAE RECONCILIATIONEM id, quod percussae sunt, profecti; cum TOLERABILIBUS his in die iudicii sit futurum, quam his civitatibus, in quibus de Apostolorum pedibus pulvis excussus sit.* Hisce tamen, animadvertente Estio in 4. dist. 46. §. 2., cui praeclaudatus Patuzzi, subscripsit loc. cit., non aliud videtur exilimasse Hilarius, quam quod in ipsa percussione, id est incendio Sodomitico multi dolorem repente de peccatis suis conceperunt, sicut & in generali diluvio. Quae sententia suam in scripturis habet probabilitatem; vel, quod gravius, addit Cl. Patuzzi, prae Sodoma, & Gomorrha ponienda sint civitates illae, de quibus loquitur Christus in Evangelio. Sensum utrumque accommode reddunt & verba ipsa, si rite expendantur, & orationis contextus. En quae vestigio subdit Sanctissimus Episcopus. *Percussam quoque Synagoga Dathan, & Abiron plaga digni-*

*exhortationis vocabulo eo loci designaverit, ita quidem ut consolationem, quam in videndo Deo sitam volunt adversarii, altissimo obvolvat silentio, aliam vero proponat apertissimam ejus vocis significationem. Ergo cum eandem exhortationem Sanctos in inferno desiderare pronunciat, accipiendus nullo modo est Hilarius de Dei præsentia facie ad faciem. Lege tract. in psal. 141. num. 7. ad illud: educ de carcere animam meam ad confitendum nomini tuo Domine: quod in persona Christi vult a Propheta enunciaturum: hæc ibi invenies. Deinde rogat, ut anima sua educatur de carcere. Si in carcere positus etiam ante Noë tempora, RESURRECTIONEM secundum B. Petrum Dominus prædicavit; carcer est inferi, a quo se educi rogat, & in altero psalmo erat præcasus (psal. 68. 16.): non contineatur super me puteus os suum: Oratio omnis ita ad confessionem, ut diximus, virtutis paternæ est. Sed aijecit & causam, cur se de carcere oret educi: ad confitendum, inquit, nomini tuo. RESURRECTIO ejus paternæ in se virtutis prædicatio est, quia potestas ei omnis ex Patre est. Audiit Hilarium resurrectionis vocabulo exprimentem, quod exhortationem alibi dixerat? Non solum ergo nullius consolationis, quæ in videndo Deo sita sit, meminit hic loci Galliæ Episcopus, ut adversarii opinantur; sed illud præterea disertissime tradit, Christum ad Inferna descendente n Sanctis in eo carcere detentis, sive qui omnis justitiæ virtutumque genere floerant, sive qui conceptas olim labe expiaverant poenitentiae operibus, resurrectionem prædicasse, hoc est futurum prædixisse, ut cum corpore resurgentes, beatitudinis plenitudinem, seu meritum consummationem, ut vocant, quam illi magnopere expectabant, aliquando demum assequerentur. Hinc idem met Hilarius ibid. num. 8. ad seq. versiculum: me expectant justi, donec retribuas mihi: hunc scribit in modum. *Que autem sit justorum**

H

rum

*dignissima cognitum est: sed in animis eorum ea, quibus maxime peccaverant, sanctificata sunt opera. Et ut per fugale, que sunt multa, discurrem, vult & Apostolus in interitum carnis ad sanctum spiritum irasci: Dominus ipse quid percutiens proficiat, ostendit dicens (Deut. 32. 19.): Videto, quia ego sum, & non est Deus præter me. Ego interimam, & ego vivificabo; percutiam, & ego sanabo: ut percutiendi causam proficiat in causa sanationis offenderet. Ex his ergo haquet, neque ex Hilario effici posse, impiorum animas fuisse ab Inferis per Christum illos descendente ereptas, neque nuperos Origenistas, Socinianos, Deistas &c. gloriari posse de Hilarii consensu in eo, quod ipsi autumant, damnatorum supplicia finem aliquando, exitumque esse habitura.*

rum expectatio idem Apostolus (Philipp. 3. 20.) docet, dicens Nostra autem conversatio in cœlis est, unde & Salvatorem nostrum expectamus Jesum Christum, qui transformabit corpus humilitatis nostræ conformatum corpori gloriæ suæ: *Expectant ergo eum iusti, donec retribuaturs illi: scilicet UT CONFORMES FIANT GLORIÆ CORPORIS EJUS.* En apërte iustorum expectationem, quæ tota versatur circa corporum resurrectionem. Cui affine quam maxime est illud in psal. 68. num. 8: *Hec Sanctorum expectatio fuit, ut omnis caro redimeretur in Christo, ut in eo æternæ resurrectionis primitiæ existerent.* En quo spectabat Sanctorum in Inferno quiescentium desiderium. Quid porro causæ fuit, cur hic Hilarius peropportunam, aptissimamque negligeret occasionem exprimendæ Sanctorum Patriarcharum expectationis quoad visionem, quam beatificam dicunt; meminisset vero resurrectionis tantum, adeoque absolutæ perfectæque in cœlis beatitudinis? Vel ergo dicendum nullam pro animabus a corpore sejunctis etiam post Christi mortem agnovisse Hilarium beatificam visionem, quod absolum est plurimis ejusdem sententiis; vel asserendum, Sanctissimum hunc Episcopum supposuisse hic loci, animas Sanctorum potitas jam fuisse cœlesti hæreditate: desiderare tamen corporis conjunctionem, ut inchoatæ beatitudini cumulus accederet absolutissimus. Allato igitur testimonio nulla vis est, ac pondus, ut exinde inferri possit, Pictavorum Episcopum removendos putasse Sanctos Vet. Testam. a Dei præsentia, donec mortem Christus pro universo hominum genere subiret.

65 Ad VI. Quoniam tota, ut liquet, argumenti vis in vocabulo *Inferi* sita est, totus idcirco ero in ejus vocis notione bono in lumine collocanda, ut Hilarii sententia manifesta exinde fiat, & explorata. Volunt adversarii per *Inferos* indigitari hic sedem quietam, in qua Sancti Patriarchæ, alique Vet. Testam. iusti expectabant, donec Christus Paradisi claustra reseraret, eosque ad suæ divinitatis adspectum admitteret. Ego autem existimo, designari ab eodem Pictaviensi Episcopo sedem illam, in qua mortui deliciarum ac beatitudinis participes Deum facie ad faciem cernentes expectabant corporum resurrectionem, seu jus ad ipsam, ut inde resumptis corporibus gloriæ plenitudinem, absolutamque numeris omnibus consequerentur beatitudinem. Quæ autem me impellant ad hanc ei voci notionem subiiciendam duo maxime sunt.

sunt. Primo, ea omnia, quæ ex Hilario de Davide dicta superius descripsi (§. 29. 30. 31.). Secundo, quæ ex adversariorum interpretatione locum apertissime haberent absurda. De his autem ut nonnihil dicam, integrum orationis textum referendum esse inprimis sentio. Ita vero se ille habet. *Sed quemadmodum in superiore susceptus vivet* (spectant hæc versiculos. 116. & 117. psal. 118. nimirum: *Suscipe me secundum eloquium tuum, & vivam: Adjuva me, & salvus ero*): ita & in hoc adjutus salvabitur. Adhuc enim sibi obeunda mors est, adhuc inferi sustinendi. Tunc salvabitur, cum ex corporea, terrenaque natura in spiritalem gloriam transformatus, nullum adversantis inimici periculum metuat, vivat inter electos Angelos, sit Paradisi incolæ, & absorpta corruptione ex mortali immortalis existat. Hisce verbis consummata beatitudinis delicias significari, quæ post corporum restitutionem Sanctis promissæ sunt, demonstratione non puto indigere. Quid enim est, ex corporea terrenaque natura in spiritalem gloriam transformari? Quid, absorpta corruptione ex mortali immortalis existere? Non aliud profecto, ut obvia per se res est, quam ex mortuis resurgere, cum scilicet eodem agente Episcopo ex Paulo in psal. 1. num. 13. *incorruptio corruptionem, & æternitas infirmitatem, & forma Dei formam terrene carnis absorpseris* &c.

66 Fac ergo, ut per Inferos veniat apud Hilarium locus quietis, exclusa tamen consolatione illa, quæ ex visione beatifica profluit. Quoniam ea sæpe res ab Hilario describitur; ut primum mortem Davidi obeundam dicat, dehinc inferos sustinendos, tandem obtinendam salutem; sequetur, Davidem ex Hilario deducendum fuisse de vita ad mortem, de morte ad Inferos, de Inferis ad locum salutis, ubi scilicet ex corporea, terrenaque natura in spiritalem gloriam transformatus, & absorpta corruptione ex mortali immortalis existat. Si ergo voluit Hilarius Davidi sustinendos fuisse Inferos exclusa Dei visione, necesse omnino erit, ut asseramus, Hilarium nullam agnovisse sedem, in qua Davidis anima ante corporis restitutionem in Dei conspectum venire potuerit. Ex iis ergo suit Hilarius, qui cœlestem hæreditatem nonnisi post corporum resurrectionem adiri posse existimaverunt. Ne igitur de Hilarii sententia tam prave sentiamus; fatendum est in iis inferis a Davide subeundis, antequam

salvaretur, seu antequam resurgeret (§. super.), sua Deum beatifica præsentia adfuisse, ex eaque maximam in Davidem dimanasse voluptatem, ac lætitiā.

67 Illud me præterea movit plurimum, idque sedulo animadvertatur volo, quod Hilarius non Davidi tantum, aut iustis solum Vet. Testam. sustinendos esse Inferos pronuntiāt, sed omnibus indiscriminātū Novi etiā Testamenti. Lege tract. in psal. 53. num. 14. *Ad explendam quidem hominis naturam, etiam morti se, idest discessioni se tñquam animæ, corporique subiecit, & ad infernas sedes, id quod homini debitum videtur esse, penetravit:* & in psal. 138. num. 22. *Humana ista lex est necessitatis, ut conspulsis corporibus ad inferos animæ descendant: quam descensionem Dominus ad consummationem veri hominis non recusat.* Ex Hilario igitur nobis perinde ac Davidi, & cæteris antiquis iustis adeundi sunt Inferi. Quodsi Dei conspectu dicendus est David privari debuisse, quia Inferi erant illi sustinendi, nos quoque, qui illuc post mortem ex humana legis necessitate, ex eo quod homini debitum videtur esse &c. descendere debemus, eadem Dei præsentia, ac jucundissima Dei visione privandi erimus, usque dum salvemur, idest usque dum resurgamus. Id autem ab Hilarii sententia prorsus abluere, consentiunt Catholici omnes Theologi: necesse est igitur, ut dicamus, *inferos sustinere* penes Hilarium significare non posse beatitudinis privationem, seu dilationem divini conspectus.

68 Quinimmo Pictaviensi Episcopo alios quoque Patres & numero, & dignitate plurimi faciendos juvat addere, qui animas Sanctorum transferri nunc volunt in receptacula quædam, & in sinus terræ descendere. Quid ad hæc Theologi? qua utuntur ratione ad hæc concilianda cum hodiernis Ecclesiæ decretis? *Patres illi*, inquit Laurentius Bertius Theologus vere maximus, atque doctissimus l. 3. de Theolog. disciplinis c. 9. *Patres illi, qui Sanctorum animas ad inferos dicunt descendere, qui recipi in Paradisum terrestrem, qui in loco invisibili quiescere putant, non eas in aliquem pœnarum locum abiciunt, neque sponte negant apud Deum, qui ubique est, vivere, & æterna gaudia degustare: Quapropter de statu dissentire non videntur, tametsi minime conveniant de loco. Hæc conciliaturæ ratio non fugit sapientes viros, ut dicemus infra disputantes de mente Augustini. Hanc*  
nedum

*nedum amplectitur, sed etiam erudite propugnat Joannes Vo-*  
*fusus disput. 6. de statu animarum quest. 2.* Hæc ille more suo  
 sapientissime, & ex communi Theologorum suffragio; idemque  
 adnotaverat an. 1738. præclarissimus Muratorius in opere sæpe  
 laudato *De Paradiso* cap. 12. Ex quo sic argumentor: Davidi su-  
 stinendos vult Hilarius inferos, antequam resurgat, quemadmo-  
 dum plures Veteres Patres volunt Novi Testam. justos ad infer-  
 na migrare, antequam absolutissimum gloriæ, ac beatitudinis cu-  
 mulum per corporum resurrectionem obtineant. Atqui etsi hæc  
 Patres aperte pronuncient, omnes tamen ex unanimi Theolo-  
 rum consensu illarum animarum beatitatem inchoatam fatentur;  
 imo prægrandem: Non ergo repugnat quod beatæ illæ sint ani-  
 mæ, & nihilominus inferos sustineant. Ergo ex æquo non repu-  
 gnabit Davidis felicitati, Deique conspectui felicissimo, quod ab  
 Hilario asseritur, sustinere nimirum eum inferos debuisse, antequam  
 salvaretur, seu quod idem est (§. 65.) antequam resurgeret.

69 Non me equidem latet, quod a Theologis proferri solet,  
 ut iis occurrant loquendi formulis, quibus (§. 67.) & optimis  
 quibusque N. T. hominibus inferos perferendos esse asseverat Hil-  
 larius. Ajunt siquidem, *Hilarius existimasse*, ita Cl. Bertius  
 loc. cit. in resp. ad 10. quod, *quisquis moritur, exemplo Christi*  
*debet ad inferos descendere, & ea loca lustrare, quæ Christus*  
*consummationem veri hominis non recusans dignatus est visitare.*  
*Quod & docuit l. de anima Tertullianus. At illic animas desi-*  
*neri, Hilarius non credidit, sed aperte affirmavit in psal. 141.*  
*transire in cælestem Hierusalem, in terram viventium, in Pa-*  
*radisi incolatum, in regnum hereditatis &c.* Ex quo discrimine  
 inter *inferos lustrare*, quod Sanctis Novi Testam. convenire putant  
 Theologi, & *inferos sustinere*, quod Veteribus justis ante Chri-  
 sti mortem debitum fuit, inferri posse quis arbitratur, ea quæ  
 de Novi Test. piis animabus prædicantur, non omnino aptari æque  
 posse antiquis illis justis, ac optimis viris.

70 Libere tamen dicam, licet moderate, Hilarii sententias  
 non cum præ se ferre sensum, quem præclarissimi vulgo Theo-  
 logi adhibere solent. Revocentur illæ porro ad examen. Tan-  
 tum primo aberit, ut inde intelligamus, exemplo Christi de-  
 bere, quisque moritur, ad inferos descendere, & ea loca lu-  
 strare; quinimmo aperte ex iis innotescet, Christum quoque



fuisse in Inferos profectum *ad explendam hominis naturam*, ad exequendum, quod *homini debitum videtur esse*, ad servandam *humanæ necessitatis legem*, ad *consummationem* denique *veri hominis*; easque ipsas ob causas, ac rationes debere nos in inferos proficisci, nulla prorsus facta ab Hilario mentione exempli Christi. Quid autem sibi volunt locutiones hujusmodi *ad explendam hominis naturam* &c. nisi generalem quamdam rationem, eandemque tam pro justis Vet. Test., quam pro iis, qui modo e corporibus evadunt? Eo vel magis, quod non homini id debitum *fuisse* ait, aut legem *fuisse* humanæ necessitatis; sed debitum *esse*, & legem *esse*. Ex Hilario igitur eadem lex, idemque debitum & Veteres Sanctos adegit ad sustinendos inferos, & nostros impellit. Quæ autem esse potest humanæ necessitatis lex, quod homini debitum ut inferos modo adeat, eaque collustret loca? Humanæ quidem necessitatis legem aliquam agnosco in separatione animæ a corpore: Ex lege enim peccati, quo humana natura infecta est, morti & corruptioni subjectus est homo, secundum illud Gen. 2. 17. *In quocumque enim die comederis ex eo, morte morieris*: seu, ut vertit Symmachus, *mortalis eris*, vel ex Hieron. in tradition. H. br. *necessitati mortis obnoxius eris*: Et secundum illud quoque Gen. 3. 19. *Pulvis es, & in pulverem reverteris*. Debitum præterea homini esse video, ut dissoluta corporis materie, animæ separatæ ab eo detineantur, donec Dei Opt. Max. munere, ac beneficio plane singulari immortalitas carni conferatur; quod & indiguisse Hilarius videtur in psal. 51. num. 18. In hisce quidem, legem aliquam agnosco necessitatis, humanæque debitum naturæ; non tamen in profectioe simpliciter ad Inferos ad hæc lustranda loca. Hoc ipsum denique significavit Hilarius, cum tract. in psal. 138. num. 22. rotundis pronunciat verbis, *ad Inferos MORTIS LEGE descendi*: Lex autem *mortis* & generalis est, & pro omnibus lata: Ergo justis omnibus sunt inferi æque a leundi. Quemadmodum igitur Antiqui Patriarchæ in inferis detinebantur, ita & piorum animæ in Novo Testamento. A qui, licet hæc nunc diverferentur iis in locis, non tamen absunt a Dei visione (6. 68.): Cur ergo & de Veteribus justis equo jure non erit id ipsum asserendum? Persuasum ergo mihi est, ratumque per *inferos* eum locum ab Hilario designari, in quem Sanctorum animæ in utroque Testamento migrarunt, & migrant; expectantes

tes extrema iudicii universalis tempora ad solidam, plenamque beatitudinem consequendam, gaudentes interim ob jucundissimam divinæ essentiae præsentiam, qua statim a morte lætati sunt.

71 Neque firmum satis mihi videtur alterum, ex quo confici vulgo solet, non credidisse Hilarium piorum animos Nov. Test: in Inferis detineri, sed ea tantum loca Christi exemplo collustrare. Ipsi enim non refragantibus adversariis (§. 68.), fuerunt Patres, qui Sanctos dixerunt ad inferos descendere, aut recipi in Paradisum terrestrem, aut in loco invisibili requiescere, quin tamen negarent apud Deum vivere, & æterna gaudia percipere. Unde autem id novimus, Patres illos ab iis animarum receptaculis, ab inferioribus iis terræ locis Dei beatificam præsentiam non amovisse? Unde scimus nomen *Inferni* ambiguum apud illos fuisse, aliquando scilicet acceptum pro ut solis convenit damnatis, & aliquando pro recondito loco, in quem mortuorum animæ intrerunt, vel a quo extrahentur, sive pœnarum sit, sive quietis? Non aliunde sane id accepimus, quam ex iis eorundem Patrum testimoniis, quibus æternam felicitatem, gaudia, delicias, ac beatam quietem, adscribunt iis, qui omni prorsus expertes labe e corporibus demigrarunt. Ex hoc autem duo infero: 1. etiam apud Hilarium stare posse amplissimas illas locutiones de statu animarum post mortem, licet in inferis detineantur: 2. cum æque præclarissima habeat Hilarius de Davidis felicitate, gaudiis, ac sempiterna voluptate, statim a morte, consequens est, ut quamvis Davidi sustinendos velit inferos, non tamen ab eo Dei adspectum, ac possessionem amoveat, atque a cæteris quoque Vet. Test. piis animabus.

72 Cæterum si vis, ac potestas illarum locutionum, *transire in cælestem Hierusalem, in terram viventium* &c. (§. 69.) rite expendatur, nullo negotio constabit, eas de plena omnimodaque hominis beatitudine, una scilicet cum corpore, fuisse ut plurimum ab Hilario usurpata. Et primo quidem de *Paradisi incolatu* satis superque dixi in resp. ad 2. (§. 56.). De *terra viventium* habes apertissimum illud Hilarii testimonium in psal. 118. lit. 3. num. 3: *Ac nisi glorificato in naturam spiritus corpore, vitæ veræ in nobis non potest esse natura*: ad quæ inde accommodat Prophetæ verba psal. 114. 9: *Et placebo Domino in regione viventium*. At priora illa verba corporum resurrectionem apertissime significant: ergo per *viventium regionem* eam indicat Hilarius sedem, in qua post

post corporum resurrectionem Sancti comorantur. Eundem quoque Beatorum locum post extremi iudicii diem, seu post resurrectionem designari vocibus *Celestis Hierusalem*, subodoratus est acutissimus Monachus Petrus Constantius in præfat. gen. §. vi. num. 197. Ex his ergo loquendi. formulis non efficitur, voluisse Hilariu. n. Sanctos N. T. statim migrare in Paradisum, sive in celestem regionem; quamvis aliunde constat, eos beatos statim efficere: sed stat utique, quemadmodum de ceteris Patribus vulgo dicitur, animas etiam sanctorum N. T. statuisse in inferis detineri, sicuti David adire inferos debebat.

73 Hisce præmissis hunc esse contendo sensum orationis Hilarii. Precetur quidem David, ut qui susceptor est Deus, suscipiat, & qui adiutor, adjuvet. Non abesse a se adiutorium adjuvantis, precetur. Nam quemadmodum in superiore susceptus vivet, ita in hoc adjutus salvabitur. Sciat tamen non statim salvari debere, hoc est non statim ex corporea terrenaque natura in spiritalem gloriam transformari, & absorpta corruptione ex mortale immortalem fieri, non statim perfectæ beatitudinis adire posse hereditatem, quæ animæ, corporique redditur, non statim in terram viventium, in Paradisi incolatum deducendum esse; sed expectandum in inferis ei esse, donec resurrectionis dies adveniat: expectandum, inquam, in inferis, non ut se junctus interrim vivat a Dei conspectu; sed ut a corpore separatus absolutio gloriæ cumulo, deliciarumque plenitudini reservetur, quæ ei ad vitam restituto debet contingere (11). En fideliter totam Hilarii sententiam ac orationem bono in lumine collocatam, quin pondus, ac naturalem ullo modo significationem imminuerim, nedom abstulerim.

(11) Quid, si *Inferorum* nomine *sepulchrum* ab Hilario hic loci designatum contenderem, ita ut sensus sit, antequam David salvetur, obeundam illi fuisse mortem, adhuc sustinendum sepulchrum, & carnis interitum, seu dissolutionem perferendam? Post hæc autem *salvabitur*, cum in corporea, terrenaque natura in spiritalem gloriam transformatus, nullum adversantis periculum metuat Eccl. (4. 65.)? Obvia sane, plana, ac expedita maxime hæc esset interpretatio, cui nihil proflus inveniiri potest, quod repugnet. Non orationis contextus: quinimo hic in ea, quæ sequuntur, verba, ut mox vidimus, commodissime quadrat: Non ipsa *Inferorum* notio. Convenient quippe omnes vocabulum *Inferi*, Hebraice *Sehol*, pro *sepulchro*, seu loco humatorum corporum sæpe accipiendum esse in sacris libris antiquæ legis. Sed quæ hæcenus sum locutus, satis superque esse arbitror ad argumentum adversariorum infringendam; sufficiat ergo, alteram hanc indigitasse responsum.

74. Hæc dicebam de Hilarii sententia. Conserantur secum invicem testimonia, quæ in prima dissertationis parte collegi, ut Galliarum Episcopi doctrinam exornarem, cum iis, quæ in contrarium ab adversariis proferri solent. Perspicua illa sunt, & maximam ad minus probabilitatem efficiunt: ambigua hæc, & quæ ad rem vel parum, vel nihil faciunt. Illa diverso interpretationis genere donare, idem est ac Millenarii notam in Hilarium impingere, dubiamque reddere aliorum quoque Patrum de apertissimo Ecclesiæ dogmate auctoritatem: hæc vero in eum, quem pro viribus asserere conatus sum, intelligere sensum, & consonum maxime est reliquis Hilarii testimoniis, & nulli est Catholico dogmati, si ita loqui fas est, detrimento, nullamque præbet hæreticis ansam acuendi stilum in Ecclesiæ definitiones. Hisce positis, quæ ex dictis manifesta sunt, aliorum sit arbitrio, judicium ferre de meorum laborum exitu, ac fructu, quem mihi sum ab initio pollicitus. Hæc autem omnia dicta sint, ut suæ veritati stet locus, non tamen ut vulgatissimæ scholarum opinioni aliquid detrahā, cui adhærendum esse sentio, donec aliorum studiis ac laboribus novæ in publicum non prodeant Sanctorum Patrum auctoritates & suffragia.

## COROLLARIUM.

**D**uas res uno eodemque labore assecutum me esse nemo diffitebitur : primo scilicet Hilarii Picaviensis Episcopi sententiam in apertum posui, itaque, ni fallor, exornavi, ut penes æquum rerum æstimatorem nullum superesse posse dubium confidam : alterum, de quo mihi gaudeo magnopere, est ; Augustinum Hipponensem Antislitem Sanctissimum, Doctorem Sapientissimum, ac universæ Ecclesiæ Magistrum ab ea me vindicasse macula, quam hypothetice licet, tanti Doctoris nomini insidere nonnulli patiuntur, quod nempe ab institutione Majorum discedere aut potuerit, aut voluerit. Novi enim scriptum apertissime fuisse : *Si Augustinus fortasse optimum quemque statim ab obitu in Dei conspectum venisse credidit, antequam unigena, atque amantissimus Filius proficisceretur ad Inferos, planum ipsi testibus faciam eundem defuisse hac in parte ab institutione Majorum*. Mihi vero aliunde persuasum est, ratumque, id reipsa credidisse Augustinum, & majorum nihilominus institutioni fidelissime adhæsisse. Adhæsit enim Hilario, qui ut hac in dissertatione probatum est, id antea tradiderat : Adhæsit Joanni Chrysostomo, quem id ipsum sensisse, subodoratus est Cl. Petavius : *De Deo, Deique propriet.* lib. 7. cap. 14. num. 10., & suo ego loco opportune demonstro : Adhæsit & aliis Patribus, qui in publicum quamprimum prodibunt. Quis vero asserat, tantos sectari Magistros, ac insignes Ecclesiæ Doctores, esse ab institutione Majorum deficere ?

Illud me maxime movet, quod Augustinus, hanc insinuavit sententiam, seu ut phrasi utar adversariorum, si id fortasse credidit (hypothetice enim loquuntur), insinuavit, & fortasse credidit, ubi totus est in commendanda Patrum traditione, Ecclesiæ consensu, auctoritate Doctorum. Quis autem fieri potest, ut Augustinus ad traditionem appellet, Ecclesiæ adhibeat consensum, Patrum demum auctoritati nitatur, eo ipso tempore, quo alia de re traditionem post se relinquit, labefactat, rejicit ? Rem juvat explicare. Præcipuum, quod utor, argumentum est ex Epist. S. Augustini 164. aliàs 99. ad Evodium, in qua, ubi asseruisset num. 6. *Et de illo quidem primo homine patre generis humani, quod cum inde solueris* (Christus scilicet ad inferna descendens), Ec-

clesia

*clesia fere tota consentit, quod eam non inaniter credidisse, credendum est, undecumque hoc traditum sit, etiamsi Canoniarum Scripturarum hinc expressa non proferatur auctoritas* (13): pergit inde demonstrare iustos in sinu Abrahæ diversantes ab inferorum doloribus liberari non potuisse, quia nec in Inferis erant, nec doloribus obnoxii, nec ab eis secundum beatificam presentiam suæ divinitatis Christus unquam recesserat. Unde, ita rem agit Augustinus

(13) Apertissime hic loci traditum fuisse ab Augustino, non quod de Adamo, idipsum de Abele, de Noe, de Mose, ceterisque sanctis hominibus existimandum esse; sed statuendum, auctorem illum nostrum generis Adamum tam multis sæculis, & apud Inferos diversatum, & ab eorum doloribus fuisse detentum, ex luculentissimis Augustini verbis compellor asserere. Discrimen hoc *periculum* vocant adversarii, eoque uti, *ipsi*, inquirunt, *vetatur Augustini sapientia*. Atqui non *periculum*, sed vera est ac germana Augustini sententia apertissimis hoc loco expressa verbis, crebriusque alibi usurpata sermonibus. Disertissime hic enim meminit dolorum, a quibus, Christo ad Inferos descendente, solutus est Adam, Ecclesia fere tota consentiente: ceteros vero iustos & in Inferis habitasse negat, & doloribus actos fuisse, ita ut ab illis inferorum doloribus solvi eos nequiverit palam testetur. Iustos præterea recenset, quos in sinu Abrahæ, quem ab Inferis plane diversum demonstrat, constitutos vult, in hisque numerandis seriem ab Abele exorditur, omisso penitus Adam. Quid ergo apertius illo discrimine inter Adam & ceteros Patriarchas? Accedunt alia plura clarissima testimonia ex Opere imperfecto S.D. in Julianum, in quibus Adam ab Inferis liberatum liquido constat a Christo illuc proficiscente. Ita lib. 6. num. 12. *Recte creditur Domini adventu, atque ad Inferos descensu ab inferni vinculis jam solutus (Adam), ut primum Dei plasmâ ... ultra in illis vinculis non moneret*. Ita num. 22. *Qui pro soluti hominum salutis est homo (Christus), ab illis vinculis tunc solutus (Adamum) non merito suo, sed gratia Dei per Jesum Christum Dominum nostrum non inaniter credit Ecclesia*. Ita num. 40. *Vnde sciam, quod rectissime creditur, ut eum (Adamum) sint ejus, id est secundum hominem hominem Jesum, quando ad Inferos descendit, ab inferni vinculis solvcret; cum tunc juxta librum sapientie (c. 12. 2.) intelligendus est eductus a delictis suis*. Nonne disertissima hæc sunt? At disertissima quoque illa sunt, quibus negat Patriarchas, atque Prophetas, quibus in scriptura Dei iustitie piotisque tam infæstis testimonium perhibetur, & in Inferis fuisse, & a doloribus inferorum ereptos, ut apparet ex num. 7. 8. E.ist. cit. De Augustini igitur sententia humani generis Parens Adamus in Purgatorii custodiam abductus fuit, atque inclusus, donec Christus ad Inferna descenderet, tantisque eum malis Andicaverit.

Ab Augustini sapientia id maxime abhorre, clamant. Quis porro id efficiet? Quod in hisce assignari potest absurdum? Nonne peccans Adam omnia mala commisit, quæ subsequuta sunt; nimirum moriendi necessitate, inuenticie status, & originalis iustitie amissionem, & cuncta denique alia corporis, atque animi incommoda, quæ ex vitiata origine in omnes postea propagines ejus transfusa sunt? Quis ergo inverosimile credet pro tanto scelere tam multis sæculis in Purgatorii custodia detentum fuisse Adamum, atque vexatum? Hæcne Augustini sapientie repugnant? Hæc tanto indigna predicabis Doctore? Hæc periculum vocabis?

gallinus ibid. num. 8. *Unde illis iustis, qui in sinu Abrahæ erant cum illis in inferna descendere, nondum QUID CONTULISSET INVENI, a quibus eum SECUNDUM BEATIFICAM PRÆSENTIAM SUÆ DIVINITATIS numquam video recessisse. Profecto igitur in Paradiso, atque sinu Abrahæ, etiam ante jam erat BEATIFICANTE SAPIENTIA, & apud Inferos judicante potentia.*

Egregium, acerrimumque traditionis adsertorem se se hic loci exhibere Augustinum, obvium primo loco fit ex verbis illis num. 6. de salute Adami: *Ecclesia fere tota consentit, undecumque hoc traditum sit: secundo ex num. 3. ubi de Evodii sententia existimantis Christum ad inferos descendendo omnes a tenebris, & poenis per gratiam liberasse, exinanitis inferis, istud sibi in contrarium occurrere dixerat: Primum, quæ auctoritate firmetur ista sententia. Fiat ergo hypothesis cum adversariis, tradidisse fortasse Augustinum verbis, quæ sequuntur, optimum quemque etiam ante Christi mortem in Dei conspectum venisse, descivisse ne eum hac in parte dicemus ab institutione majorum? Ita ne demisse, ne impie dicam, de Augustino judicabimus, ut vel leviter suspicemus, eundem rejicere Evodii opinionem auctoritate Patrum, alteram de Adami salute proponere ex Ecclesiæ consensu, & traditione, horum autem quasi oblitum paucis lineis infra voluisse tam aperte sententiam illam statuere, quæ non nova tantum esset, ac insolita, sed Patrum institutioni omnino contraria? peccare in traditionem eo ipso loco, & tempore, quo Evodium traditione confutat? Ecclesiæ consensu quæstionem dirimere de Adami salute, & immediate post aliam stabilire de Patriarchis & Prophetis, quæ Ecclesiæ consensum labefaceret, evertat, penitusque rejiciat? Tenendum ergo firmissime est, Augustinum in his, quæ sequuntur, a Majorum institutione ne minimum quidem deficere.*

Quod vero in his, quæ sequuntur, tradat S. Doctor, antiquos illos Patriarchas, & Prophetas divinitatis præsentiam beatificantem obtinuisse etiam ante Christi mortem, hujus loci non est demonstrare. Pluribus id quamprimum fiet, ex quo manifeste constabit, & eandem revera cum Hilario adhibuisse Augustinum sententiam, & a Majorum traditione nullatenus recessisse.

LAUS DEO.







C

ML



